

KISHA E JEZU KRISHTIT E SHENJTORËVE TË DITËVE TË MËVONSHME • TETOR 2011

Liahona



LIBRI I MORMONIT:
NJË DËSHMI TJETËR
E JEZU KRISHTIT



Nëpërmjet Dhuratës dhe Fuqisë së Perëndisë, nga Simon Dewey.

Libri i Mormonit, i sjellë nga Profeti Jozef Smith, është përkthim i fletëve të lashta “shkruar me urdhërim dhe gjithashtu nëpërmjet shpirtit të profecisë dhe të zbulesës – Shkruar dhe vulosur dhe fshehur te Zoti, që të mund të mos shkatërrohej – Që të vijë në dritë nëpërmjet dhuratës dhe fuqisë së Perëndisë dhe për interpretimin e tij – . . .

. . . Ky anal është për t’u treguar atyre që mbetën nga shtëpia e Izraelit çfarë gjërash të mëdha kishte bërë Zoti për etërit e tyre dhe që ata të mund të dinë besëlidhjet e Zotit, që ata nuk janë braktisur për gjithmonë – Dhe gjithashtu për bindjen e Judenjve dhe Johebrenjve se JEZUSI është KRISHTI” (faqja e titullit e Librit të Mormonit).



Mirësevini në Këtë Botim të Veçantë

Pak temave ua vlen t'u kushtohet një numër i tërë botimi, por Libri i Mormonit është një prej tyre. Në këtë botim, profetë të shkuar e të tanishëm, ashtu si edhe anëtarë në mbarë botën, dëshmojnë për këtë libër unik të shkrimit të shenjtë. Prejardhja e tij është e mrekullueshme. Është një provë e prekshme e Rivendosjes. Ai është gurthemeli i besimit tonë. Dhe u shkrua për kohën tonë – duke dhënë mësim doktrinën e Krishtit qartë dhe thjesht për të ndërtuar besimin tonë dhe për të forcuar familjet tona.

Edhe pse nuk do të gjeni shumë prej rubrikave që jeni mësuar t'i keni tek *Liahona*, Mesazhi i Presidencës së Parë (faqe 4) dhe Mesazhi i Vizitave Mësimore (faqe 46) janë këtu. Këto mesazhe dhe të gjithë artikujt e tjerë ndajnë dëshmi dhe mësim nga Libri i Mormonit.

Ne ju ftojmë ta studioni këtë botim plot lutje, t'i merrni me zemër mesazhet dhe t'i ndani ato – si dhe Librin e Mormonit – me të tjerë.



MESAZHET

4 Mesazhi i Presidencës së Parë: Premtime të Çmuara të Librit të Mormonit

Nga Presidenti Tomas S. Monson

46 Mesazhi i Vizitave Mësimore: Nëse Ne Nuk Dyshojmë

NË KOPERTINË

Që Të Mund Ta Dini, nga Gary Kapp, me mirësinë e Z. dhe Zj. David Larsen, nuk lejohet kopjimi. Prapa: *Imazhi i Krishtit*, nga Heinrich Hofmann, me mirësinë e C. Harrison Conroy Co.



ARTIKUJT KRYESORË

- 6 Profeti Jozef Smith – Përkthyesi i Librit të Mormonit**
Një djalosh i paarsimuar u bë, përmes fuqisë së Perëndisë, përkthyesi i frymëzuar i “më [të saktit] . . . libër mbi tokë”.

- 10 Çfarë Mëson Libri i Mormonit mbi Dashurinë e Perëndisë**
 Nga Plaku Rasëll M. Nelson
A dëshironi të rilindeni shpirtërisht dhe të fitoni fuqinë që të doni ashtu si do Perëndia? Libri i Mormonit shpjegon mënyrën.

- 16 Historia e Librit të Mormonit**
Ky artikull mund t’ju ndihmojë t’u mësoni fëmijëve tuaj histori të rëndësishme nga ky libër shkrimi të shenjtë.

- 20 Tabela Kronologjike e Librit të Mormonit**
Një vështrim i përgjithshëm pamor i njerëzve kyç, që nga Jareditët në 2200 Para K. deri në fund të qytetërimit nefit në 420 Pas K..



- 22 Kush e Shkroi Librin e Mormonit?**
Puna e profetëve të lashtë, një përpilues i frymëzuar dhe një përkthyesi i ditëve të mëvonshme sollën Librin e Mormonit.

- 24 Libri i Mormonit: Një Dëshmitar me Biblën**
Këtu janë 14 doktrina themelore që jepen mësim në Bibël, për të cilat Libri i Mormonit shton një dëshmi të mëtjetshme.

- 28 Si ta Studiojmë Librin e Mormonit**
 Nga Plaku D. Tod Kristoferson
Tre arsye dhe tre mënyra për ta studiuar këtë libër unik shkrimi të shenjtë.

- 32 Ëndrra e Lehit: Duke u Mbajtur me Vendosmëri te Shufra**
 Nga Plaku Dejvid A. Bednar
Ëndrra e Lehit na mëson se si të mbahemi me vendosmëri te fjala e Perëndisë.

- 38 Libri i Mormonit: Forcimi i Besimit tonë tek Jezu Krishti**
 Nga Plaku Nil L. Andersen
Libri i Mormonit na fton ne dhe familjet tona që të përqafojmë besimin te Zoti Jezu Krisht, gjë që do t’i ndihmojë të kenë sukses familjet tona.

- 47 Muzikë: Dy Mijë Djem Luftëtarë**
 Nga Bonnie Hart Murray dhe Janice Kapp Perry

- 48 Mësim për Kohën Tonë**
Profetë dhe apostuj të gjallë tregojnë të vërteta nga Libri i Mormonit që mund të na udhëheqin ne sot.

- 52 Libri i Mormonit – Gurthemeli i Besimit Tonë**
 Nga Presidenti Ezra Taft Benson
Ky fjalim klasik, i mbajtur 25 vite më parë, përmban dëshmi dhe këshillë të përhershme mbi Librin e Mormonit.

- 59 Një Punë e Shenjtë**
 Nga Dejvid A. Feix
Një veprim i thjeshtë më dha një mësim mbi respektin për Librin e Mormonit dhe shenjtërinë e tij.



- 60 Nëse Ju Vërtet Doni ta Dini, Ju Do ta Dini**
Nga Plaku Uolter F. Gonzáles
Katër mënyra se si mund ta dini se Libri i Mormonit është frymëzuar nga Perëndia.

- 65 Afishe: Një Zë nga Pluhuri**

- 66 Një Zjarr që Digjet brenda Meje**
Nga Majkëll R. Morris
Dita kur Eduardo Kontreras mësoi të lexonte, është gjithashtu dita kur ai mori një dëshmi për Librin e Mormonit.

- 68 Si e Ndryshoi Libri i Mormonit Jetën Time**
Anëtarë dëshmojnë se si Libri i Mormonit i ndihmoi ata të gjejnë përgjigje, ngushëllim dhe kthim në besim.

- 72 Çdo Gjuhe dhe Populli**
Nga Lia Mak-Klanahan
Për shenjtoret e ditëve të mëvonshme përreth botës, asgjë nuk mund të krahasohet me pasjen e Librit të Mormonit në gjuhën e tyre amtare.



- 76 Pyetje të Zakonshme rreth Librit të Mormonit**
Përgjigje të thjeshta për pyetje që njerëzit i bëjnë shpesh rreth Librit të Mormonit.

- 80 Një Dëshmi, një Besëlidhje dhe një Dëshmitar**
Nga Plaku Xhefri R. Holland
Dëshmoj për këtë libër me aq siguri, sa sikur, bashkë me të Tre dhe të Tetë Dëshmitarët, t'i kisha parë fletët e arta.



Shumë nga pikturat e këtij botimi përmbajnë një figurë të Liahonës që mori Lehi. Liahonat nuk janë fshehur dhe mund të mos duken me saktësi si kjo e sipërmja, por juve dhe familjes suaj mund t'ju pëlqejnë të zbulonit sa Liahona arrini të gjeni nëpër këtë botim.

TETOR 2011 VËLLIMI 13 NR. 3 LIAHONA 09690 101

Revista ndërkombëtare zyrtare e Kishës së Jezu Krishtit të Shenjtorëve të Ditëve të Mëvonshme

Presidenca e Parë: Tomas S. Monson, Henri B. Ajring, Diter F. Uhtdorf

Kuorumi i Dymbëdhjetë Apostujve: Bojd K. Paker, L. Tom Perri, Rasëll M. Nelson, Dallin H. Ouks, M. Rasëll Ballard, Riçard G. Skot, Robert D. Hejls, Xhefri R. Holland, Dejvid A. Bednar, Kuentin L. Kuk, D. Tod Kristoferson

Botues: Paul B. Pieper

Këshilltarë: Keith R. Edwards, Christoffel Golden Jr., Per G. Malm

Drejtor Administrues: David L. Frischknecht

Drejtor i Artikujve: Vincent A. Vaughn

Drejtor i Grafikës: Allan R. Loyborg

Redaktor Administrimi: R. Val Johnson

Ndihmësredaktorë Administrimi: Jennifer L. Greenwood, Adam C. Olson

Zëvendësredaktorë: Susan Barrett, Ryan Carr

Personeli i Redaksisë: Brittany Beattie, David A. Edwards, Matthew D. Flinton, LaRene Porter Gaunt, Carrie Kasten, Larry Hiller, Jennifer Maddy, Lia McClanahan, Melissa Merrill, Michael R. Morris, Sally J. Odekirk, Joshua J. Perkey, Chad E. Phares, Jan Pinborough, Janet Thomas, Paul VanDenBerghe, Marissa A. Widdison, Melissa Zenteno

Drejtor Administrues i Artit: J. Scott Knudsen

Drejtor Arti: Scott Van Kampen

Administruese e Prodhimit: Jane Ann Peters

Kryedizenjatorë: C. Kimball Bott, Thomas S. Child,

Colleen Hinckley, Eric P. Johnson, Scott M. Mooy

Personeli i Prodhimit: Collette Nebeker Aune, Howard G. Brown, Julie Burdett, Reginald J. Christensen, Kim Fenstermaker, Kathleen Howard, Denise Kirby, Ginny J. Nilson, Ty Pilcher

Përgatitja për Shtyp: Jeff L. Martin

Drejtor i Prodhimit: Craig K. Sedgwick

Drejtor i Shpërndarjes: Evan Larsen

Mbikëqyrës i Përkthimit Shqip: Attila Böröcz

Për pajtimet dhe për çmimet jashtë Shteteve të Bashkuara dhe Kanadasë, ju lutemi të lidheni me qendrën tuaj vendore të shpërndarjes të Kishës ose me udhëheqësin e lagjes apo degës.

Dërgoni dorëshkrime dhe pyetje në Liahona, Room 2420, 50 East North Temple Street, Salt Lake City, UT 84150-0024, USA; ose e-mail: liahona@ldschurch.org.

Liahona (një term nga Libri i Mormonit, që do të thotë "busull" apo "drejtues") botohet në anglisht, armenisht, bislamisht, bullgarisht, çekisht, danisht, estonisht, fihisht, finlandisht, frëngjisht, greqisht, gjermanisht, holandisht, hungarisht, indonezisht, islandisht, italisht, japonisht, kamboxhisht, kinezisht, kiribatisht, koreanisht, kroatisht, letonisht, lituanisht, malagasisht, marshallisht, mongolisht, norvegjisht, polonisht, portugalisht, rumanisht, rusisht, samoaisht, sebuanisht, sllovenisht, spanjisht, suedisht, shqip, tagalogisht, tahitisht, taisht, tongaisht, ukrainisht, urduisht dhe vietnamisht. (Periodiciteti ndryshon sipas gjuhës.)

© 2011 nga Intellectual Reserve, Inc. I rezervohen të gjitha të drejtat. Shtypur në Shtetet e Bashkuara të Amerikës.

Lënda e shkruar dhe ajo figurative e *Liahonës* mund të kopjohet për ta përdorur me raste në kishë ose në shtëpi, jo për tregti. Lënda figurative nuk mund të kopjohet nëse ajo shoqërohet me kufizime të shënimi i meritave për punën artistike. Çështjet e së drejtës së autorit duhet të adresohen te: Intellectual Property Office, 50 E. North Temple St., Salt Lake City, UT 84150, USA; adresa elektronike: cor-intellectualproperty@ldschurch.org.

For Readers in the United States and Canada:

October 2011 Vol. 13 No. 3. LIAHONA (USPS 311-480) Albanian (ISSN 1521-4753), is published four times a year (April, May, October and November) by The Church of Jesus Christ of Latter-day Saints, 50 E. North Temple St., Salt Lake City, UT 84150. USA subscription price is \$3.00 per year; Canada, \$3.60 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address *must* be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (Visa, MasterCard, American Express) may be taken by phone. (Canada Poste Information: Publication Agreement #40017431)

POSTMASTER: Send address changes to Salt Lake Distribution Center, Church Magazines, PO Box 26368, Salt Lake City, UT 84126-0368.

Nga Presidenti
Tomas S. Monson



Premtime të Çmuara TË LIBRIT TË MORMONIT

Shumë vite më parë, qëndrova pranë shtratit të një ati të ri, që ishte duke dhënë shpirt. Bashkëshortja e tij e shqetësuar dhe dy fëmijët e tyre qëndronin pranë. Ai më mori dorën në dorën e tij dhe, me përgjërëm, tha: “Peshkop, e di që po vdes. Më thuaj çfarë do të ndodhë me shpirtin tim, kur të vdes?”

U luta për udhëheqje qiellore dhe vura re në tavolinën pranë shtratit të tij, një kopje të kombinimit tresh. U zgjata për [të marrë] librin dhe shfletova faqet. Befas zbulova se, pa ndonjë përpjekje nga ana ime, kisha ndalur tek kapitulli i 40-të i Almës në Librin e Mormonit. I lexova atij këto fjalë:

“Vër re, mua m’u bë e ditur nga një engjëll që shpirtat e të gjithë njerëzve, posa të largohen nga ky trup i vdekshëm, . . . çohen në shtëpi tek ai Perëndi që u dha atyre jetë.

Dhe . . . shpirtat e atyre që janë të drejtë pranohen në një gjendje lumturie që quhet parajsë, një gjendje e pushimit, një gjendje e paqes, ku ata do të prehen nga të gjitha trazirat e tyre dhe nga të gjitha vuajtjet dhe brengat” (Alma 40:11–12).

Ndërsa vazhdova të lexoja mbi Ringjalljen, një ndriçim erdhi në fytyrën e të riut dhe një buzëqeshje hijeshoi buzët e tij. Ndërsa përfundova vizitën, i thashë mirupafshim kësaj familjeje të ëmbël.

I pashë herën tjetër gruan dhe fëmijët në funeral. Mendoj sërish për atë natë kur një burrë i ri u lut për të vërtetën dhe, nga Libri i Mormonit, dëgjoi përgjigjen për pyetjen e tij.

Nga Libri i Mormonit vijnë premtime të tjera të çmuara, përfshirë premtimet e paqes, lirisë dhe bekimet nëse ne “do t’i shërbej[m]ë vetëm Perëndisë së kësaj toke, që është Jezu Krishti” (Ethëri 2:12).

Nga faqet e tij vjen premtimi i “një gjendje[je] lumturie të pafund” për “[ata] që zbatojnë urdhërimet e Perëndisë. Pasi vini re, ata janë të bekuar në të gjitha gjërat, qoftë tokësore ashtu edhe shpirtërore” (Mosia 2:41).

Nga faqet e tij vjen premtimi për “gëzim[të] paimagjinueshëm” për ata që bëhen “mjet[e] në duart e Perëndisë” për shpëtimin e bijve dhe bijave të Tij të çmuara (Alma 28:8; 29:9).

Nga faqet e tij vjen premtimi se Izraeli i shpërndarë do të mbledhet – një punë në të cilën jemi përfshirë me anë të përpjekjeve tona të mëdha misionare në mbarë botën (shih 3 Nefi 16; 21–22).

Nga faqet e tij vjen premtimi që, kur i lutemi Atit në emrin e shenjtë të Jezu Krishtit, familjet tona do të bekohen (shih 3 Nefi 18:21).

Nga një studim i faqeve të tij, vjen përmbushja e premtimit profetik se “do të vijë në jetën tuaj dhe në shtëpitë tuaja një masë e shtuar e Shpirtit të Zotit, një vendim i forcuar për të ecur në bindje ndaj urdhërimeve të Tij dhe një dëshmi më e fortë për realitetin e gjallë të Birit të Perëndisë”¹.

Dhe nga faqet e Librit të Mormonit vjen premtimi i Moronit se, nëpërmjet lutjes, qëllimit të vërtetë dhe besimit në Krisht, ne mund të dimë të vërtetën e këtyre premtimeve



“nëpërmjet fuqisë së Frymës së Shenjtë” (shih Moroni 10:4–5).

Bashkë me profetë të tjerë të ditëve të mëvonshme, unë dëshmoj për vërtetësinë e këtij “më të saktit prej cilitdo libër mbi tokë”², madje Librit të Mormonit, një dëshmi tjetër e Jezu Krishtit. Mesazhi i tij përshkon token dhe i sjell lexuesit tek një dijeni e së vërtetës. Është dëshmia ime se Libri i Mormonit ndryshon jetën. Secili prej nesh e lexoftë dhe e rilexoftë atë. Dhe ne ndafshim me gëzim dëshmitë tona për premtimet e tij të çmuara me të gjithë fëmijët e Perëndisë. ■

SHËNIME

1. Gordon B. Hinckley, “A Testimony Vibrant and True”, *Liahona*, gusht 2005, f. 6.
2. *Teachings of Presidents of the Church: Joseph Smith* (2007), f. 64.

MËSIMDHËNIA NGA KY MESAZH

Në shkrimet e shenjta “ne gjejmë parime të së vërtetës që do të zgjidhin çdo ngatërrim dhe çdo problem, dhe çdo dilemë që do të përballë familja njerëzore” (*Teaching, No Greater Call [Mësimdhënia, S’Ka Thirrje Më të Madhe]* [1999], f. 51). Ndërsa ndani mesazhin e Presidentit Monson me familjen, ftojini ata të dëgjojnë “premtimet e çmuara” që ai dallon në Librin e Mormonit. Ju mund të ndani një premtim nga Libri i Mormonit që ka qenë kuptimplotë për ju.

Profeti Jozef Smith

PËRKTHYESI I LIBRIT
TË MORMONIT

Libri i Mormonit është një libër unik i shkruar të shenjtë. Edhe pse atë e shkruan profetë të lashtë, ai nuk erdhi tek ne ashtu si Bibla. Bibla u shënua kryesisht në rrotulla në Botën e Vjetër, si libra të veçantë dhe u kopjua nga shkruarit për shekuj. Vetëm në shekullin e katërt pas Jezu Krishtit, këta libra të veçantë u bashkuan dhe na u bënë të disponueshëm në një vëllim të cilit i referohemi si Bibla e Shenjtë.

Libri i Mormonit, përkundrazi, u shënua nga profetë të lashtë në Botën e Re mbi fletë metalike, që u përmbledhën kryesisht nga një profet – Mormoni (prej nga vjen titulli) – në shekullin e pestë pas Krishtit në një anal mbi fletë të arta. Biri i tij, Moroni, më vonë i groposi fletët, ku ato mbetën deri në vitin 1827, kur Moroni, si një qenie e ringjallur, ia dorëzoi ato një të riu të quajtur Jozef Smith.

Ajo çka vijon, është historia se si Jozefi e mori, e përktheu dhe e botoi analin që titullohet tani Libri i Mormonit: Një Dëshmi Tjetër e Jezu Krishtit. Vetë Shpëtimtari dëshmoi se libri është i vërtetë (shih DeB 17:6).





1. Në vitin 1820 një djalosh 14-vjeçar i quajtur Jozef Smith jetonte pranë Palmirës në Nju-Jork. Edhe pse i ri, ai ishte i shqetësuar për pozicionin e tij para Perëndisë dhe i hutuar nga pretendimet e sekteve të ndryshme të krishtera, që kërkonin të kthyer në besim duke hedhur poshtë pretendimet e të tjerëve. I shtyrë nga studimi i tij i Biblës, Jozefi vendosi të kërkonte urtësi duke pyetur Perëndinë, që “u jep të gjithëve pa kursim, pa qortuar” (Jakobit [Bibël] 1:5). Ai shkoi në pyjet pranë shtëpisë së tij që të lutej.



2. Kur Jozefi u gjunjëzua dhe u lut, një shtyllë e shkëlqyeshme drite ra mbi të. Në të ai pa dy Personazhe. Ati Qiellor foli dhe tha: “Ky është Biri Im i Dashur. Dëgjoje Atë!” (Joseph Smith – Historia 1:17). Zoti i tha Jozefit të mos bashkohej me asnjë prej kishave, sepse asnjëra prej tyre nuk ishte e vërtetë, por ai premtoi “se plotësia e Ungjillit në një kohë të ardhme do t’i bëhej e njohur [atij]”¹.



3. Kaluan tre vite, gjatë të cilëve Jozef Smithi ua tregoi përvojën e tij të tjerëve – dhe e përndoqën për këtë. Ai tregoi: “Edhe pse urrehesha dhe përndiqesha, sepse kisha thënë se kisha parë një vegim, përsëri ai ishte i vërtetë; dhe . . . u nxitë të them në zemrën time: Përse më përndiqni ngaqë them të vërtetën? Unë me të vërtetë e kam parë një vegim; dhe kush jam unë që mund t’i bëj ballë Perëndisë, ose përse bota mendon të më bëjë ta mohoj atë që kam parë me të vërtetë? Sepse unë kisha parë një vegim; unë e dija atë dhe e dija se Perëndia e dinte atë dhe nuk mund ta mohoj” (Joseph Smith – Historia 1:25).

Që nga viti 1830, miliona njerëz e kanë lexuar Librin e Mormonit dhe janë bashkuar me Kishën e Jezu Krishtit të Shenjtorëve të Ditëve të Mëvonshme për shkak të dëshmisë për Shpëtimtarin në Librin e Mormonit.


Libri është gjithashtu provë se Jozef Smithi ishte një profet i Perëndisë dhe se Shpëtimtari e udhëheq Kishën e Tij sot. Miliona njerëz e kanë vënë në provë dhe e kanë gjetur të vërtetë premtimin e Moronit për të



4. Më 21 shtator 1823, Jozefi po lutej kur një dritë mbushi dhomën e tij të gjumit në papafingo dhe u shfaq një engjëll i quajtur Moroni. Moroni i tregoi Jozefit për shkrimet nga disa profetë të lashtë. Anali, i gdhendur mbi fletë të arta, u gropos në një kodër aty pranë. Jozefi u njoftua se ai duhej ta përkthente analin.



5. Së fundi, më 22 shtator 1827, Jozefit iu besuan fletët, që i mori nga një kuti e gurtë e groposur nën një gur të madh në një kodër pranë Palmirës në Nju-Jork.



6. Siç qe e zakonshme në zonat rurale në ato kohë, Jozef Smithi qe praktikisht i paarsimuar. Për ta ndihmuar atë për përkthimin, Perëndia i siguroi atij një mjet të lashtë përkthimi të quajtur Urim dhe Thumim. Ai gjithashtu u bekua me ndihmën e shkruësve që shkruan ato që ai u diktonte ndërsa përkthente. Mes këtyre shkruësve qenë bashkëshortja e tij, Ema; Martin Herrisi, një fermer i begatë; dhe Oliver Kaudri, një mësues shkolle. Pjesa kryesore e punës së përkthimit u përfundua në më pak se tre muaj pasi Oliveri filloi të shërbejë si shkruës.

Ema e përshkroi se si ishte të shërbeje si shkruësja e Jozefit: "Asnjë njeri nuk do të mund të kishte diktuar shkrimin e dorëshkrimeve nëse nuk do të ishte i frymëzuar; sepse, kur [unë] po veproja si

gjithë kërkuesit e ndershëm të së vërtetës: “Unë do t’ju këshilloja që të pyesni Perëndinë, Atin e Amshuar, në emrin e Krishtit, në qoftë se këto gjëra nuk janë të vërteta; dhe në qoftë se ju do të kërkoni me një zemër të sinqertë,

me qëllim të vërtetë duke pasur besim në Krisht, ai do t’ju tregojë të vërtetën, nëpërmjet fuqisë së Frymës së Shenjtë” (Moroni 10:4).



shkruesja e tij, [Jozefi] do të më diktonte mua për orë me radhë; dhe kur ktheheshim pas vakteve të ushqimit, ose pas ndërprerjeve, ai menjëherë do të fillonte atje ku e kishte lënë, madje pa e parë fare dorëshkrimin ose pa ia lexuar asnjë pjesë të tij”².

Jozefi shpjegoi domethënien e daljes në dritë të Librit të Mormonit: “Me anë të fuqisë së Perëndisë unë përktheva Librin e Mormonit nga hieroglifet, njohja e të cilave kishte humbur në botë dhe në këtë ngjarje të mrekullueshme unë veprova i vetëm, një i ri i pamësuar, që të luftoja urtësinë e botës dhe paditurinë e grumbulluar prej tetëmbëdhjetë shekujsh, me një zbulesë të re”³.

7. Gjatë 18 muajve që kishte fletët, Jozefi nuk qe i vetmi që i pa apo i mbajti në duar ato. Tre burra – Oliver Kaudri, Dejvid Uiteri dhe Martin Herrisi – dëshmuar zyrtarisht se engjëlli Moroni u tregoi atyre fletët e arta dhe se ata e dinin se fletët “u përkthyen nëpërmjet dhuratës dhe fuqisë së Perëndisë, pasi zëri i tij na e deklaroi këtë”. Tetë burra të tjerë gjithashtu dëshmuar se ata i kishin parë dhe mbajtur në duar fletët e arta.⁴

8. Nga gushti 1829, Jozefi kishte lidhur kontratë me botuesin Egbert B. Grandin nga Palmira e Nju-Jorkut për të shtypur vëllimin. Martin Herrisi la peng fermën e tij për të paguar për shtypjen e librit dhe më 26 mars 1830, Libri i Mormonit qe i disponueshëm për blerje.


9. Më 6 prill 1830, rreth 60 vetë u mbledhën në një shtëpi prej trarësh druri në Fajetë të Nju-Jorkut. Atje, siç u drejtua nga Zoti Jezu Krisht, Jozef Smithi organizoi zyrtarisht Kishën e Shpëtimtarit, të rivendosur siç qe organizuar fillimisht dhe të udhëhequr nga apostuj e profetë, të autorizuar për të folur për Perëndinë. Zbulesa e mëvonshme drejtuar Jozef Smithit i dha Kishës emrin e saj: Kisha e Jezu Krishtit e Shenjtorëve të Ditëve të Mëvonshme (shih DeB 115:4). ■

SHËNIME

1. Joseph Smith, në *History of the Church*, 4:536.
2. Intervistë me Emma Smith-in nga Joseph Smith III, shkurt 1879, në *Saints' Herald*, 1 tetor 1879, f. 290.
3. *Mësimet e Presidentëve të Kishës: Jozef Smith* (2009), f. 63.
4. Shih “Dëshmia e Tre Dëshmitarëve” dhe “Dëshmia e Tetë Dëshmitarëve”, në hyrje të Librit të Mormonit.



Nga Plaku
Rasëll M. Nelson,
i Kuorumit të
Dymbëdhjetë Apostujve



ÇFARË MËSON LIBRI I MORMONIT MBI DASHURINË E PERËNDISË

*Disa nga shembujt më madhështorë të dashurisë
së Zotit janë shënuar në Librin e Mormonit.*

Shumica e të krishterëve janë njohur me tiparet e Jezu Krishtit siç tregohen në Bibël. Ata mahniten me dashurinë që Ai tregoi për të varfrin, të sëmurin dhe të munduarin. Ata që e konsiderojnë veten dishepujt e Tij, gjithashtu përpiqen fort të marrin shembullin e Tij dhe të ndjekin nxitjen e Apostullit të Tij të dashur: “Le ta duam njëri-tjetrin, sepse dashuria është nga Perëndia dhe kushdo që do, ka lindur nga Perëndia dhe e njeh Perëndinë. . . . Sepse Perëndia është dashuri” (1 Gjoni 4:7–8).

Ky koncept qartësohet nga Libri i Mormonit. Ai përshkruan se si lindet njeriu nga Perëndia dhe se si fiton njeriu fuqinë që të dojë ashtu si Ai do. Ai dallon tre parime thelbësore që sjellin fuqinë e dashurisë së Perëndisë në jetën tonë.

Së pari, Libri i Mormonit na mëson se, ushtrimi i besimit në Krisht dhe hyrja në një *besëlidhje* me Të për të mbajtur urdhërimet

e Tij, është çelësi për të rilindur shpirtërisht. Njerëzve të Librit të Mormonit, të cilët e bënë një besëlidhje të tillë, Mbreti Beniamin u përmendi: “Dhe tani, për shkak të besëlidhjes që keni bërë, ju do të quheni fëmijët e Krishtit, bijtë e tij dhe bijat e tij; pasi vini re, në këtë ditë ai ju ka lindur juve shpirtërisht; meqë ju thoni se zemrat tuaja janë ndryshuar nëpërmjet besimit në emrin e tij; prandaj, ju keni lindur prej tij dhe jeni bërë bijtë e tij dhe bijat e tij” (Mosia 5:7).

Së dyti, Vetë Shpëtimtari jep mësim se fuqia për t’u bërë më tepër si Ai vjen nëpërmjet marrjes së *ordinancave* të ungjillit: “Tani, ky është urdhërimi: Pendohuni, të gjitha ju skajet e tokës dhe ejani tek unë dhe pagëzohuni në emrin tim, që të shenjtëroheni nëpërmjet marrjes së Frymës së Shenjtë, që të mund të qëndroni pa njollë para meje, në ditën e fundit” (3 Nefi 27:20).

Së treti, Ai na këshillon të *ndjekim shembullin e Tij*. “Çfarë lloj njerëzish duhet të jeni?” Pyet Ai në mënyrë retorike. Përgjigjja e Tij: “Në të vërtetë, unë ju them juve, madje siç jam unë” (3 Nefi 27:27). Vërtet, Ai dëshiron që ne të bëhemi më shumë si Ai.

Disa nga shembujt më madhështorë të



NJË PROFET DËSHMON

“Libri i Mormonit ka dalë në dritë nëpërmjet dhuratës dhe fuqisë së Perëndisë. Ai flet si një zë nga pluhuri në dëshmi për Birin e Perëndisë. Ai flet për lindjen e Tij, shërbesën e Tij, Kryqëzimin e Ringjalljen e Tij dhe për shfaqjen e Tij tek të drejtët në tokën Begati në kontinentin Amerikan.

Është një gjë e prekshme që mund të trajtohet, që mund të lexohet, që mund të provohet. Ai mbart brenda kapakëve të tij një premtim për origjinën e tij hyjnore. Miliona njerëz e kanë vënë atë në provë dhe kanë gjetur se është një anal i vërtetë dhe i shenjtë.”

Presidenti Gordon B. Hinkli (1910–2008), “The Great Things Which God Has Revealed”, *Liahona*, maj 2005, f. 81–82.

dashurisë së Tij janë shënuar në Librin e Mormonit. Këta shembuj mund të zbatohen në jetën tonë ndërsa përpiqemi fort të bëhemi më shumë si Zoti.

Ishte dashuria e Tij për Lehin dhe familjen e Lehit – dhe dashuria e tyre për Të – që i solli ata në Amerikë, toka e tyre e premtuar, ku ata u begatuan.¹

Ishte dashuria e Perëndisë për ne që e nxiti Atë shekuj më parë që t’i urdhëronte profetët nefitë për të mbajtur një anal të shenjtë të popullit të tyre. Mësimet nga ai anal kanë të bëjnë me shpëtimin dhe ekzaltimin tonë. Këto mësimë janë të disponueshme tani në Librin e Mormonit. Ky tekst i shenjtë qëndron si provë e prekshme e dashurisë së Perëndisë për të gjithë fëmijët e Tij në mbarë botën.²

Ishte dashuria e Krishtit për “delet e tjera” të Tij që e solli Atë te Bota e Re.³ Nga Libri i Mormonit mësojmë se, në Botën e Re pas vdekjes së Zotit në Botën e Vjetër, ndodhën fatkeqësi të mëdha natyrore dhe tre ditë

TË NJOHËSH ËSHTË TË NJOHËSH DASHURINË

Jam një anëtare e re e Kishës së Jezu Krishtit të Shenjtorëve të Ditëve të Mëvonshme dhe për mua Libri i Mormonit nuk është thjesht një libër. Është një provë e fortë se Ati Qiellor na do. Është provë se shenjtorët e hershëm na donin dhe dëshironin që ne të vinim në shtëpi. Është provë se plani i Perëndisë i lumturisë ekziston dhe është i përkryer.

Të dish se ky libër është i vërtetë është të dish se Ati Qiellor dhe Biri i Tij jetojnë. Është të dish se jeta është e bukur dhe e përjetshme. Është të dish se, për aq kohë sa vazhdon të përpiqesh të jesh më e mira e mundshme dhe të pendohesh kur bie, gjithmonë do të marrësh falje. Është të dish kuptimin e vërtetë të familjes. Është të dish se nuk do ta humbasësh kurrë një njeri të dashur, kur ai ose ajo pret për ty. Është të njohësh bekimet e Atit Qiellor. Është të njohësh ngushëllimin se, çfarëdo stuhie të të vijë në jetë, ti mund ta përballësh atë, pasi është për përfitimin tënd. Është të dish se Fryma e Shenjtë është shoqëruesi yt i përhershëm. Në thelb, është të njohësh dashurinë në të gjitha shprehjet e saj.

Ema Adesania, Irlandë



errësire. Pastaj, Zoti i përlëvdur dhe i ringjallur, zbriti nga qielli dhe shërbeu mes njerëzve të Botës së Re.

“Unë jam drita dhe jeta e botës”, u tha Ai atyre, “dhe unë kam pirë nga ajo kupë e hidhur që Ati më dha dhe kam lartësuar Atin, duke marrë përsipër mëkatet e botës” (3 Nefi 11:11).

Pastaj, Ai u dha një nga përvojat më të afërta që ndokush mund të kishte me Të. Ai i ftoi të ndienin plagën në anën e Tij dhe gjurmët e gozhdëve në duart e këmbët e Tij, që ata ta dinin me siguri se Ai është “Perëndia i Izraelit dhe Perëndia i tërë tokës dhe se [ishte vrarë] për mëkatet e botës” (3 Nefi 11:14).

Jezusi u dha pastaj dishepujve të Tij autoritetin për të pagëzuar, për të dhënë dhuratën e Frymës së Shenjtë dhe për të administruar sakramentin. Ai u dha atyre fuqinë për të

krijuar Kishën e Tij mes tyre, udhëhequr nga dymbëdhjetë dishepuj.

Ai u dha atyre disa nga mësimet themelore që u kishte dhënë dishepujve të Tij në Botën e Vjetër. Ai shëroi të sëmurët e tyre. Ai u gjunjëzua dhe iu lut Atit me fjalë kaq të fuqishme e të shenjta, saqë nuk mund të shkruheshin. Kaq e fuqishme qe lutja e Tij, saqë ata që e dëgjuan Atë u pushtuan nga gëzimi. I pushtuar nga dashuria e Tij për ta dhe nga besimi i tyre tek Ai, Jezusi Vetë qau. Ai profetizoi për punën e Perëndisë në shekujt që do të çojnë tek mbërritja e premtuar e Ardhjes së Tij të Dytë.⁴

Pastaj Ai u kërkoi të sillnin fëmijët e tyre tek Ai.

“Dhe ai i mori fëmijët e tyre të vegjël, një nga një, dhe i bekoi dhe iu lut Atit për ta.

Dhe pasi e bëri këtë gjë, ai qau përsëri;

*Vetë Shpëtimtari
jep mësim se fuqia
për t'u bërë më
tepër si Ai vjen
nëpërmjet marrjes
së ordinancave të
ungjillit.*

Pastaj Ai u kërkoi të sillnin fëmijët e tyre tek Ai. “Dhe ai i mori fëmijët e tyre të vegjël, një nga një, dhe i bekoi dhe iu lut Atit për ta.”

Dhe i foli turmës dhe u tha atyre: Vini re të vegjlit tuaj.

Dhe si u kthyen të shikonin, ata hodhën sytë drejt qiellit dhe panë qiejt të hapen; dhe panë engjëj që po zbritnin nga qielli sikur të ishin në mes të një zjarri; dhe ata zbritën dhe rrethuan të vegjlit e tyre, . . . dhe engjëjt u shërbyen atyre” (3 Nefi 17:21–24).

E tillë është dëlirësia dhe fuqia e dashurisë së Perëndisë, siç zbulohet në Librin e Mormonit.

Në këto ditë të mëvonshme, ne që kemi privilegjin të kemi Librin e Mormonit, të jemi anëtarë të Kishës së Zotit, të kemi ungjillin e Tij dhe të mbajmë urdhërimet e Tij, dimë diçka për dashurinë e pafund të Perëndisë. Ne dimë se si ta bëjmë tonën dashurinë e Tij. Kur bëhemi dishepujt e Tij të vërtetë, fitojmë fuqinë të duam ashtu si Ai do. Kur i mbajmë urdhërimet

e Tij, ne bëhemi më shumë si Ai. Ne zgjerojmë qarkun tonë personal të dashurisë duke iu drejtuar njerëzve të çdo kombi, fisi dhe gjuhe.

Me mirënjohje të thellë për jetën e Tij shembullore, ne mund ta bëjmë standardin tonë këtë shkrim të shenjtë: “Lutiuni Atit me gjithë fuqinë e zemrës suaj, që të mbusheni me këtë dashuri që ai ua jep të gjithë atyre që janë pasues të vërtetë të Birit të tij Jezu Krisht; që ju të mund të bëheni bijtë [dhe bijat] e Perëndisë; që kur ai të shfaqet, ne të jemi si ai, pasi ne do ta shohim atë ashtu sikurse është” (Moroni 7:48).⁵ ■

SHËNIME

1. Shih 1 Nefi 17:35–44; Mosia 7:20; Alma 9:9–11; 3 Nefi 5:20–22.
2. Shih faqja e titullit e Librit të Mormonit; 1 Nefi 13:35–41; 2 Nefi 33:4; Mosia 1:2–7; Mormoni 8:13–41.
3. Shih Gjoni 10:16; 3 Nefi 15:11–24.
4. Shih 3 Nefi 11–14; 18–20.
5. Krahaso 1 Gjoni 3:1–3.

DALLIMI I FUQISË SË DASHURISË SË TIJ

Kur u bashkova me Kishën gjatë vitit tim të parë në universitet, u ndjeva mirë për ndryshimet që po bëja në mënyrën time të jetesës dhe pashë se sa shumë e përmirësoi ungjilli jetën time. Megjithatë, shpejt ndjeva se e kaluara ime po pengonte çfarëdo përparimi që mund të bëja. Si mundej të më përdorte mua Ati Qiellor për të ndihmuar në ndërtimin e mbretërisë së Tij kur kisha bërë kaq zgjedhje të dobëta?

Pastaj një ditë hapa Librin tim të Mormonit tek faqja e fundit fare. Lexova fjalët e ndarjes së Moroni: “Po, ejani te Krishti dhe përsosuni në të . . . dhe në qoftë se do t’i mohoni vetes çdo ligësi dhe ta doni Perëndinë me gjithë fuqinë, mendjen dhe forcën tuaj, atëherë hiri i tij mjafton për ju, se me anë të hirit të tij ju mund të bëheni të përsosur në Krisht; dhe në qoftë se për hir të Perëndisë ju jeni bërë të përsosur në Krisht, ju nuk mund të mohoni në asnjë mënyrë pushtetin e Perëndisë” (Moroni 10:32). I vështrova ngultas ato fjalë. Ndjeva Shpirtin të më thoshte se ishin të vërteta. Kuptova se po kufizoja fuqinë e Perëndisë duke hamendësuar se Ai nuk mund të më përdorte në ndonjë mënyrë që e shihte të përshtatshme.

Vendosa se, që atëherë e tutje, nuk do të “mohoj[a] . . . pushtetin e Perëndisë”, por do ta pranoja të shkuarën time dhe do ta prisja me padurim të ardhmen time. Sa më shumë përqendrohesha tek e ardhmja ime në vend të së shkuarës dhe i mirëbesoja hirit shenjtëruar të Jezu Krishtit, aq më shumë ndieja dashurinë e Shpëtimtarit për mua dhe aq më i lumtur isha me veten.

Kristi Petei, Uashington, SHBA




Historia E LIBRIT TË MORMONIT

*Çfarë ndodh në Librin
e Mormonit? Përdo-
rni këto figura për të
mësuar mbi profetët
dhe historitë në këtë
libër të mrekullueshëm
shkrimi të shenjtë.*




Libri i Mormonit fillon me një profet që quhet Lehi. Ai i paralajmëroi njerëzit e ligj në Jeruzalem që të pendoheshin, por njerëzit nuk e dëgjuan. Zoti i tha Lehit ta çonte familjen e tij, përfshirë bashkëshorten e tij, Sarian, dhe bijtë e tyre – Lamanin, Lemuelin, Samin dhe Nefin – në vendin e shkretë. (Shih 1 Nefi 1–2.)



Lehi i ktheu pas bijtë e tij për të marrë shkrimet e shenjta të shkruara në fletët e tunxhit. Këto fletë kishin historinë e paraardhësve të tyre dhe gjëra të tjera që Zoti u kishte thënë t'i shkruanin. Lehi dhe Nefi u kujdesën shumë për këto fletë. Ata shkruan gjithashtu në fletë metalike ato çfarë i ndodhën familjes së tyre. (Shih 1 Nefi 3–5.)



Zoti i dha Lehit një busull, të quajtur Liahona, për të udhëhequr familjen e tij nëpër vendin e shkretë për në tokën e premtuar. (Shih 1 Nefi 16.)



Zoti i tha Nefit të ndërtonte një anije për ta çuar familjen e Lehit në tokën e premtuar. Nefi iu bind atit të tij dhe Zotit, por Lamani dhe Lemueli nuk e bënë. (Shih 1 Nefi 17.)

A painting depicting Noah's Ark, showing various animals and people on the ship, with a large number 5 in the bottom right corner.

6

Mbreti Beniamin ndërtoi një kullë që t'i mësonte ungjillin popullit të tij. (Shih Mosia 2–6.)

10

Një mbret i lig, i quajtur Noe, bëri që të vritej profeti Abinadi. Por mësimet e Abinadit kthyen në besim një nga priftërinjtë e Noes, që quhej Alma. (Shih Mosia 11–17.)

11

Alma u arratis nga oborri i Mbretit Noe, u dha mësim për ungjillin njerëzve të tjerë dhe i pagëzoi ata. (Shih Mosia 18.)

***Biri i Almës, Alma i Riu, nuk
qe i bindur. Ai dhe miqtë e
tij, bijtë e Mosias, qenë të
ligj. Pastaj një engjëll u tha
atyre të pendoheshin. Alma
dhe bijtë e Mosias u pe-
nduan dhe kaluan pjesën e
mbetur të jetës së tyre duke
predikuar ungjillin. (Shih
Mosia 27–28.)***

Biri i Mosias, Amoni, ktheu në besim shumë lamanitë pasi Amoni mbrojti grigjat e mbretit Lamoni dhe fitoi besimin e tij. (Shih Alma 17–19.)



13

Kapiten Moroni shkroi titullin e lirisë dhe luftoi për të mbrojtur lirinë e popullit të tij. (Shih Alma 46, 48.)




14

Helamani udhëhoqi një ushtri prej 2.000 të rinjsh të drejtë. (Shih Alma 53, 56–58.)



15

Një profet lamanit që quhej Samuel, profetizoi se Jezu Krishti do të lindte së shpejti. (Shih Helamani 13–16.)



16



19

Një djalë 10-vjeçar, i quajtur Mormon, u zgjodh të shkruante mbi fletët kur të rritej. Në moshën 24-vjeçare, ai filloi të ndërthurte historitë më të rëndësishme nga të gjitha analet, në një grup fletësh metalike. (Shih Mormoni 1.)




20

Përpara se Mormoni të vdiste, ai ia dha fletët birit të tij, Moronit. Moroni ishte gjeneral në ushtri. Ai qe nefiti i fundit që mbijetoi pas një beteje të madhe mes lamanitëve dhe nefitëve. (Shih Mormoni 6, 8.)



21

Përpara se Moroni të vdiste, ai i fshehu fletët në një vend të quajtur Kumorah. Rreth 1.400 vjet pasi Moroni fshehu fletët, një djalosh 14-vjeçar, i quajtur Jozef Smith, u lut për të ditur se cila kishë ishte e drejta. (Shih Joseph Smith—Historia 1:5–16.)



22

Ati Qiellor dhe Jezu Krishti vizituan Jozef Smithin dhe i thanë atij se asnjë nga kishat nuk ishte e vërtetë dhe e plotë. Jozefi do të ndihmonte për të rivendosur Kishën e vërtetë të Jezu Krishtit. (Shih Joseph Smith—Historia 1:17–20.)

A painting of Jesus with long brown hair and a beard, wearing a white robe, surrounded by a group of children. He is gently touching the face of a young girl in a blue dress. Other children are looking at him with expressions of awe and interest. The background is a soft, warm light.


18




24

Nëpërmjet fuqisë së Perëndisë, Jozef Smithi përktheu shkrimet e fletëve. Ai e botoi atë përkthim. Quket Libri i Mormonit. (Shih faqen e titullit dhe parathënien e Librit të Mormonit.) ■

TABELA KRONOLOGJIKE E LIBRIT



TË MORMONIT



7 ALMA₁

Lindur mes popullit të Zenifit, Alma₁ u bë një nga priftërinjtë e ligj të mbretit Noe. Profeti Abinadi u vra pasi ai i bëri thirrje mbretit Noe të pendohet. Por Alma₁, i besoi mësimet e Abinadit dhe u largua së bashku me një grup besimtarësh, duke u bashkuar përfundimisht me nefitët. (Shih Mosia 11; 17–18; 23–24.)

8 ALMA₂ DHE BIJTË E MOSIAS₂

Kur ishin të rinj, Alma₂ dhe bijtë e mbretit Mosia₂ punuan për të shkatërruar Kishën. Një engjëll i qortoi ata dhe ata u penduan. Alma₂ u bë një udhëheqës i drejtë. (Shih Mosia 27–29.) Bijtë e Mosias u bënë misionarët e lamanitëve. Pas një suksesi të madh, ata dhe Alma₂ u ribashkuan dhe u gëzuan. (Shih Alma 17–26.)

9 HAJDUTËT E GADIANTONIT

Ndikimi i kësaj bande të fshehtë vrasëse ishte më i fortë kur populli ishte i lig dhe më i dobët kur populli ishte i drejtë. Rreth vitit 350 Pas K. ata kërcënuan sigurinë e të gjithë njerëzve. (Shih Helamani 2; 6; 4 Nefi 1:42–46.)

10 JEZU KRISHTI

Pas Ringjalljes së Tij në Jeruzalem, Shpëtimtari u shfaq në kontinentin amerikan, kreu shërbesa ndaj popullit, u mësoi ungjillin e Tij dhe organizoi Kishën e Tij. Për 200 vite pas vizitës së Tij, njerëzit jetuan në paqe. (Shih 3 Nefi 11–28.)

11 NEFITËT E SHKATËRRUAR

Pak nga pak ligësia u rikthye, luftërat u egërsuan dhe nefitët u shkatërruan. I vetmi i mbijetuar, Moroni, mbajti analet e nefitëve dhe i proposi ato përpara se të vdiste. (Shih 4 Nefi 1:24–28; Mormoni 8:1–8; Moroni 10.)



KUSH E SHKROI

Profetë të lashtë, historianë dhe udhëheqës i gdhendën dëshmitë dhe historinë e tyre në fletë të arta. Më vonë, Profeti Jozef Smith, nëpërmjet dhuratës dhe fuqisë së Perëndisë, përktheu një përmbledhje të atyre fletëve origjinale.



Autorët ose Burimet e Analeve të Lashta Origjinale

Nefi₁, Jakobi, Enosi, Jaromi, Omni e të tjerë

Mormoni

Fletët prej tunxhi të Labanit (shih 1 Nefi 5:10–14)

Zenifi

Lehi (shih 2 Nefi 1:1–4, 11; DeB 3, hyrja e seksionit); Beniamini (shih Omni 1:12–23; Fjalët e Mormonit 1:16–18; Mosia 1–6); Mosia₂ (shih Omni 1:23–25; Mosia 6:3); Alma i Riu, Bijtë e Mosias, Helamani₂, Pahorani, Kapiten Moroni, Nefi₃, Nefi₄

Mormoni

Anali i Jareditëve në 24 fletë, përfshirë shkrimet e Ethërit (shih Ethëri 1:1–5)

Moroni

Shkrimet Që Përbëjnë Fletët

Fletët e vogla të Nefit (anale shpirtërore; rreth vitit 600 PARA K. deri në vitin 130 PARA K.)

Fjalët e Mormonit (lidh fletët e vogla dhe përmbledhjen e fletëve të mëdha të Nefit; shih vargjet 1–18)

Fletët e mëdha të Nefit (shkrime të kohës dhe historisë fetare; rreth vitit 130 PARA K. deri 321 PAS K.)

Analet e Mormonit (rreth 345 PAS K. deri 385 PAS K.)

Libri i Ethërit, anal i përmbledhur i Jareditëve (rreth 2400 PARA K. deri 600 PARA K.)

Analet e Moronit (shih Mormoni 9:30–37; rreth 385 PAS K. deri 421 PAS K.)

LIBRIN E MORMONIT?



Në mbrëmjen e 21 shtatorit 1823, engjëlli Moroni iu shfaq të riut Jozef Smith dhe i tregoi atij për fletët e arta që do të përktheheshin si Libri i Mormonit. Katër vite më vonë, Jozefi që në gjendje t'i merrte fletët që t'i përkthente ato (shih Joseph Smith—Historia 1:27–54.)



Fletët e Arta Dhënë Profetit Jozef Smith nga Engjëlli Moroni më 22 shtator 1827.

Fletët e Mormonit
(shkrime të përpiluara dhe të përmbledhura nga Mormoni dhe Moroni)

Pjesa e vulosur
(e papërkthyer)



Libri i Mormonit

Faqja e Titullit*

1 Nefi
2 Nefi
Jakobi
Enosi
Jaromi
Omni
Fjalët e Mormonit
Mosia
Alma
Helamani
3 Nefi
4 Nefi
Mormoni
Ethëri
Moroni




*Jozef Smithi shpjegoi: "Faqja e titullit të Librit të Mormonit është një përkthim i fjalëpërfjalshëm, i marrë nga fleta e fundit fare, në anën e majtë të përmbledhjes ose librit të fletëve" (*History of the Church*, 1:71).

Dorëshkrimi origjinal i përkthimit u përfundua në vitin 1829, dorëshkrimi i shtypit u përfundua gjatë viteve 1829–1830 dhe 5.000 kopjet e para të Librit të Mormonit u botuan në vitin 1830.

Informacioni në këtë tabelë u përpilua nga hyrja dhe teksti në Librin e Mormonit.



NGA E MAITA: FOTOGRAFI NGA JED CLARK; MORMONI DUKE PËRMALËDHUR FLETËT, NGA TOM LOVELL; ENGJËLLI MORONI I SHFAQET JOZEF SMITHIT, NGA TOM LOVELL; FOTOGRAFI NGA CRAIG DIMOND; MORONI DUKE DORËZUAR FLETËT E ARTA, NGA GARY KAPP; NUK LEJOHET KOPIMI; FOTOGRAFI NGA EMILY LEISHMAN; ILUSTRIM ME FOTO NGA JOHN LUKE



LIBRI I MORMONIT

Një Dëshmitar me Biblën

Në përputhje me ligjin biblik që “çdo gjë do të qëndrojë me gojën e dy a tre dëshmitarëve” (2 Korintasve 13:1), edhe Libri i Mormonit edhe Bibla dëshmojnë për Jezu Krishtin dhe na mësojnë parimet e ungjillit të Tij. Plaku Rasëll M. Nelson i Kuorumit Të Dymbëdhjetë Apostujve na mësoi se “dëshmitarët shkrimorë vërtetojnë njëri-tjetrin. Ky koncept u shpjegua kohë më parë kur një profet shkroi se Libri i Mormonit që ‘shkruar

me qëllim që ju të mund të besoni [Biblën]; dhe në qoftë se besoni [Biblën] ju do të besoni [Librin e Mormonit] gjithashtu’ [Mormoni 7:9]. Çdo libër bën fjalë për tjetrin. Çdo libër qëndron si fakt që Perëndia jeton dhe që u flet fëmijëve të Tij nëpërmjet zbulesës ndaj profetëve të Tij.”¹

Më poshtë gjendet një listë e doktrinave themelore që mësohen në Bibël, për të cilat Libri i Mormonit shton një dëshmi tjetër.

Plani i Perëndisë për Ne

Bibla dhe Libri i Mormonit na mësojnë se Perëndia është Ati ynë Qiellor. Si i tillë, Ai ka përgatitur një “plan shpëtimi” (Alma 24:14) me anë të të cilit ne mund të shpëtohem përmes Shlyerjes së Jezu Krishtit.

Atë i Dashur në Qiell

Bibla: “Sepse në të ne jetojmë, lëvizim dhe jemi, sikurse kanë thënë edhe disa nga poetët tuaj: ‘Sepse jemi edhe ne pasardhës të tij’” (Veprat e Apostujve 17:28; shih edhe Psalmet 82:6; Hebrenjë 12:9).

Libri i Mormonit: “Unë e di se [Perëndia] i do fëmijët e tij” (1 Nefi 11:17; shih edhe 1 Nefi 17:36).

Vdekja dhe Bota e Shpirtave

Bibla: “Dhe pluhuri t’i kthehet tokës siç ishte më parë: dhe fryma t’i kthehet Perëndisë që e ka dhënë” (Predikuesit 12:7; shih edhe 1 Pjetrit 3:19–20; 4:6).

Libri i Mormonit: “Shpirtrat e të gjithë njerëzve, qofshin ata të mirë ose të ligj, çohen në shtëpi tek ai Perëndi që u dha atyre jetë” (Alma 40:11; shih edhe vargjet 12–14).

Ringjallja

Bibla: “Mbas shkatërrimit të lëkurës sime, në mishin tim do të shoh Perëndinë” (Jobi 19:26; shih edhe Ezekieli 37:12; 1 Korintasve 6:14; 15:54).

Libri i Mormonit: “Unë e di se ju e dini që mishi ynë duhet të vjetërohet dhe të vdesë; megjithatë, në trupat tanë ne do të shohim Perëndinë” (2 Nefi 9:4; shih edhe 2 Nefi 9:12; Alma 11:43–45; 40:23).

Urdhërimet Sigurojnë një Udhërrëfyes

Bibla na mëson se Perëndia ka dhënë urdhërime dhe do të na bekojë kur ne bindemi. Profetët e Librit të Mormonit gjithashtu i shënuan dhe i zbatuan urdhërimet.



NJË PROFET DËSHMON

“Mos i zini besë vetes, por studioni librat më të mirë – Biblën dhe Librin e Mormonit – dhe merrni të gjithë informacionin që të mundeni, dhe pastaj kapuni pas Perëndisë dhe mbajeni vetveten të lirë nga korrupsioni dhe ndotja e çfarëdo lloji, dhe bekimet e Më të Lartit do të jenë me ju.”

Presidenti Xhon Tejlör (1808–1887), *Teachings of Presidents of the Church: John Taylor* (2001), f. 148.

Bekimet nga Bindja

Bibla: “Kështu Zoti na urdhëroi të zbatonim në praktikë të gjitha këto statute duke pasur frikë nga Zoti, Perëndia ynë, që të kemi gjithnjë mirëqenie dhe që ai të na mbante të gjallë. . . . Dhe kjo do të jetë drejtësia jonë në rast se kujdesemi të zbatojmë në praktikë tërë urdhërimet” (Ligji i Përtërirë 6:24–25; shih edhe Fjalët e Urta 4:4; Gjoni 14:21).

Libri i Mormonit: “Dhe ai ju ka premtuar juve se, nëse ju do të zbatoni urdhërimet e tij, ju do të përparoni në tokë; dhe ai kurrë nuk ndryshon nga ajo që ka thënë; prandaj, në qoftë se ju zbatoni urdhërimet e tij, ai ju bekon dhe ju begaton” (Mosia 2:22; shih edhe 2 Nefi 1:20).

Dhjetë Urdhërimet

Bibla: Zoti ia zbuloi Dhjetë Urdhërimet Moisiut (shih Eksodi 20:1–17).

Libri i Mormonit: Abinadi ua mësoi Dhjetë Urdhërimet priftërinjve të Mbretit Noe (shih Mosia 12:33–36; 13:12–24).

E Dhjeta

Bibla: Ai tha: “Sillni gjithë të dhjetat në shtëpinë e thesarit, që të ketë ushqim në shtëpinë time” (Malakia 3:10; shih edhe Levitiku 27:30).

Libri i Mormonit: “Dhe qe po ky Melkizedek të cilit Abrahami i pagoi të dhjetat, po, madje edhe ati ynë Abrahami pagoi të dhjetat e një të dhjetës së çdo gjëje që zotëronte” (Alma 13:15; shih edhe 3 Nefi 24:8–10).

Pagëzimi dhe Fryma e Shenjtë

Bibla: “Kush nuk ka lindur nga uji dhe nga Fryma, nuk mund të hyjë në mbretërinë e Perëndisë” (Gjoni 3:5; shih edhe Marku 16:16; Veprat e Apostujve 2:36–38).

Libri i Mormonit: “Pendohuni, të gjitha ju skajet e tokës dhe ejani tek unë dhe pagëzohuni në emrin tim, që të shenjtëroheni nëpërmjet marrjes së Frymës së Shenjtë, që të mund të qëndroni pa njollë para meje, në ditën e fundit” (3 Nefi 27:20; shih edhe 2 Nefi 9:23; 31:5–9).

Misioni i Jezu Krishtit

Bibla dhe Libri i Mormonit dëshmojnë për Jezu Krishtin, Birin e Perëndisë, dhe Shlyerjen e Tij. Ato na mësojnë se Shpëtimtari mori mbi vete mëkatet tona dhe e mposhti vdekjen.



NJË PROFET DËSHMON

“Libri i Mormonit . . . deklaron që Bibla është e vërtetë dhe e vërteton atë; dhe të dy vërtetojnë vërtetësinë e njëri-tjetrit.”

Presidenti Brigham Jang (1801–1877), *Teachings of Presidents of the Church: Brigham Young* (1997), f. 121.

Biri i Vetëmlindur i Perëndisë

Bibla: “Sepse Perëndia e deshi atë që botën, sa dha Birin e tij të vetëmlindurin, që, kushdo që beson në të, të mos humbasë, por të ketë jetë të përjetshme” (Gjoni 3:16); shih edhe Mateu 16:16; Gjoni 6:69).

Libri i Mormonit: “E di që Jezu Krishti do të vijë, po, Biri, i Vetëmlinduri i Atit, plot hir dhe mëshirë dhe vërtetësi” (Alma 5:48; shih edhe 1 Nefi 11:16–21; Mosia 3:5–8).

Shleu për Mëkatet Tona

Bibla: “Sepse ky është gjaku im, gjaku i besëlidhjes së re, i cili është derdhur për shumë për faljen e mëkateve” (Mateu 26:28; shih edhe Hebrenjve 9:28; 1 Pjetrit 3:18).

Libri i Mormonit: “Vër re, ai ofron veten si sakrificë për mëkatet, për t’iu përgjigjur kërkesave të ligjit, për të gjithë ata që kanë një zemër të thyer dhe një shpirt të penduar” (2 Nefi 2:7; shih edhe 1 Nefi 11:33; Alma 34:8–10; 3 Nefi 11:14).

Mori Përsipër Dhembjet Tona

Bibla: “Megjithatë ai mbante sëmundjet tona dhe kishte marrë përsipër dhembjet tona” (Isaia 53:4; shih edhe Hebrenjve 2:18).

Libri i Mormonit: “Dhe ai do të shkojë përpara, duke vuajtur dhimbje dhe hidhërimi dhe tundime të çdo lloji; dhe kjo, që të plotësohet fjala që thotë se ai do të marrë përsipër dhembjet dhe sëmundjet e popullit të tij” (Alma 7:11–12; shih edhe Mosia 14:3–5).

Mposhti Vdekjen

Bibla: “Por tashti Krishti u ringjall prej së vdekurish, dhe është fryti i parë i atyre që kanë fjetur” (1 Korintasve 15:20; shih edhe Gjoni 14:19; Veprat e Apostujve 26:23).

Libri i Mormonit: “Besoni në Jezu Krishtin, se ai është Biri i Perëndisë dhe se ai u vra nga Judenjtë; dhe se nga fuqia e Atit ai u ngrit përsëri me anë të së cilës ai mori fitoren mbi varrin” (Mormoni 7:5; shih edhe Mosia 16:7–8; Helamani 14:17).

Kisha e Jezu Krishtit në Kohët e Lashta

Zoti krijoi Kishën e Tij në Jeruzalem dhe në kontinentin amerikan. Bibla dhe Libri i Mormonit janë dëshmitarë se Ai e organizon dhe e udhëheq popullin e Tij nëpërmjet profetëve dhe apostujve.

Profetët

Bibla: “Sepse Zoti, Zoti, nuk bën asgjë, pa ua treguar sekretin e tij shërbëtorëve të tij, profetëve” (Amosi 3:7); shih edhe Jeremia 1:7; 7:25).

Libri i Mormonit: “Pasi nëpërmjet Shpirtit u bëhen të ditura profetëve të gjitha gjërat” (1 Nefi 22:2; shih edhe Jakobi 4:4–6).

Të Dymbëdhjetët

Bibla: “Ai thirri pranë vetes dishepujt e vet: dhe zgjodhi prej tyre dymbëdhjetë, të cilëve u dha edhe emrin apostuj” (Lluka 6:13; shih edhe Efesianëve 2:19–20; 4:11–14).

Libri i Mormonit: “Të bekuar jeni ju, në qoftë se u vini veshin fjalëve të këtyre dymbëdhjetëve që unë kam zgjedhur mes jush t’ju shërbejnë” (3 Nefi 12:1; shih edhe 1 Nefi 11:29).

Autoriteti i Priftërisë

Bibla: “Nuk më keni zgjedhur ju mua, por unë ju kam zgjedhur juve; dhe ju caktova të shkoni dhe të jepni fryt, dhe fryti juaj të jetë i qëndrueshëm” (Gjoni 15:16; shih edhe Mateu 16:19; Lluka 9:1–2; Hebrenjve 5:4).

Libri i Mormonit: “[Alma] shuguroi priftërinj dhe pleq, nëpërmjet vënies së duarve të tij, sipas urdhërit të Perëndisë, që të drejtonte dhe të ruante kishën” (Alma 6:1; shih edhe 2 Nefi 6:2; Moroni 3).



NJË PROFET DËSHMON

“Në këtë kohë, kur Biblës po i ulen vlerat nga shumë që filozofitë e botës i ngatërrojnë me shkrimet e Biblës për ta shfuqizuar kuptimin e tyre të vërtetë, sa me fat që Ati ynë i Përjeshëm Qiellor, i cili është i shqetësuar gjithmonë për mirëqenien shpirtërore të fëmijëve të Tij, na ka dhënë një libër shoqëruar shkrimesh të shenjta, të njohur si Libri i Mormonit, si një mbrojtje për të vërtetat e Biblës që qenë shkruar dhe folur nga profetët siç i drejtoi Zoti. . . .

. . . Nga kjo dëshmi e dytë ne mund të dimë më me siguri domethënien e mësimëve të profetëve të lashtë dhe në të vërtetë, të Mjeshtrit dhe dishepujve të Tij, ndërsa jetuan dhe dhanë mësim mes njerëzve. Kjo duhet t’i frymëzojë të gjithë ata që janë kërkuar të singërtë të së vërtetës që t’i mbajnë së bashku këto dy shkrime të shenjta dhe t’i studiojnë si një libër i vetëm, duke kuptuar, siç bëjmë ne, marrëdhënien e tyre të vërtetë.”

Presidenti Harold B. Li (1899–1973), *Ye Are the Light of the World* (1974), f. 89, 91.

Studimi Shtesë:

Kjo tabelë nuk është një listë që i përmban të gjitha. Si pjesë e studimit tuaj vetjak ose studimit familjar të shkrimeve të shenjta, ju mund t’i shtoni referenca kësaj table dhe të kërkonit më shumë parime që na mësohen edhe në Librin e Mormonit edhe në Bibël duke përdorur Udhëzuesin Tematik ose Udhëzuesin për Shkrimet e Shenjta dhe mjetet e studimit në internet tek adresa scriptures.lds.org. ■

SHËNIM

1. Russell M. Nelson, “Scriptural Witnesses”, *Liahona*, nëntor 2007, f. 43.



**Nga Plaku D. Tod
Kristoferson,**

i Kuorumit të Dymbë-
dhjetë Apostujve

Si ta Studiojmë LIBRIN E MORMONIT

Njëzet e pesë vite më parë, Presidenti Ezra Taft Benson (1899–1994) dha “tri arsye madhore pse shenjtoret e ditëve të mëvonshme duhet ta bëjnë studimin e Librit të Mormonit një angazhim për gjithë jetën”¹. Arsyet ishin këto:

- Së pari, Libri i Mormonit është gurthemeli i besimit tonë – gurthemeli i dëshmisë sonë për Jezu Krishtin, i doktrinës sonë dhe i dëshmisë sonë.
- Së dyti, Libri i Mormonit u shkrua për kohën tonë.
- Së treti, Libri i Mormonit na ndihmon të afrohem me pranë Perëndisë.

Këto arsye për studimin e Librit të Mormonit sugjerojnë gjithashtu disa mënyra që mund të përdorim, për ta studiuar këtë shkrim të pasqorë.

Gurthemeli i Besimit Tonë

Duke qënë se Libri i Mormonit është gurthemeli i dëshmisë sonë për Jezu Krishtin dhe plotësinë e ungjillit të Tij, është e rëndësishme që gjatë studimit tonë t’u kushtojmë vëmendje të veçantë mësimave dhe dëshmave të shumta që përmban rreth Shpëtimtarit. Disa e kanë bërë këtë duke marrë një kopje të re, jo të kushtueshme të Librit të Mormonit dhe duke shënuar të gjitha vargjet që i adresohen ose na mësojnë rreth Shpëtimtarit, shërbesës së Tij dhe misionit të Tij. Kjo sjell edhe një dëshmi më të thellë për Jezu Krishtin, si Biri i Perëndisë edhe një

mirënjohje të freskët për atë çka Ai ka bërë dhe vazhdon të bëjë për ne.

Shkruar për Kohën Tonë

Autorët e Librit të Mormonit shkruan me brezat e ardhshëm në mendje, veçanërisht ditët e mëvonshme. Në përmbledhjen e analeve nefite, Mormoni tha se nuk mund të përfshinte “as një të qindtën pjesë” (shih 3 Nefi 5:8; shih edhe Fjalët e Mormonit 1:5). Moroni komentoi: “Unë ju flas sikur të ishit të pranishëm, por megjithatë nuk jeni akoma. Por vini re, Jezu Krishti ju ka paraqitur tek unë dhe unë i di veprimet tuaja” (Mormoni 8:35). Këta dy autorë dhe të tjerë, duke vepruar nën frymëzim, shkruan se çfarë do të ishte me dobi më të madhe për ne në këto ditë të mëvonshme.

Prandaj, ne duhet të studiojmë me këto pyetje në mendje: “Përse u përfshi kjo? Si lidhet kjo me kohën dhe me mua?” Presidenti Benson vëzhgoi, për shembull, se në Librin e Mormonit ne gjejmë një model për t’u përgatitur për Ardhjen e Dytë të Shpëtimtarit. Ne mësojmë se si jetojnë dishepujt e Krishtit në kohë lufte, si përballen me përndjekjen dhe braktisjen, si bëjnë punë misionare dhe si përgjigjen ndaj rreziqeve të materializmit.² Njësoj siç bëri Nefi, kur ne studiojmë, ne duhet t’i “përshtasim” shkrimet për veten tonë – që do të thotë, të përpiqemi për të zbuluar se si t’i zbatojmë ato që gjejmë në Librin e Mormonit (shih 1 Nefi 19:23).



VAZHDONI TË SUDIONI QË TË VAZHDONI TË MËSONI

Herën e parë që lexova Librin e Mormonit nuk isha anëtare. Isha 16 vjeçe dhe e lexova atë për një javë. Nga fundi i leximit tim, unë ndesha një varg që pohonte se nëse një kishë është e Krishtit, do të quhet me emrin e tij (shih 3 Nefi 27:8). Në atë moment lotë rrodhën në faqet e mia. Unë e dija se Libri i Mormonit ishte i vërtetë dhe vendosa të pagëzohem.

Pas pagëzimit tim, e lexova librin përsëri, por këtë herë bleva një nënvizues dhe shënova vargjet ose pjesët që qenë frymëzuese për mua. Gjatë leximeve pasuese, bëra të njëjtën gjë, vetëm se i shtova shënime vargjeve të nënvizuara në anë. Herën tjetër i shtova referenca vargjeve të lidhura mes tyre, qoftë nga Libri i Mormonit ose nga vepra të tjera standarde.

Më pas, në fillim të një viti, unë bleva një kopje të re shkrimesh të shenjta, meqë ajo që kisha ishte mbushur me shënime, sidomos pasi e kisha përdorur gjatë misionit tim dhe kisha përgatitur shumë mësim me të. Këtë herë studimi dhe shënimet e mia u bazuan tek tema. Unë caktova një ngjyrë boje për një temë të caktuar – për shembull, portokallinë për besimin, të gjelbrën për pendimin e kështu me radhë.

Nga studimi i vazhdueshëm i Librit të Mormonit duke përdorur këto metoda të larmishme, unë kam mësuar se një lexim i vetëm i Librit të Mormonit nuk mjafton. Ne mësojmë rresht pas rreshti ndërsa vazhdojmë të studiojmë. Unë kam mësuar gjithashtu se pavarësisht sa herë e kemi lexuar tashmë, ka gjithmonë diçka që do të na bëjë të themi: “Pse nuk e pashë atë më parë? Ajo atje duhet të ketë qenë”.

Këto shkrime të shenjta – veçanërisht Libri i Mormonit – na mësojnë rreth Jezu Krishtit dhe rreth Atit tonë në Qiell. Studimi i shkrimeve të shenjta më ka afruar mua më pranë Tyre.

Kristina Vergara Ramírez, Kili

Afrimi më Pranë Perëndisë

Citim i Presidentit Benson përsëri: “Nuk është vetëm se Libri i Mormonit na mëson të vërtetën, megjithëse vërtet e bën këtë. Nuk është vetëm se Libri i Mormonit jep dëshmi për Krishtin, megjithëse vërtet e bën këtë, gjithashtu. Por ka diçka më tepër. Ekziston një fuqi brenda librit që do të fillojë të rrjedhë në jetën tuaj që në çastin kur filloni një studim serioz të librit.”³

Me të vërtetë, studimi i Librit të Mormonit fton Shpirtin dhe Shpirti është ndërmjetësi



NJË PROFET DËSHMON

“Unë fillova ta lexoja Librin e Mormonit përpara se të isha mjaftueshëm i rritur për t’u bërë një dhjak dhe kam vazhduar ta lexoj që atëherë dhe unë e di se është i vërtetë. . . .

. . . Më duket se asnjë anëtar i kësaj Kise nuk do të kënaqet kurrë derisa ai ose ajo ta ketë lexuar Librin e Mormonit përsëri e përsëri dhe ta mbajë atë tërësisht parasysh në mënyrë që ai ose ajo të mundet të japë dëshmi se ai është me plot kuptimin e fjalës, një anal me frymëzim të Plot-fuqishmit mbi vete dhe se historia e tij është e vërtetë.”

Presidenti Jozef Filding Smith (1876–1972), në *Conference Report*, tetor 1961, f. 18.

i zbulesës. Kjo sugjeron që ne duhet të studiojmë në një mënyrë plot mendim, medituese – duke menduar thellë, duke u lutur dhe ndoshta duke bërë shënime ndërsa lexojmë. Kjo na vendos ne në një gjendje për të marrë dritë dhe kuptueshmëri të mëtejshme, të dyja për atë që po studiojmë dhe për çështje të tjera. Ndonjëherë të vjen në ndihmë nëse e lexon të gjithë Librin e Mormonit në një periudhë relativisht të shkurtër kohe, për të kuptuar thelbin e historisë dhe mesazhit të tij. Por, përgjithësisht është më mirë që të përqendrohemi duke i kushtuar studimit të librit çdo ditë kohën e

përshtatshme dhe jo leximit të një numri të caktuar vargësh apo faqesh në ditë.

Ndihma për Studimin

Ne jemi me fat që kemi sot një numër mjetesh që mund të na ndihmojnë të studiojmë Librin e Mormonit. Disa janë të lidhura me shkrimet tona të shenjta – Udhëzuesin Tematik, Fjalorin e Biblës dhe indeksin të shkrimit në anglisht, si dhe Udhëzuesin e Shkrimeve të Shenjta në gjuhët e tjera. Dhe ne kemi në botimet e shenjtorëve të ditëve të mëvonshme të shkrimeve të shenjta shënime të shumta në fund të faqes dhe referenca kryq në çdo faqe.

Ndihma të tjera studimi në formë të shtypur përfshijnë Udhëzuesin për Anëtarin e Klasës të Shkollës të së Dieles, Udhëzuesin e Studimit për Studentin e Seminarit dhe Manualin e Studentit të Institutit. E re për kohën dhe moshën tonë është volumni në rritje i mjeteve elektronike, të përshkruara në shiritin anësor në faqen 31.

Mjet Kthimi në Besim

Libri i Mormonit është një thesar i pakrahasueshëm dhe mjet kthimi në besim, që Zoti e ka projektuar dhe siguruar për periudhën tonë ungjillore. Unë e pranoj atë si themelin e dëshmisë sime për Jezu Krishtin, të thirrjes profetike të Jozef Smithit dhe të Kishës së Jezu Krishtit të Shenjtorëve të Ditëve të Mëvonshme, si “mbretëria e Zotit e themeluar edhe një herë në tokë”⁴. Unë jam i lumtur ta bashkoj dëshminë time me të Krishtit se “ashtu si Zoti juaj dhe Perëndia juaj jeton, kjo është e vërtetë” (DeB 17:6). E thelloftë studimi juaj i përhershëm i Librit të Mormonit kthimin tuaj në besim dhe ju drejtoftë në kursin e drejtpërdrejtë të jetës së përtjetshme. ■

SHËNIME

1. Ezra Taft Benson, “The Book of Mormon—Keystone of Our Religion”, *Ensign*, nëntor 1986, f. 5–7. Kjo bisedë klasike është rishtypur në këtë botim në faqet 52–58.
2. Shih Ezra Taft Benson, *Ensign*, nëntor 1986, f. 6–7.
3. Ezra Taft Benson, *Ensign*, nëntor 1986, f. 7.
4. Prezantimi me Librin e Mormonit.

SHKRIMET E SHENJTA NË INTERNET DHE NË PAJISJET E LËVIZSHME

Përveç lehtësimit të kërkimeve të shpejta të fjalëve kyç dhe referencave kryq, shkrimet e shenjta në internet scriptures.lds.org) dhe në pajisjet e lëvizshme (mobile.lds.org) sigurojnë disa shërbime të reja që mund t'ju ndihmojnë në studimin tuaj personal:



Fletorja ime e Studimit (notebook.lds.org)

Kjo fletore studimi në internet ofron shumë nga mjetet e ngjashme që ju mund të keni përdorur në studimin tuaj tradicional – nënvizimin, mbajtjen e shënimeve, referencat kryq, për shembull – por ju lejon t'i përdorni dhe t'i ruani këto në mënyrë elektronike. Përveç kësaj, ju mund t'i "etiketoni" ose gruponi shënimeve tuaja dhe përmbajtje tjetër kur ajo të mundësohet. Për shkak se ju hyni në faqen Fletorja e Studimit Tim me llogarinë tuaj SHDM, përsëritjet e fletoreve suaj mbeten të përditësuara pavarësisht nga numri i pajisjeve të ndryshme që ju përdorni për të hyrë në të. Këto mjete ju lejojnë të krijoni arkivën tuaj tematike të veçantë për studimin dhe mësimdhënien e ungjillit.



Formatet dhe Gjuhët e Shkrimeve të Shenjta (scriptures.lds.org)

Teksti elektronik dhe regjistrimet me zë të shkrimeve të shenjta janë tashmë të disponueshme në LDS.org si dhe për pajisje portative, në shumë gjuhë dhe shumë të tjera janë duke u përgatitur.

Përveç leximit dhe dëgjimit në internet, ju mund të shkarkoni dhe të përdorni dokumentet me zë, ePub dhe PDF edhe pa internet. Faqja më e re e Kishës për shkrimet e shenjta, lehtëson edhe shpërndarjen e thjeshtë të pjesëve ose shënimeve personale me të tjerët nëpërmjet postës elektronike dhe mjeteve të rrjeteve shoqërore.

Shkrimet e shenjta tek adresa LDS.org mund t'i gjeni aktualisht në 21 gjuhë; programet e pajisjeve të lëvizshme janë tashmë të disponueshme në përafërsisht 10 gjuhë, në varësi të platformës.



Indeksi i Citimeve të Shkrimeve të Shenjta SHDM (scriptures.byu.edu)

Ky burim, i hartuar në anglisht nga dy mësues të Universitetit "Brigam Jang", i lidh vargjet e shkrimeve të shenjta me thënie nga profetët dhe apostujt e ditëve tona. Për shembull, hamëndesojmë se ju doni të dini se kush e ka cituar vargun 1 Nefi 3:7 në konferencën e përgjithshme. Klikoni mbi hallkën lidhëse të Librit të Mormonit në anën e majtë të ekranit dhe rrëshqitni poshtë tek 1 Nefi 3; atje do ta gjeni përgjigjen.



Indeksi i Temave të Konferencës së Përgjithshme (conference.lds.org)

Një burim tjetër që ju ndihmon ta lidhni studimin e shkrimeve të shenjta me fjalët e profetëve të gjallë, conference.lds.org përfshin lista të bazuara tek tema për çdo konferencë të përgjithshme. Për shembull, nëse jeni duke studiuar Shlyerjen në shkrimet e shenjta, ju mund të gjeni pesë biseda që diskutuan mbi këtë temë në konferencën e prillit 2011.



Ëndrra e Lehit

DUKE U MBAJTUR ME VENDOSMËRI TE SHUFRA

Tema mbizotëruese e Librit të Mormonit – ftesa ndaj të gjithëve për të ardhur te Krishti – është më e rëndësishmja në vegimin e Lehit.



**Nga Plaku
Dejvid A. Bednar,**
i Kuorumit të Dymbë-
dhjetë Apostujve



Unë e dua Librin e Mormonit. Disa nga kujtimet e mia më të hershme të ungjillit janë kur nëna ime më lexonte nga *Book of Mormon Stories for Young Latter-day Saints* [Tregime nga Libri i Mormonit Për Shenjtorët e Vegjël të Ditëve të Mëvonshme], nga Ema Mar Petersen. Në ato përvoja të fëmijërisë dhe gjatë një jete me studim e lutje të pandalura vetjake, Fryma e Shenjtë vazhdimisht i ka dëshmuar shpirtit tim se Libri i Mormonit është fjala e Perëndisë.

Unë dëshmoj se Libri i Mormonit është një dëshmi tjetër e Jezu Krishtit. Unë e di se Profeti Jozef Smith e përktheu Librin e Mormonit me dhe me anë të fuqisë së Perëndisë. Dhe unë qëndroj si dëshmitar se Libri i Mormonit është “libri më i saktë nga çdo libër tjetër mbi tokë e gurthemeli i besimit tonë dhe një njeri [do të] afrohet më pranë Perëndisë duke iu bindur udhëzimeve të tij, sesa nga ndonjë libër tjetër”¹.

Simbole Kyçe në Ëndrrën e Lehit

Rëndësia e leximit, studimit, hetimit dhe meditimit të shkrimeve të shenjta në përgjithësi dhe Librit të Mormonit në veçanti, është nënvizuar në shumë elementë të vegimit të Lehit për pemën e jetës (shih 1 Nefi 8).

Tipari qendror i ëndrrës së Lehit është pema e jetës – një përfaqësim i “dashurisë së Perëndisë” (shih 1 Nefi 11:21–22). “Sepse Perëndia e deshi aq botën, sa dha Birin e tij të vetëmlindurin, që, kushdo që beson në të, të mos humbasë, por të ketë jetë të përjetshme” (Gjoni 3:16). Kështu, lindja, jeta dhe sakrifica shlyese e Zotit Jezu Krisht, janë shfaqja më e madhe e dashurisë së Perëndisë për fëmijët e Tij. Siç dëshmoi Nefi, kjo dashuri është “më e dëshirueshmja mbi të gjitha gjërat” dhe siç shpalli engjëlli në vegimin e tij: “Më e gëzueshmja për



NJË PROFET DËSHMON

“Unë ju dëshmoj juve se Libri i Mormonit është vërtet Fjala e Perëndisë, se komunikimi mes tokës dhe qiellit është hapur përsëri dhe se rruga e vërtetë e Zotit i është zbuluar njerëzve në tokë, duke treguar mënyrat me anë të të cilave e gjithë njohuria e nevojshme e bekimet të mund të merren nga çdo besimtar i vërtetë në Krisht.”

President Devid O. Mek-Kei (1873–1970), “Marks Pointing to Authenticity of Book of Mormon”, *Instructor*, tetor 1952, f. 318.

shpirtin” (1 Nefi 11:22–23; shih edhe 1 Nefi 8:12, 15). Kapitulli 11 i 1 Nefit përmban një përshkrim të hollësishëm të pemës së jetës si simbol për jetën, shërbesën dhe sakrificën e Shpëtimtarit – “denjimin e Perëndisë” (1 Nefi 11:16).

Fruti i pemës përfaqëson bekimet që marrim për shkak të Shlyerjes. Ngrënia e frutit të pemës përfaqëson marrjen e ordinancave dhe bekimeve nëpërmjet të cilave Shlyerja mund të bëhet plotësisht e efektshme në jetën tonë. Fruti përshkruhet si “i dëshirueshëm për ta bërë dikë të lumtur” (1 Nefi 8:10) dhe shkakton gëzim të madh si dhe dëshirën për ta ndarë atë gëzim me të tjerët.

Në mënyrë të konsiderueshme, tema mbizotëruese e Librit të Mormonit – ftesa ndaj të gjithëve për të ardhur te Krishti – është më e rëndësishmja në vegimin e Lehit. Interes të veçantë përbën shufra e hekurit që të çon për tek pema (shih 1 Nefi 8:19). Shufra e hekurit është fjala e Perëndisë.

Kapja Kundrejt Mbajtjes Vazhdimisht me Vendosmëri pas Shufrës

Baba Lehi pa katër grupe njerëzish në vegimin e tij. Tre nga grupet po shtyheshin përpara në shtegun e ngushtë e të ngushtuar duke u përpjekur të arrinin pemën dhe frutin e saj. Një grup i katërt nuk po shkonte drejt pemës, duke dëshiruar në vend të saj ndërtesën e gjerë e të madhe si vendqëndrimin e tyre përfundimtar (shih 1 Nefi 8:31–33).

Tek 1 Nefi 8:21–23 ne mësojmë për grupin e parë të njerëzve që shtyheshin përpara dhe hynë në shtegun që të çonte drejt pemës së jetës. Sidoqoftë, njerëzit sapo hasën mjegullën e errësirës që përfaqëson “tundimet e djallit” (1 Nefi 12:17), ata humbën rrugën, nuk e dinin se ku ishin dhe humbën.

Vini re se shufra e hekurit nuk përmendet fare në këto vargje. Ata që e shpërfillin ose e marrin lehtë fjalën e Perëndisë nuk do të kenë mundësi ta përdorin atë busull hyjnore që tregojnë rrugën për te Shpëtimtari. Mbani parasysh

NE NUK UA VUMË VESHIN

Gjatë gjithë jetës sime, kam fituar forcë shpirtërore nga fraza “ne nuk ua vumë veshin” (1 Nefi 8:33). Tek 1 Nefi disa që po ecin në rrugën e tyre drejt pemës së jetës nuk ua vënë veshin zërave përqeshës. Gishta përbuzjeje janë drejtuar nga ata, por ata nuk ligështohen. Ata nuk dëgjojnë. Në mënyrë të ngjashme, ne dëgjojmë shumë zëra të lartë, tundues sot. Ndonjëherë mund të jetë një luftë e vërtetë që të mos ua vësh veshin atyre zërave, por Lehi tregon se është e mundur.

Unë kam zbuluar se unë mund t’ia mbyll volumin zërave ndërsa frekuentoj tempullin, lexoj shkrimet e mia të shenjta, shkoj në kishë dhe ndjek profetin. Ndërsa i bëj këto gjëra të thjeshta, unë jam në gjendje të dëgjoj zërin e Frymës së Shenjtë. Ai është zëri që ia vlen të dëgjohet. Dhe ndërsa ia vë veshin zërit të Shpirtit, unë fitoj më shumë forcë për t’i rezistuar tundimit.

Kur ne ndjekim shembullin e Lehit dhe “nuk ua vëmë veshin. . . atyre”, ne mund të qëndrojmë në shtegun e ngushtë e të ngushtuar dhe të marrim vazhdimisht dashurinë e Perëndisë.

Melisa Hiton, Juta, SHBA



se ky grup hyri në shteg dhe shkoi përpara, duke ushtruar një masë besimi në Krisht dhe bindje shpirtërore, por ata u hutuan nga tundimet e djallit dhe humbën.

Tek 1 Nefi 8:24–28 ne lexojmë për grupin e dytë të njerëzve që hynë në shtegun e ngushtë dhe të ngushtuar, që të çonte për te pema e jetës. Njerëzit e këtij grupi “shkuan përpara përmes mjegullës së errësirës, duke u mbajtur fort pas shufrës së hekurit, madje derisa arritën dhe hëngrën nga fruti i pemës” (vargu 24). Sidoqoftë, ndërsa ata që qëndronin në ndërtesën e gjerë dhe të madhe u tallën me këtë grup të dytë, “ata u turpëruan” dhe “ata u larguan nëpër shtigje të ndaluara dhe humbën” (vargu 28). Lutemi të vini re që ky grup përshkruhet si ai që “*kapet* pas shufrës së hekurit” (1 Nefi 8:24; theksim i shtuar).

Është me rëndësi që grupi i dytë shkoi përpara me besim e zotim. Ata gjithashtu patën besimin e mëtejshëm të shufrës së hekurit e po kapeshin tek ajo! Megjithatë, kur ata u përballën me përndjekjen dhe kundërshtimin,

ata u larguan nëpër shtigje të ndaluara dhe humbën. Madje edhe me besim, zotim dhe fjalën e Zotit, ky grup në fund humbi – sepse ata *lexuan ose studiuan ose i hetuan shkrimet* vetëm me periudha. Kapja te shufra e hekurit më sjell ndër mend “*vrulle*” rastësore studimi ose kredhje të parregullt në vend të zhytjes së përhershme në fjalën e Perëndisë.

Te vargu 30 ne lexojmë për një grup të tretë njerëzish që shkuan përpara “duke u mbajtur vazhdimisht me vendosmëri te shufra e hekurit, derisa arritën dhe ranë dhe hëngrën nga fruti i pemës”. Faza kyç në këtë varg është *duke u mbajtur vazhdimisht me vendosmëri* te shufra e hekurit.

Edhe grupi i tretë shkoi përpara me besim e bindje; megjithatë, nuk ka asnjë të dhënë që ata të mos dinin ku ishin, të largoheshin nëpër shtigje të ndaluara apo të humbisnin. Ndofta ky grup i tretë njerëzish *lexoi* dhe *studioi* e *hetoi shkrimet e shenjtë* vazhdimisht. Ndoshta ishte zelli dhe përkushtimi një “[gjë] e vogël dhe e thjeshtë” (Alma 37:6) që e shpëtoi këtë

Madje edhe me besim, zotim dhe fjalën e Zotit, grupi i dytë që po shkonte përpara në shtegun e ngushtë dhe të ngushtuar, duke u kapur pas shufrës prej hekuri, në fund humbi – sepse ata lexuan ose studiuan ose i kërkuan shkrimet vetëm me periudha.



FOTOLISTRIM NGA MATTHEW REIER

Mbajtja me vendosmëri pas shufrës së hekurit sjell, në masë të gjerë, përdorimin plot lutje, të qëndrueshëm dhe të sinqertë të shkrimeve të shenjta si një udhërrëfyes i besueshëm për udhëtimin në shtegun e ngushtë e të ngushtuar për te pema e jetës – madje për te Zoti Jezu Krisht.

grup nga shkatërrimi. Ndoshta ishte “njohuria e Zotit” dhe “njohuria e së vërtetës” (Alma 23:5, 6) e përfutur përmes studimit besnik të shkrimeve të shenjta që prodhuan dhuratën shpirtërore të përlësisë – saqë njerëzit e këtij grupi “*ranë* dhe hëngrën nga fruti i pemës” (1 Nefi 8:30; theksim i shtuar). Ndofta ishte ushqyerja shpirtërore dhe forca e siguruar “duke u ushqyer me bollëk mbi fjalën e Krishtit” vazhdimisht (2 Nefi 31:20) që i mundësoi këtij grupi të mos ia vinte veshin përqeshjeve dhe talljeve të njerëzve në ndërtesën e madhe e të gjerë (shih 1 Nefi 8:33). Ky është grupi me të cilin unë dhe ju duhet të rrekemi të bashkohemi.

Vëllezërit e Nefit pyetën: “Ç’do të thotë shufra e hekurit që ati ynë pa në një ëndërr, që të çonte te pema?

Dhe [Nefi] u tha atyre se ajo ishte fjala e Perëndisë; dhe të gjithë që do të dëgjonin fjalën e Perëndisë dhe do të *mbaheshin fort në të*, ata nuk do të mbaronin kurrë; as tundimet dhe shigjetat e flakta të kundërshtarit nuk do të mund

t’i mposhtnin ata në verbëri, t’i çojnë ata në shkatërrim” (1 Nefi 15:23–24; theksim i shtuar).

Cili është atëherë ndryshimi mes kapjes dhe mbajtjes me vendosmëri te shufra e hekurit? Më lini t’ju sugjeroj se mbajtja me vendosmëri pas shufrës së hekurit sjell, në masë të gjerë, përdorimin plot lutje, të qëndrueshëm dhe të sinqertë të shkrimeve të shenjta si një burim i sigurt i të vërtetës së zbuluar dhe si një udhërrëfyes i besueshëm për udhëtimin në shtegun e ngushtë e të ngushtuar për te pema e jetës – madje për te Zoti Jezu Krisht.

“Dhe ndodhi që unë vura re që shufra prej hekuri që ati im kishte parë, ishte fjala e Perëndisë, që të çonte te burimi i ujërave të gjalla, ose te pema e jetës” (1 Nefi 11:25).

Libri i Mormonit Është për Ne Sot

Libri i Mormonit i çon përpara të vërtetat që janë të përshtatshme e thelbësore në kohën tonë dhe për rrethanat tona. Përshtatja shpirtërore dhe praktike e Librit të Mormonit në jetën tonë është nënvizuar nga Moroni: “Vini re, unë

ju flas sikur të ishit të pranishëm, por megjithatë nuk jeni akoma”. Por vini re, Jezu Krishti ju ka paraqitur tek unë dhe unë i di veprimet tuaja” (Mormoni 8:35). Pasi e kishte parë kohën dhe rrethanat tona nëpërmjet njohurisë para-prake të Perëndisë, autorët kryesorë të Librit të Mormonit i përfshinë posaçërisht temat dhe shembujt me rëndësi më të madhe për banorët e tokës në ditët e mëvonshme.

Unë ju ftoj ta mbani parasysh me kujdes dhe plot lutje pyetjen vijuese: **Çfarë mësimesh mund dhe duhet të mësoj unë nga vegimi i Lehit për pemën e jetës dhe nga parimi i mbajtjes me vendosmëri vazhdimisht pas shufrës së hekurit që do të më mundësojë të qëndroj shpirtërisht i fortë në botën ku jetojmë sot?**

Ndërsa punoni me zell dhe kërkonti frymëzim për t’iu përgjigjur kësaj pyetjeje të rëndësishme, ju do të arrini të kuptoni më plotësisht

me anë të fuqisë së Frymës së Shenjtë, edhe në zemrën edhe në mendjen tuaj, rëndësinë e *mbajtjes me vendosmëri vazhdimisht* pas shufrës së hekurit. Dhe ju do të jeni të bekuar që t’i zbatoni ato mësimet me besim dhe zell në jetën tuaj vetjake dhe në shtëpinë tuaj.

Paçim të gjithë sy për të parë dhe veshë për të dëgjuar mësimet e mëtejshme nga vegimi i Lehit që do të na ndihmojnë të “shkoj[më] përpara me një vendosmëri në Krisht, duke pasur një ndriçim të përkryer të shpresës dhe një dashuri për Perëndinë dhe për gjithë njerëzit. Prandaj, në qoftë se ju do të shkoni përpara, duke u ushqyer me bollëk mbi fjalën e Krishtit dhe të duroni deri në fund, vini re, kështu thotë Ati: Ju do të keni jetën e përjetshme” (2 Nefi 31:20). ■

SHËNIM

1. *Mësimet e Presidentëve të Kishës: Jozef Smith* (2007), f. 64.

MOS U LARGONI NGA KY SHTEG!

Motra ime më njohu me Kishën dhe unë e pëlqeva atë aq shumë, sa që shpejt u pagëzova. Megjithëse nuk dija se si ta lexoja, unë e hapja Librin e Mormonit dhe e shfletoja atë. Unë kisha një dëshirë të madhe për t’i lexuar fjalët në faqet e tij. Bashkëshorti im, i cili nuk qe pagëzuar deri vonë, u intrigua duke më parë mua të ulesha aty, thjesht duke e parë librin dhe më tha se isha duke çuar kohën time dëm.


Me vështirësi të madhe e me ndihmën e motrave të Shoqatës së Ndihmës dhe të fëmijëve të mi, unë fillova të lexoja. Qëllimi im ishte gjithmonë të lexoja Librin e Mormonit.

Gjatë një çasti veçanërisht të vështirë, kur isha duke ndier ndjenja negative, unë i dëgjova qartazi këto fjalë: “Mos u Largo nga Ky Shteg!” Unë vështrova për të parë nëse ishte dikush atje, por nuk kishte njeri.


Një ditë unë i thashë vajzës sime se po filloja të isha në gjendje që të lexoja vetë. Ajo nuk më besoi dhe më kërkoi t’ia tregoja. Kur e bëra, ajo ishte jashtëzakonisht e lumtur.

Synimi im është ta lexoj Librin e Mormonit nga faja e parë deri tek e fundit. Leximi im është i ngadaltë, por unë jam në gjendje të kuptoj dhe, më e rëndësishmja, unë jam në gjendje të ndiej Shpirtin nëpërmjet këtij libri të mrekullueshëm.

Edite Felisiano de Paula, San-Paulo, Brazil



Nga Plaku Nil L.
Andersen,
i Kuorumit të
Dymbëdhjetë Apostujve



LIBRI I MORMONIT: Forcimi i Besimit tonë tek Jezu Krishti

*Libri i Mormonit na fton ne dhe familjet tona të përqafojmë
besimin në Zotin Jezu Krisht dhe ndan parimet që do t'i
ndihmojnë familjet tona t'ia dalin mbanë.*

Përpiluar nga mësimet e profetëve nëpër shumë shekuj, Libri i Mormonit u shkrua për një kohë të ardhshme kur rivendosja e çelësave të priftërisë, së bashku me mbledhjen e madhe të shtëpisë së Izraelit, do ta përgatitnin botën për kthimin e Shpëtimtarit në tokë (shih 2 Nefi 25; 27; 3 Nefi 21). Nefi e përshkroi tekstin e shenjtë si “zëri i dikujt që thërret nga pluhuri” (2 Nefi 33:13). Moroni shpalli: “Vini re, unë ju flas sikur të ishit të pranishëm, por megjithatë nuk jeni akoma. Por vini re, Jezu Krishti ju ka paraqitur tek unë dhe unë i di veprimet tuaja” (Mormoni 8:35).

Libri i Mormonit u shkrua për kohën tonë dhe për kohët pasuese. Përafërsisht një milion kopje të Librit të Mormonit u shtypën gjatë 100 viteve të para pas Rivendosjes. Kjo përfshiu 15 gjuhë, një sipërmarrje mahnitëse. Në 50 vitet pasuese (1930–1980), më shumë se 25 milionë kopje u shtypën në 41 gjuhë.

Që prej asaj kohe, 30 vite më parë, 125 milionë kopje shtesë të Librit të Mormonit janë shtypur në 107 gjuhë, duke përfshirë edhe Përzgjedhje nga Libri i Mormonit. Ndikimi dhe efekti i Librit të Mormonit do të vazhdojë të rritet, ndërsa mbretëria e Perëndisë i çohet çdo kombi, fisi, gjuhe dhe populli.

Faqja e titullit, e shkruar nga Mormoni, nxjerr në pah qëllimet kryesore të librit. Qëllimi i parë i drejtohet veçanërisht pasardhësve të fëmijëve të Lehit. Qëllimi përfundimtar është “bindja e të [gjithë njerëzve] se JEZUSI është KRISHTI, Perëndia i Amshuar” (faqja e titullit e Librit të Mormonit).

I Rëndësishëm për Kohën Tonë

Pse do të ishte kaq e rëndësishme për kohën tonë një dëshmi tjetër e Jezu Krishtit? Pse do të sillte Zoti një dëshmitar tjetër për të forcuar shpalljet e fuqishme të Biblës?

Ne jetojmë në një kohë të pangjashme me



Në botën e sotme, argumentet arrogante të Korihorit, antikrishtit, gjejnë veshë që dëgjojnë. Por besimi në Jezu Krisht, kur është ankoruar në mënyrë të sigurtë në shpirtat tanë, sjell kthim të vërtetë në besim.

asnjë tjetër. Arritjet shkencore lejojnë kujdes mjekësor, transportim, rehati dhe lehtësira të papërfytyruara nga brezat që na paraprinë. Toka është pëmbytur me informacion dhe teknologji, duke shtuar punën e historisë familjare dhe shpërndarjen e ungjillit, por edhe përhapjen në masë të pornografisë, videolojërave të dhunshme dhe “djallëzive dhe planeve të tjera që ekzistojnë dhe do të ekzistojnë në zemrat e njerëzve komplotues” (DeB 89:4). Në pjesën më të madhe të botës, ne jetojmë në një kohë të lidhjes së fortë ndaj zotërimeve materiale.

Këto kushte munden, nëse nuk jemi të kujdesshëm, të na hutojnë ose të na ndjellin të largohemi nga parimet që janë të përjetshme dhe të vërteta për çdo brez.

Kur isha misionar i ri në Europë në fillimet e viteve 1970, ne e fillonim pjesën më të madhe të mësimave tona me një shpjegim



NJË PROFET DËSHMON

“Gjithë zgjuarsia e të gjithë njerëzve nën qiell nuk do të kishte mundur të hartonte dhe t’i paraqiste botës një libër si Libri i Mormomit. Parimet e tij janë hyjnore – ato janë nga Perëndia. Ato nuk mund të buronin kurrë nga mendja e një mashtruesi, ose nga mendja e një njeriu që shkruan një novelë. Pse? Sepse premtimet dhe profecitë që përmban ai, janë duke u përmbushur në sytë e të gjithë tokës.”

Presidenti Uilford Udraf (1807–1898), *Teachings of Presidents of the Church: Wilford Woodruff* (2004), f. 119.

për Braktisjen, sepse natyra hyjnore e Jezu Krishtit ishte gjerësisht e pranuar. Kur u riktheva si president misioni 20 vite më vonë, ne i fillonim bisedat tona ndryshe, pasi besimi në Jezu Krisht si Bir i Perëndisë, që dha jetën e Tij për mëkatet tona dhe u ngrit ditën e tretë, ishte zhdukur dukshëm.

Në botën e sotme, argumentet arrogante të Korihorit, antikrishtit, gjejnë veshë që dëgjojnë:

“Përse prisni për një Krisht? Pasi asnjë njeri nuk mund të dijë ndonjë gjë që do të vijë.

Vini re, këto gjëra që ju i quani profeci . . . janë tradita të marra të etërve tuaj.

. . . Ju nuk mund të dini për gjërat që nuk i shihni. . . .

. . . Çdo njeri përparon[te] sipas gjenisë së tij dhe . . . çdo njeri fiton[te] sipas fuqisë së tij” (Alma 30:13–15, 17).

Ne kemi nevojë për besimin tonë vetjak të sigurt e të vendosur në Zotin Jezu Krisht dhe na duhet të ndihmojnë në forcimin e familjeve tona që ky besim të rrjedhë në zemrat e fëmijëve dhe nipërve tanë. Besimi në Jezu Krisht, kur ka ankoruar në mënyrë të sigurt në shpirtat tanë, sjell kthim të vërtetë në besim dhe me zgjimin e tij vjen pendim, të qenit dishepull i sinqertë, mrekulli, dhurata shpirtërore dhe drejtësi që zgjat. Kjo është një pjesë e rëndësishme e misionit hyjnor të Librit të Mormonit.

Kur isha misionar i ri, unë pata një diskutim shumë interesant me një klerik. Ai na tha se ai nuk mund ta pranonte Librin e Mormonit pasi ai fliste haptazi për Jezu Krishtin, duke përdorur emrin dhe ngjarje të jetës së Tij qindra vite përpara se Ai të lindte. Atij iu duk kjo tejdukshmëri jo karakteristike sipas modelit të Dhiatës së Vjetër që i adresojë Shpëtimtarit në mënyrë më të përmbytur.

Për mua deklarimi i hapur për Jezu Krishtin është pikërisht fuqia e Librit të Mormonit. Sigurisht, ne duhet të marrim një dëshmi shpirtërore që libri është nga Perëndia. Por pasi e marrim atë, qëllimet e Krishtit, realiteti i jetës dhe Ringjalljes së Tij dhe qartësia e asaj që është e nevojshme për ta ndjekur atë dhe për të marrë jetën e përjetshme me Të, janë të prekshme në një mënyrë të habitshme për ne.

E GJITHA FALË LIBRIT TË MORMONIT

Ishin bërë 6 muaj që kur unë isha pagëzuar dhe nuk kisha një dëshmi të fortë për Librin e Mormonit. Një ditë kur nuk kisha dëshirë t’i lexoja shkrimet e shenjta, m’u kujtua mësuesi im i Parimeve të Ungjillit duke thënë: “Kur nuk ndieni dëshirë për të lexuar, kjo është sepse Satani nuk dëshiron që ju t’i lexoni shkrimet e shenjta”. Falë atij paralajmërimi, unë e hapa Librin e Mormonit. Unë lexova: “Kush mund ta kishte menduar se Perëndia ynë do të kishte qenë kaq i mëshirshëm, sa të na kapte për të na nxjerrë nga gjendja jonë e tmerrshme, mëkatore dhe e fëlliqtë?” (Alma 26:17). Ato fjalë e mbushën shpirtin tim me gëzim, sepse m’u kujtua gjendja ime përpara se të bëhesha një anëtar i Kishës së vërtetë të Jezu Krishtit. Shpirti i Zotit dëshmoi në zemrën time për të vërtetën e Librit të Mormonit.

Unë nuk kisha dëshiruar të bëhesha një misionar kohëplotë, por pas asaj dite gjithçka ndryshoi. Unë e ndjeva shumë fuqishëm se bota kishte nevojë të dinte të vërtetën dhe unë fillova të përgatitesha. Unë shkova tek udhëheqësit e mi dhe u tregova rreth dëshirës sime për të shërbyer. Unë ua shpjegova prindërve që jetonin në një qytet tjetër dhe nuk ishin anëtarë Kise. Më pas shita gjithçka që kisha dhe bleva veshjet për misionin tim. Rezultati përfundimtar ishte që unë shërbeva në mision nga viti 2003 deri në vitin 2005.

Sot familja ime – duke përfshirë bashkëshorten time dhe vajzën tonë – është vulosur përjetësisht. Ky bekim është edhe falë dëshmisë sime për Librin e Mormonit. Unë e di se Libri i Mormonit është i vërtetë, sepse ai jep dëshmi për Zotin Jezu Krisht dhe unë afrohem më pranë Perëndisë kur e lexoj këtë anal të shenjtë.

Adilson Lucero dos Santos, Paraná, Brazil



Vegimi i Nefit



Dëshmia e Lehit



Fjalimi i Mbretit Beniamin



Dëshmia e Abinadit

Leximi dhe meditimimi mbi predikimet e mëdha për Jezun Krishtin në Librin e Mormonit sjellin një dëshmi të sigurt rreth vërtetësisë së tyre.

Dëshmia për Jezun Krishtin

Të shoqëruar me fuqinë e Frymës së Shenjtë, leximi dhe meditimimi mbi predikimet e mëdha të Jezun Krishtit në Librin e Mormonit sjellin një dëshmi të sigurt rreth vërtetësisë së tyre. Unë dëshiroj të kaloj nëpër Librin e Mormonit duke u ushqyer me bollëk me doktrinat e fuqishme të Krishtit: Vegimin e Nefit për pemën e jetës, me engjëllin që pyet: “A e di ti denjimin e Perëndisë?” (1 Nefi 11:16); dëshminë e Lehit që “shëlbimi vjen nëpërmjet Mesias së Shenjtë; pasi ai është plot hir dhe vërtetësi” (2 Nefi 2:6); shtesës prej Jakobit që Ai është “ruajtësi i portës. . . dhe ai nuk punëson shërbëtorë aty” (2 Nefi 9:41).

Pastaj vijojmë me Mbretin Beniamin, që na mëson cilësitë e të qenit dishepull me shpalljen e tij të patundur se “nuk do të ketë asnjë emër tjetër të dhënë, as ndonjë mënyrë tjetër nëpërmjet së cilës shpëtimi mund të vijë te fëmijët e njerëzve, vetëm në dhe nëpërmjet emrit të Krishtit” (Mosia 3:17).

Jemi së shpejti me Abinadin, gati për të dhënë jetën e tij për atë që beson:

“Por, ka një ringjallje prandaj varri nuk ka fitore dhe thumbi i vdekjes është gëlltitur në Krishtin.

Ai është drita dhe jeta e botës; po, një dritë që është pa mbarim që nuk mund të errësohet kurrë” (Mosia 16:8–9).

Alma sjell doktrinat e mrekullueshme të Shlyerjes, drejtësisë dhe mëshirës në jetë: “Plani i mëshirës nuk mund të realizohet,

nëse nuk bëhet një shlyerje; prandaj Perëndia vetë shlyen për mëkatet e botës, që të realizohet plani i mëshirës, për të plotësuar kërkesat e drejtësisë, që Perëndia të mund të jetë një Perëndi i përsosur, i drejtë dhe gjithashtu një Perëndi i mëshirshëm” (Alma 42:15).

Pastaj vijmë te vizita e mrekullueshme e Shpëtimtarit te fëmijët e Lehit. Ne gjithashtu, e ndiejmë dashurinë e Tij, mëshirën e Tij, mësimet e Tij, vetë dëshminë e Tij:

“Ky është ungjilli që ju kam dhënë—se unë erdha në botë për të bërë vullnetin e Atit tim. . . .

Dhe, Ati im më dërgoi që të mund të ngrihesha në kryq. . . që t’i tërheq të gjithë njerëzit tek unë, që ashtu si unë u ngrita nga njerëzit, ashtu dhe njerëzit të ngrihen nga Ati, që të qëndrojnë para meje për t’u gjykuar për veprat e tyre, qofshin ato të mira ose qofshin ato të liga (3 Nefi 27:13–14).

Së fundi, thirrjet mbyllëse të Mormonit dhe Moronit: “Dijeni se ju duhet . . . të pendoheni për të gjitha mëkatet dhe paudhësitë tuaja dhe të besoni në Jezun Krishtin, se ai është Biri i Perëndisë” (Mormoni 7:5). “Po, ejani te Krishti dhe përsosuni në të dhe i mohoni vetes çdo ligësi; dhe në qoftë se do t’i mohoni vetes çdo ligësi dhe ta doni Perëndinë me gjithë fuqinë, mendjen dhe forcën tuaj, atëherë hiri i tij mjafton për ju, se me anë të hirit të tij ju mund të bëheni të përsosur në Krisht” (Moroni 10:32).



Shfaqja e Jezu Krishtit



Thirrjet mbyllëse të Mormonit dhe Moronit

Mesazhi i Librit të Mormonit Vjen Brenda Tregimeve të Familjeve

Kjo dëshmi e fuqishme dhe bindëse shpirtërore se Jezu Krishtit është vërtetë Mesia i premtuar – Biri i vajo-sur i Perëndisë, i dërguar në tokë për të bërë të ndodhë ringjallja e të gjithë njerëzve dhe pastrimi shpirtëror i atyre që do të pendohen dhe do ta ndjekin Atë – shprehet brenda tregimeve të familjeve.

Libri i Mormonit fillon me një familje, një atë dhe nënë, bij dhe bija që ua vënë veshin babait-profet për t'i lënë të mirat e tyre të botës dhe për të ndjekur këshillën e Zotit. Rrëfimet e librit janë të tejmbushura me prindër që përpiqen të rrënjosin në fëmijët e vet premtimin dhe shpresën e Jezu Krishtit. Në një rast unë mora nga faqet e tij një këshillë të caktuar nga etërit te bijtë – gjithsej ishte 52 faqe të shtypura. Në Librin e Mormonit ne shohim se si prindërit u mësuan besim në Krisht dhe bindje ndaj urdhërimeve të Perëndisë edhe fëmijëve që ishin të bindur që nga fëmijëria e tyre edhe fëmijëve të cilëve u duhej ta gjenin rrugën e tyre – ndonjëherë brenda së njëjtës familje. Ky është një mësim për kohën tonë, për fëmijët tanë, për familjet tona.

Rolet e veçanta të grave dhe bijave janë të papërmendura deri në një farë mase, siç është zakoni në shkruar e lashtë. Por duke parë përtej të dukshmes, ne shohim ndikimin e tyre të përjetshëm e të qëndrueshëm. Ne i ruajmë si thesar kafshatat e çmuara që thonë gratë dhe nënat aq “të buta dhe të dëlira dhe të brishta para Perëndisë” (Jakobi 2:7) ose kur Helamani përshkruan mirësinë e ushtrisë së tij me të rinj aq të ndikuar nga nënat e tyre të drejta:

“Ata u bindën dhe u përpoqën të zbatonin çdo fjalë të urdhërit me përpikmëri; po, dhe madje u bë çdo gjë sipas

DY LIBRA, NJË FAMILJE E PËRJETSHME

Bashkëshorti im ishte duke u kthyer në shtëpi kur gjeti një çantë në rrugë. Për habinë e tij, brenda kishte një kopje të Librit të Mormonit. Ai e solli atë në shtëpi dhe ma tregoi mua. Ai e lexoi për pak, iu duk interesant, por së fundi e flaku tutje.

Pak kohë pas kësaj, ai vdiq. Unë shkova nga një kishë në tjetrën duke kërkuar ngushëllim dhe duke dëshiruar të dija nëse jeta vazhdonte pas vdekjes. Unë isha mbushur me dyshime, me shumë pyetje pa përgjigje.

Më vonë, rrugës për në punë, unë pashë një libër që e njoha në trotuar – Librin e Mormonit. Unë e mora me vete, sepse kur e gjeta atë më solli kujtime të vjetra të bashkëshortit tim të dashur. Unë ia përmenda zbulimin e tij dikujt që më sugjeroi ta lexoja atë.

Ditët kalonin dhe një ditë unë vizitova motrën time që ishte shenjto e ditëve të mëvonshme. Misionarët kohëplotë ishin atje dhe kënduan himnin “Fëmi i Perëndisë Jam”. Unë e dija që atë çast se misionarët mund t’u përgjigjeshin pyetjeve të mia.

Pasi mora diskutimet dhe fitova një dëshmi, unë u pagëzova. Sot, mund të dëshmoj me siguri të plotë se Jozef Smithi pa Atin dhe Birin e Tij, Jezu Krishtin.

Unë besoj se nuk ishte rastësi që edhe bashkëshorti im, edhe unë gjetëm Librin e Mormonit. Edhe pse bashkëshorti im nuk mundi të pagëzohej gjatë jetës, unë jam e lumtur që, falë ordinancave të tempullit, ai dhe unë dhe dy fëmijët tanë të çmuar mund të jemi së bashku përgjithmonë për të gjithë përjetësinë. Libri i Mormonit na afroi bashkë dhe solli paqe në shpirtat tanë.

María Mash, Guatemalë

*Rrëfimet e Librit
janë të tejmbu-
shura me prindër
që përpiqen të
rrënjisin te fëmi-
jët e vet premti-
min dhe shpresën
e Jezu Krishtit.*



besimit të tyre; dhe unë kujtova fjalët që ata më kishin thënë se nënat e tyre ua kishin mësuar. . . .

Tani, ky ishte besimi i këtyre, për të cilët ju fola; ata janë të rinj dhe mendjet e tyre janë të vendosura dhe ata e vendosin përherë besimin e tyre në Perëndi. . . .

. . . Nënat u kishin mësuar se, në qoftë se nuk do të dyshonin, Perëndia do t'i shpëtonte.

Dhe më përsëritën fjalët e nënave të tyre, duke thënë: Ne nuk dyshojmë që nënat tona e dinin atë” (Alma 57:21, 27; 56:47–48).

Unë ju ftoj t'i mendoni thellë këto pyetje që t'ju ndihmojnë t'i përjasni mësimet e Librit të Mormonit në familjen tuaj.

- Cilat pjesë në Librin e Mormonit na mësojnë se fëmijët kanë nevojë të shohin ndershmëri dhe drejtësi në besimin e prindërve të tyre?
- Çfarë këshillash u kanë dhënë fëmijëve të tyre, etërit në Librin e Mormonit që ne mund të dëshirojmë t'i ndajmë me fëmijët tanë?
- Çfarë mësojmë ne rreth përpjekjeve me fëmijët që nuk po tregohen të bindur?
- Si ua tregojnë prindërit në Librin e Mormonit fëmijëve të tyre besimin e tyre të thellë?
- Çfarë mësojmë ne rreth besimit ndërsa ai përçohet nga një brez tek tjetri?

Nuk ka asgjë më të rëndësishme për të ndarë me dikë tjetër sesa besimi në Zotin Jezu Krisht. Ai sjell kuptueshmërinë e sfidave të kësaj jete, e lumturisë në mes të vështirësisë dhe jetës së përrjetshme në botën që do të vijë.

Ka shumë ndikime të botës që na tërheqin ne dhe familjet tona nga ky besim jetësor. Libri i Mormonit na fton ne dhe familjet tona të përqafojmë besimin në Zotin Jezu Krisht dhe ndan parimet që do t'i ndihmojnë familjet tona t'ia dalin mbanë.

Unë dëshmoj se Libri i Mormonit është i vërtetë dhe se me të vërtetë iu dorëzua Profetit Jozef Smith nga engjëlli Moroni, nën drejtimin e Zotit Jezu Krisht. Ai është për kohën tonë, për fëmijët dhe nipërit tanë. Ndërsa e hapim atë çdo ditë me besim, unë premtoj se Shpirti i Zotit do të jetë mbi ju dhe familjet tona do të jenë të bekuara përgjithmonë. ■

NGJARJE TË LASHTA, ZBATIME TË KOHËS

Unë mund të gjej gjithmonë përgjigje në Librin e Mormonit. Unë po mësoj shumë gjëra duke studiuar atë dhe ndiej se po ndryshoj në mënyrë të mirë.

Kohët e fundit unë po mendoja se çfarë të bëja tani, që të gjashtë fëmijët e mi janë rritur. Unë pyeta veten çfarë dëshironte Ati Qiellor që unë të bëja.

Gjatë studimit tim të rregullt të shkrimeve të shenjta, unë hasa një nga ngjarjet e luftës në Librin e Mormonit. Unë u trondita nga thirrja e Moronit për veprim në mbrojtje, midis të tjerave të familjeve (shih Alma 46:12). Nefitët ishin të vendosur që të mbronin familjet e tyre. Kur e lexova atë histori, unë vendosa që pavarësisht nga të gjitha, unë dëshiroja të kisha të njëjtin qëllim në jetën time, të luftoja për familjen time. Ishte një përvojë vetjake, e ëmbël.

Unë e di se Libri i Mormonit u shkrua për kohën tonë. Unë jam mirënjohës që mund të shkoj te ky libër për drejtim në jetën time; ai është me të vërtetë një shufër hekuri (shih 1 Nefi 8).

Eun Jung, Kore



Nëse Ne Nuk Dyshojmë

Studiojeni këtë material dhe, si të jetë e përshtatshme, diskutojeni me motrat që vizitoni. Përdorini pyetjet për t'ju ndihmuar të forconi motrat tuaja dhe për ta bërë Shoqatën e Ndhmës një pjesë aktive të vetë jetës suaj.

Besim • Familje • Ndhmë

Në Librin e Mormonit ne lexojmë rreth të rinjve shembullorë që ishin jashtëzakonisht trima, guximtarë dhe të fortë. “Po, ata ishin njerëz që i përmbaheshin së vërtetës dhe njerëz seriozë të cilëve u ishte mësuar t’u bindeshin urdhërimeve të Perëndisë dhe të ecnin drejtësisht para tij” (Alma 53:21). Këta të rinj nderonin nënat e tyre – shembujt dhe mësueset e tyre.

Nënat e luftëtarëve të Helamanit jetonin në kohëra jo pa ngjashmëri me tonën. Rrethanat ishin të vështira dhe të rrezikshme dhe të rinjtë qenë thirrur për të mbrojtur lirinë fizike dhe shpirtërore. Sot ne jetojmë në një botë ku “beteja . . . nuk është kundër gjakut dhe mishit, por kundër principatave, kundër pushteteve, kundër sunduesve të botës së errësirës të kësaj epoke, kundër frymërave të mbrapshta në vendet qiellore” (Efesianëve 6:12).

Kohët sfiduese kërkojnë prindër dhe shembujt të fortë që japin mësim të vërtetën që luftëtarët e Helamanit e dinin: “Në qoftë se nuk do të dyshonin, Perëndia do t’i shpëtonte” (Alma 56:47). Mësimdhënia e kësaj të vërtete dhe realizimi i saj sot kërkon vigjilencë. Gjithsesi, ne nuk ka nevojë të trembemi. Kur ne e dimë se cilët jemi dhe cili është Perëndia dhe ne kemi bërë besëlidhje me Të, ne – ashtu si këto nëna dhe luftëtarë do të kemi ndikim të madh për mirë.

Me shumë gjasa, secili nga 2.060 luftëtarët e Helamanit që ndikuar nga një nënë. Por këto nëna nuk vepruan vetëm. Së bashku me burra dhe gra të tjera të drejta, këto nëna duhet të kenë bashkuar besimin dhe shembullin e tyre për të dhënë mësim fuqinë e besëlidhjeve. Të rinjtë e asaj kohe e kuptonin besëlidhjen që prindërit e tyre patën bërë për të mos u angazhuar në luftë. Dhe kur dukej e pamundur, një Atë Qiellor hapi rrugën që këta prindër të mbanin besëlidhjet e tyre – dhe të ruanin lirinë e tyre (shih Alma 56:5–9). Ne po ashtu, duhet të respektojmë besëlidhjet tona në mënyrë që fëmijët dhe të rinjtë tanë – fëmijët tanë dhe ata në lagjet, degët, mëhallat dhe komunitetet tona – të kuptojnë dhe të mbështesin mbajtjen e besëlidhjes.

Çfarë Mund të Bëj Unë?

1. Si mund t’i ndihmoj unë motrat e mia që të njohin dhe të veprojnë me forcën që kanë për të ndikuar te brezi që rritet?

2. Çfarë frymëzimi do të gjej në Librin e Mormonit për t’iu përgjigjur sfidave me të cilat përballem sot?

Kur ne nderojmë besëlidhjet tona, Ati Qiellor mund ta përgatisë rrugën për ne. Ne duhet t’i jetojmë besëlidhjet tona me përpikmëri. Ne mundemi, për shembull, të jemi të përpiktë në të luturit, në studimin e shkrimeve të shenjta, në mbajtjen e rekomandimit aktual të tempullit, në të veshurit thjesht, në respektimin e Shabatit. Kur veprojmë kështu, fëmijët tanë do të dinë dhe do të jenë në gjendje të thonë: “Ne nuk dyshojmë që nënat tona e dinë atë” (Alma 56:48).

Gratë shenjatore të ditëve të mëvonshme që e dinë se forca e tyre vjen nga Shlyerja e Zotit, nuk dorëzohen në kohëra të vështira dhe shkurajuese. Si mbajtës të besëlidhjeve, ne shquhemi në mbështetjen, edukimin dhe mbrojtjen e fëmijëve dhe të të rinjve në mënyrë që një ditë ne të mund të themi për këtë brez që rritet: “Nuk kam parë kurrë guxim kaq të madh, jo, jo në mes të të gjithëve!” (Alma 56:45). ■

Xhuli B. Bek, presidente e përgjithshme e Shoqatës së Ndhmës.

Për më tepër informacion, shkoni në www.reliefsocietylds.org.

Nga Shkrimet e Shenjta

Alma 53; 56–58



DY MIJË DJEM LUFTËTARË

Me guxim ♩ = 96-100

Teksti nga Bonnie Hart Murray
Muzika nga Janice Kapp Perry

1. Dy mij' djem lu - ftë - ta - rë, të rinj e shum' të fort', Thirr -
2. Kë - ta v'lle-zër të zell-shëm, nga në - nat më - su - an Be -
3. Me He - la - ma - nin n'kry - e, kjo tri - me v'lla - zë - ri Qën -
4. Dy mij' djem lu - ftë - ta - rë, për kau - zën gu - xim - tar', Me

jes për në be - tej' a - ta të gat - shëm i do - lën; Ja,
sim Per'-ndis' e t'jen' t'vër - tet' n'me - ndim dhe në ve - pra, Se
droi pa u tre - mbur as - pak, ba - shku - ar plot be - sim. Pa
forc' si prej Per' - ndi - e van', as - një nuk mbet' i vrar'. T'fu -

Per' - ndi - a me ne është, nën Të je - mi n'shër - bim! Për
A - i do t'i mbro - nte; be - si - min ua shpër - blen. Zo -
kër - ku - ar gjak - der - dhje, veç li - rin' dë - shi - roi, Për
qi - shëm prej be - si - mit; shu - mu - ar në for - ca. Për -

je - tën frik', jo, s'pa - tën, por ve - ndo - sën me gu - xim.
tit i mir' - be - su - an, pa dy - shim ndaj në - na - ve.
je - tën, për Per' - ndi - në dhe për fa - mi - ljen lu - ftoi.
tej fu - qis' lu - ftu - an, se Per' - ndi - a qe me ta.

© 2009 nga Bonnie Hart Murray dhe Janice Kapp Perry. I rezervohen të gjitha të drejtat.
Kjo këngë mund të kopjohet për ta përdorur me raste në kishë ose në shtëpi, jo për tregti.
Të përfshihet ky shënim në çdo kopje që bëhet.

Alma 53; 56-57

Mësime për Kohën Tonë



Zoti Kujtohet për Ne

“Mua më kujtohen fjalët e Zotit që gjenden tek libri i Ethërit në Librin e Mormonit. Tha Zoti: ‘Ju nuk mund ta kapërceni këtë thellësi të madhe, në qoftë se nuk ju përgatis kundër dallgëve të detit dhe erërave që kanë dalë dhe përmbytjeve që

do të vijnë’ [Ethëri 2:25]. Vëllezërit dhe motrat e mia, Ai na ka përgatitur. Nëse ua vëmë veshin fjalëve të Tij dhe jetojmë urdhërimet, ne do të mbijetojmë në këtë kohë shthurjeje dhe ligësie – një kohë që mund të krahasohet me dallgët, dhe erërat, dhe përmbytjet që mund të shkatërrojnë. Ai gjithmonë kujtohet për ne. Ai na do dhe do të na bekojë kur ne bëjmë atë që është e drejtë.”

Presidenti Tomas S. Monson, “Fjala e Mbylljes”, *Liahona*, nëntor 2009, f. 109.



Jezusi Është Krishti

“Libri i Mormonit është dëshmia e shkruar më e fuqishme që kemi se Jezusi është Krishti. Cila tha Nefi se është baza për të marrë Frymën e Shenjtë? Besimi në Zotin Jezu Krisht. A do të na sigurojë leximi i Librit të Mormonit tani dhe pas kësaj besim në Zotin Jezu Krisht? Nuk do t’ju mjaftonte

nëse vetëm e lexoni me vëmendje Nefin. Ai tha këtë: ‘Është dhurata . . . për të gjithë ata që me zell e kërkojnë atë’. Me zell sigurisht do të thotë rregullisht. Dhe kjo do të thotë të mendosh thellë dhe të lutesh. Dhe lutja sigurisht do të përfshijë lutjen e zjarrtë për të ditur të vërtetën. Gjithçka më e vogël vështirë të jetë e zellshme. Dhe gjithçka më e vogël nuk do të ishte e mjaftueshme për ju dhe për mua.”

Presidenti Henri B. Ajring, Këshilltar i Parë në Presidencën e Parë, “Going Home”, në *Brigham Young University 1986–1987 Devotional and Fireside Speeches* (1987), f. 77–78.



Një Deklaratë për Ungjillin

“Elementët bazë të mesazhit të ungjillit gjenden në të gjitha shkrimet e shenjta, por me qartësinë më të madhe na jepen në Librin e Mormonit dhe në zbulesat e Profetit Jozef Smith. Këtu Vetë Jezusi shpall me qartësi doktrinën dhe ungjillin e Tij, me të cilat fëmijët e Perëndisë duhet të pajtohen në mënyrë që të ‘[kenë] jetë të përjetshme’ (DeB 14:7).”

Presidenti Dieter F. Uchtdorf, Këshilltar i Dytë në Presidencën e Parë, “A Nuk Kemi Shkak të Gëzohemi?” *Liahona*, nëntor 2007, f. 19.

Ne mësojmë nga profetët e lashtë që Libri i Mormonit përmban shumë “gjëra të qarta dhe të çmueshme” që ishin ruajtur për të na udhëzuar ne në ditët tona (shih 1 Nefi 13:40; 19:3). Këto të vërteta japin qartësi dhe kuptim më të mirë të plotësisë së ungjillit të Jezu Krishtit dhe i ndihmojnë ata që studiojnë Librin e Mormonit që të orientohen përmes sfidave të jetës me shpresë dhe forcë. Në citatet e mëposhtme, profetë dhe apostuj modernë dëshmojnë për këto mësimë të rëndësishme.



Pagëzimi i Fëmijëve të Vegjël

“[Disa besojnë] se fëmijët e vegjël janë ngjizur në mëkat dhe hyjnë në vdekshmëri në një gjendje të natyrshe korupsioni. Kjo doktrinë është e rreme!

‘Pasi, në qoftë se unë kam mësuar të vërtetën, shkroi Mormoni, ka patur debate mes jush në lidhje me pagëzimin e fëmijëve tuaj të vegjël’ (Moroni 8:5).

Ai e quajti debatin e tyre ‘gabim të madh’ dhe shkroi: . . .

Dëgjo fjalët e Krishtit, Shëlbuesit tënd, Zotit tënd dhe Perëndisë tënd. Shiko,

unë nuk erdha në këtë botë të thërres të drejtët, por mëkatarët që të pendohen; të shëndetshmit nuk kanë nevojë për mjekun, por ata që janë të sëmurë; prandaj, fëmijët e vegjël janë të shëndetshëm, meqë nuk mund të bëjnë mëkat; prandaj mallkimi i Adamit hiqet nga ata tek unë, kështu që nuk ka fuqi mbi ta; . . .

Dhe në këtë mënyrë Fryma e Shenjtë ma zbuloi fjalën e Perëndisë; prandaj, biri im i dashur, unë e di se është një tallje solemne përpara Perëndisë, që të pagëzoni fëmijët e vegjël’ (Moroni 8:7–9). . . .

Lexojeni të gjithë letëren e tij. Ajo është doktrinë e vërtetë.”

Presidenti Bojd K. Paker, President i Kuorumit të Dymbëdhjetë Apostujve, “Little Children”, Ensign, nëntor 1986, f. 17.



Paralajmërimet nga Libri i Mormonit

“Midis mësimëve që nxjerrim nga Libri i Mormonit, janë shkaku dhe ndikimi i luftës dhe në cilat kushte ajo është e justifikuar. Ai tregon për ligësitë dhe rreziqet e lidhjeve të fshehta, që ngrihen për të marrë pushtet dhe për të fituar mbi popullin. Ai tregon për të vërtetën e Satanit dhe jep një tregues për disa nga metodat që ai përdor. Ai na këshillon mbi përdorimin e duhur të pasurisë. Ai na tregon për të vërtetat

e qarta dhe të çmueshme të ungjillit dhe realitetin dhe natyrën hyjnore të Jezu Krishtit dhe të sakrificës së tij shlyese për të gjithë njerëzimin. Ai na informon për grumbullimin e shtëpisë së Izraelit në ditët e fundit. Ai na tregon për qëllimin dhe parimet e punës misionare. Ai na paralajmëron kundër krenarisë, moskokëçarjes, zvarritjes dhe rreziqeve nga traditat e rreme, hipokrizia dhe mungesa e dëlirësisë.

Tani varet nga ne që të studiojmë Librin e Mormonit dhe të mësojmë nga parimet e tij dhe t’i zbatojmë ato në jetën tonë.”

Plaku L. Tom Perri i Kuorumit të Dymbëdhjetë Apostujve, “Bekime që Vijnë nga Leximi i Librit të Mormonit”, Liahona, nëntor 2005, f. 8.

DY BASTUNË BËHEN NJË

Thuajse që nga lindja unë e kam pasur Biblën, megjithatë deri sa mora një kopje të Librit të Mormonit, unë nuk isha njohur me të gjitha parimet e ungjillit. Unë zbulova se ungjilli i plotë i Jezu Krishtit është i disponueshëm vetëm me njohjen e këtij “bastuni” (shih Ezekieli 37:15–17). Ky bashkim i profetizuar – “të bëhen një gjë e vetme në dorën tënde” (vargu 17) – u bë i mundur sepse dy motra misionare besnike u kujdesën dhe më lanë një kopje të bastunit të dytë.

Më përpara unë ecja me dritë qiriri; tani çdo qoshe dhe plasartje është e ndriçuar nga plotësia e bekimeve të ungjillit. Unë ndiej se më është dhënë një ripërtëritje në jetë.

Eri Sala, British Këllambia (British Columbia), Kanada

FAMILJA ËSHTË E PËRJETSHME

Unë e kam lexuar Librin e Mormonit që nga pagëzimi im në 1995-ën. Por vetëm kur u martova, ndodhi që leximi rreth bijve të Lehit që udhëtonin për në dhe nga Jeruzalemi mori kuptim për mua lidhur me vetë familjen time.

Duket se Zoti donte që Lehi të kishte një familje të

përvetshme. Ai në fillim i tha Lehit të linte gjithçka prapa dhe të shpëtonte familjen e tij të *tanishme* duke i çuar ata në tokën e premtuar. Ndërsa ata ishin ende në shkretëtirë, Zoti i tha Lehit t'i kthente bijtë e tij mbrapsht që të merrnin dokumentat e anëtarëve të *mëparshëm* të familjes. Pas asaj, Ai i dërgoi ata të merrnin Ishmaelin dhe bijat e tij. Kjo ishte përgatitje për familjen e *tyre të ardhshme*.

Dëshmi të Librit të Mormonit nga anëtarë të tjerë të Kuorumit të Dymbëdhjetë Apostujve mund të gjenden në këtë numër në faqet 10, 28, 32, 38 dhe 80.



Të Gjitha Gjërat Do të Rivendosen

“Natyra e saktë dhe universale e ringjalljes është përshkruar gjallërisht në Librin e Mormonit. Profeti Amulek na mësoi:

‘Vdekja e Krishtit do të zgjidhë rripat e kësaj vdekjeje të përkohshme, që të gjithë të ngrihen nga kjo vdekje e përkohshme.

Shpirti dhe trupi do të bashkohen përsëri në formën e tij të përkryer; dhe si gjymtyrët ashtu dhe nyjet do të rivendosen në të njëjtin trup, pikërisht ashtu siç jemi në këtë kohë; . . .

Tani, ky ribashkim do të vijë te të gjithë, si pleq dhe të rinj, si robër dhe të lirë, si meshkuj dhe femra, si për të këqijtë ashtu dhe për të drejtët; dhe madje nuk do të ketë humbur asnjë flok i kokave të tyre; por çdo gjë do të ribashkohet në vendin e vet të përkryer’ (Alma 11:42–44).

Alma gjithashtu na mësoi se në ringjallje ‘të gjitha gjërat do të rikthehen në formën e tyre të përshtatshme dhe të përkryer’ (Alma 40:23). . . .

Çfarë ngushëllimi të dish se të gjithë ata që kanë qenë të dëmtuar në jetë . . . do të ringjallen në ‘formë të përshtatshme dhe të përkryer’.”

Plaku Dallin H. Oaks i Kuorumit të Dymbëdhjetë Apostujve, “Resurrection”, *Liahona*, korrik 2000, f. 17



Rreziqet e Lidhjeve të Fshehta

“Libri i Mormonit na mëson se lidhjet e fshehta të përfshira në krim paraqesin një sfidë serioze, jo thjesht për individë dhe familje, por për qytetërimi të tëra. Ndër lidhjet e fshehta të sotme janë bandat, kartelet e drogës dhe familjet e krimit të organizuar. Lidhjet e fshehta të ditëve tona veprojnë në mënyrë shumë të ngjashme me grabitësit e

Gadiantonit në kohët e Librit të Mormonit. . . . Midis qëllimeve që kanë ata ishte ‘të vrisnin dhe të plaçkitnin dhe të vidhnin, dhe të bënin lavirësi dhe të gjitha llojet e ligësisë, në kundërshtim me ligjet e vendit të tyre dhe gjithashtu me ligjet e Perëndisë së tyre’ [Helamani 6:23].

Nëse ne nuk jemi të kujdesshëm, lidhjet e fshehta të sotme mund të ftojnë pushtet dhe ndikim po aq shpejt dhe po aq plotësisht, siç arritën ato në kohët e Librit të Mormonit.”

Plaku M. Rasëll Ballard i Kuorumit të Dymbëdhjetë Apostujve, “Standing for Truth and Right”, *Ensign*, nëntor 1997, f. 38.

Krijimi i lidhjes midis të tashmes, të shkuarës dhe të ardhmes së familjes sonë të përjetshme është një përgjegjësi e rëndësishme që unë kam nevojë ta ruaj si thesar – pikërisht ashtu siç bëri Lehi. Ndoshta këto përvoja e ndihmuan Lehin të përgatitej për vegimin e pemës së jetës dhe për një kuptim që dashuria e Perëndisë duhet të kultivohet brenda një familjeje të përjetshme.

Salote Malani Maiviriviri, Havai, SHBA



Zgjidhja e Sfidave të Jetës

“Libri i Mormonit përmban mesazhe që qenë vendosur atje hyjnisht për të treguar si të korrigjohet ndikimi prej traditës së gënjeshtërt dhe si të merret një plotësi e jetës. Ai na mëson si të zgjidhim problemet dhe sfidat me të cilat ne përballlemi sot. . . [Zoti] ka siguruar mënyrën për të korrigjuar gabimet e rënda të jetës, por ky udhëzim nuk ka vlerë nëse qëndron i kyçur në një libër të mbyllur.”

Plaku Riçard G. Skot i Kuorumit të Dymbëdhjetë Apostujve, “True Friends That Lift”, *Ensign*, nëntor 1988, f. 76.



Një Kujtues i Besëlidhjeve Tona

“Neve na kujtohet prej Librit të Mormonit se pagëzimi ynë është një besëlidhje për të ‘qëndr[uar] si dëshmitarë të Perëndisë [dhe të mbretërisë së Tij] në të gjitha kohërat dhe në të gjitha gjërat dhe në të gjitha vendet që [ne] të gjende[mi], madje deri në vdekje, që [ne] të mund të shëlbehe[mi] nga Perëndia dhe të numërohe[mi] me ata të ringjalljes, që [ne] të mund të ke[mi] jetën e përjetshme’ (Mosia 18:9; theksimi i shtuar).”

Plaku Robert D. Hejls i Kuorumit të Dymbëdhjetë Apostujve, “The Covenant of Baptism: To Be in the Kingdom and of the Kingdom”, *Liahona*, janar 2001, f. 7.



Bekimet e Bindjes

“Në shumë vende në Librin e Mormonit, njerëzve u qe premtuar se ata do të përparonin në tokë nëse do të mbanin urdhërimet [shih 1 Nefi 2:20; 2 Nefi 4:4]. Ky premtim shoqërohet shpesh nga paralajmërimi se nëse ata nuk i mbajnë urdhërimet e Perëndisë, ata do të përjashtohen nga prania e Tij [shih Alma 36:30].” ■

Plaku Kuentin L. Kuk i Kuorumit të Dymbëdhjetë Apostujve, “Besoj Që e Di, Ne e Patëm Shumë të Vështirë”, *Liahona*, nëntor 2008, f. 104.

TË SHKOJMË PËRPARA ME DITË

Në kapitullin 2 të Ethërit ne lexojmë se vëllai i Jaredit ishte i shqetësuar, sepse nuk do të kishte dritë në barkat e tyre. Kur ai pyeti Zotin rreth kësaj, Zoti u përgjigj me një pyetje: “Ç’doni që t’ju përgatis që të mund të keni dritë?” (vargu 25).

Unë kam menduar shumë rreth mënyrës si vëllai i Jaredit iu përgjigj pyetjes së Zotit. Së pari, ai u ngjiti në një mal, ku ai “shkriu nga një shkëmb gjashtëmbëdhjetë gurë të vegjël” (Ethëri 3:1). Ai i mbarti gurët në majën e malit, ku ai u lut. Ai filloi ta përulë veten përpara Zotit. Ai kërkoi për mëshirë dhe ai njohu fuqinë që Zoti kishte për t’iu përgjigjur lutjes së tij. Pastaj ai shfaqti besimin e tij duke thënë: “Ne e dimë se ti je në gjendje të tregosh fuqi të madhe” (Ethëri 3:5). Vëllai i Jaredit i kërkoi Zotit të prekte gurët në mënyrë që ata të mund të ndriçonin barkat.

Kjo pjesë ka ndryshuar mënyrën me të cilën unë lutem. Më përpara, unë shpesh kërkova: “Atë, çfarë do Ti që unë të bëj?” Në të vërtetë shumë situata kërkojnë që unë të fus ca mendim, të analizoj burimet e mia, të dal me një plan, pastaj të shkoj tek Ati dhe t’i kërkoj Atij nëse plani është në rregull – paskëtajt lutja për mrekullitë që unë nuk mund t’i bëj vetë të ndodhin.

Elena Gómes de Santurión, Uruguaj



Nga Presidenti
Ezra Taft Benson
(1899–1994)



LIBRI I MORMONIT – Gurthemeli i Besimit Tonë

Ezra Taft Benson u bë Presidenti i 13-të i Kishës më 10 nëntor 1985. Ai kujtohet për dëshminë e tij të fortë për fuqinë e Librit të Mormonit dhe theksimin që i bënte rëndësisë së tij në studimin e përditshëm të shkrimeve të shenjta, punën misionare dhe mësimdhënien e ungjillit. Ky vit shënon përvjetorin e 25-të të kësaj bisede të konferencës së përgjithshme të tetorit të 1986-ës.

Vëllezër dhe motra të mia të dashura, sot unë do të doja të flisja rreth një prej dhuratave më të rëndësishme që i është dhënë botës në kohët moderne. Dhuratat për të cilën po mendoj, është më e rëndësishme se çfarëdo shpikje që ka dalë nga revolucionet industriale dhe teknologjike. Kjo është një dhuratë me vlerë më të madhe për njerëzimin sesa madje shumë përparime të mrekullueshme që kemi parë në mjekësinë moderne. Ajo është e një vlere më të madhe për njerëzimin sesa përparimi i fluturimit apo udhëtimi hapësinor. Unë flas për dhuratën e Librit të Mormonit, dhënë njerëzimit 156 vite përpara.

Kjo dhuratë qe përgatitur nga dora e Zotit për një periudhë prej më shumë se një mijë vjet, atëherë e fshehur nga Ai në mënyrë që ajo të ruhej në pastërtinë e saj për brezin tonë. Ndoshta nuk ka asgjë që dëshmon më qartë për rëndësinë e këtij libri modern të shkrimeve të shenjta sesa ajo që Zoti Vetë ka thënë rreth tij.

Nga goja e Tij Ai ka dhënë dëshmi 1) që ai është i vërtetë (DeB 17:6), 2) që ai përmban të vërtetën dhe fjalët e



Tij (DeB 19:26), 3) që ai qe përkthyer nga fuqia qiellore (DeB 20:8), 4) që ai përmban plotësinë e ungjillit të Jezu Krishtit (DeB 20:9; 42:12), 5) që ai ishte dhënë nëpërmjet frymëzimit dhe pohuar nga shërbesa e engjëjve (DeB 20:10), 6) që ai jep prova se shkrimet e shenjta hyjnore janë të vërteta (DeB 20:11) dhe 7) që ata që e marrin atë me besim do të marrin jetë të përjetshme (DeB 20:14).

Një dëshmi e dytë e fuqishme për rëndësinë e Librit të Mormonit është të vëresh se ku e vendosi Zoti daljen e tij në programin e Rivendosjes që shpalohej. E vetmja gjë që e parapriu qe Vegimi i Parë. Në atë shfaqje të mrekullueshme, Profeti Jozef Smith mësoi natyrën e vërtetë të Perëndisë dhe që Perëndia pati një punë që ai ta kryente. Dalja e Librit të Mormonit qe gjëja e dytë që do të pasonte.

Mendoni për të në termat e asaj që përfshin. Dalja e Librit të Mormonit parapriu rivendosjen e priftërisë. Ai u botua vetëm disa ditë përpara se Kisha të organizohej.



NJË PROFET DËSHMON

"[Libri i Mormonit] është fjala e Perëndisë. Ai është një dëshmi e fuqishme e dytë e Krishtit. Dhe, sigurisht, të gjithë besimtarët e vërtetë që e duan Shëlbuesin do të mirëpresin fakte shtesë për prejar-dhjen e tij hyjnore.

Ky libër frymëzues nuk u prek kurrë nga përkthyes të paautorizuar apo teologë të njëanshëm por i vjen botës i pastër dhe drejt-përdrejt nga historianë dhe konspektues. Libri nuk është në provë – lexuesit e tij janë."

Presidenti Spencer W. Kimball (1895–1985), *The Teachings of Spencer W. Kimball*, red. Edward L. Kimball (1982), f. 133.

Shenjtoreve u qe dhënë Libri i Mormonit që ta lexonin përpara se t'u qenë dhënë zbulesat që përvijonin doktrina të tilla madhështore si tre shkallët e lavdisë, martesë çelestiale apo puna për të vdekurit. Ai erdhi përpara organizimit të kuorumeve të priftërisë dhe të Kishës. A nuk na tregon kjo diçka rreth mënyrës se si Zoti e sheh këtë punë të shenjtë?

Kur kuptojmë se si Zoti ndihet rreth këtij libri, nuk do të na befasojë fakti që Ai gjithashtu na jep paralajmërime solemne rreth mënyrës se si e marrim atë. Pasi tregon se ata që e marrin Librin e Mormonit me besim dhe punojnë me drejtësi, do të marrin një kurorë të lavdisë së përjetshme (shih DeB 20:14), Zoti vijon me këtë paralajmërim: "Por ata që i forcojnë zemrat e tyre në mosbesim dhe e mohojnë atë, ajo do të kthehet për mallkimin e tyre" (DeB 20:15).

Në 1829-ën, Zoti i paralajmëroi shenjtoret se ata nuk duhet të luajnë me gjëra të shenjta (shih DeB 6:12). Sigurisht Libri i Mormonit është një gjë e shenjtë, dhe përsëri shumë luajnë me të, ose me fjalë të tjera, e marrin lehtë atë, e trajtojnë si të ishte me pak rëndësi.

Në 1832-shin, kur disa misionarë të hershëm u kthyen nga fushat e tyre të punës, Zoti i qortoi ata se po e trajtonin me lehtësi Librin e Mormonit. Si rezultat i atij qëndrimi, ai tha, mendjet e tyre qenë errësuar. Jo vetëm trajtimi i këtij libri të shenjtë me lehtësi solli një humbje të dritës tek vetja e tyre, ai gjithashtu solli gjithë Kishën në ndëshkim, madje të gjithë fëmijët e Sionit. Dhe atëherë Zoti tha: "Dhe ata do të mbeten nën këtë dënim derisa të pendohen dhe të kujtojnë besëlidhjen e re, madje Librin e Mormonit" (DeB 84:54–57).

A ka bërë fakti që e kemi pasur Librin e Mormonit për më shumë se një shekull e gjysmë me ne që të na duket më pak i rëndësishëm sot? A e kujtojmë ne besëlidhjen e re, madje Librin e Mormonit? Në Bibël ne kemi Dhiatën e Vjetër dhe Dhiatën e Re. Fjala

dhiatë/testament është paraqitja në anglisht e një fjale greke që mundet gjithashtu të përkthehet *besëlidhje*. A është kjo ajo çka Zoti donte të thoshte kur Ai e quajti Librin e Mormonit "besëlidhje e re"? Ai është vërtet një besëlidhje apo dëshmi tjetër e Jezusit. Kjo është një nga shkaqet përse ne kemi shtuar kohët e fundit fjalët "Një Dëshmi Tjetër e Jezu Krishtit" te titulli i Librit të Mormonit.

Nëse shenjtoret e hershëm qenë qortuar për trajtim me lehtësi të Librit të Mormonit, a jemi ne nën çfarëdo ndëshkimi më të vogël nëse veprojmë po ashtu? Zoti Vetë jep dëshmi se ai është me rëndësi të përjetshme. A mundet që një numër i vogël prej nesh ta sjellë gjithë Kishën nën ndëshkim sepse ne i marrim me lehtësi gjërat e shenjta? Çfarë do të themi ne në Gjykim kur të qëndrojmë përpara Tij dhe të ndeshim vështirimin e Tij zhbirues nëse jemi midis atyre që përshkruhen se kanë harruar besëlidhjen e re?

Ka tri arsye të mëdha përse shenjtoret e ditëve të mëvonshme duhet ta bëjnë studimin e Librit të Mormonit një aktivitet për të gjithë jetën.

E *para* është se Libri i Mormonit është guri i themelit i besimit tonë. Kjo qe deklarata e Profetit Jozef Smith. Ai dëshmoi se "Libri i Mormonit qe më i drejti se çfarëdo libri mbi tokë dhe gurthemeli i besimit tonë"¹. Një gurthemel është guri qendror në një qemer. Ai i mban të gjithë gurët e tjerë në vend, dhe nëse hiqet, qemeri shembet.

Ka tri mënyra në të cilat Libri i Mormonit është gurthemeli i fesë sonë. Ai është gurthemeli i dëshmitit tonë për Krishtin. Ai është gurthemeli i doktrinës sonë. Ai është gurthemeli i dëshmisë sonë.

Libri i Mormonit është gurthemeli në dëshminë që japim për Jezu Krishtin, i cili është Vetë gurthemeli i çdo gjëje që bëjmë. Ai dëshmon për realitetin e Tij me fuqi dhe qartësi. Ndryshe nga Bibla, që kaloi nëpër breza



kopistësh, përkthyesish dhe fetarësh të korruptuar, që futën duart në tekst, Libri i Mormonit erdhi nga shkrintari te lexuesi me vetëm një hap të frymëzuar përkthimi. Prandaj, dëshmia e tij për Mësuesin është e qartë, e pa tretur dhe me plot forcë. Por ai bën edhe më shumë. Shumë nga bota e krishterë sot e kundërshton hyjninë e Shpëtimtarit. Ata vënë në dyshim lindjen e Tij si mrekulli, jetën e Tij të përkryer dhe realitetin e Ringjalljes së Tij të lavdishme. Libri i Mormonit na mëson me fjalë të qarta dhe të pagabueshme rreth së vërtetës së të gjithë atyre. Ai gjithashtu jep shpjegimin më të plotë të doktrinë së Shlyerjes. Vërtet, ky libër i frymëzuar hyjnisht është një gurthemel për t'i dhënë dëshmi botës që Jezusi është Krishti.²

Libri i Mormonit është gjithashtu gurthemeli i doktrinë së Ringjalljes. Siç u përmend më sipër, Zoti Vetë ka thënë se Libri i Mormonit përmban “plotësinë e ungjillit të Jezu Krishtit” (DeB 20:9). Ajo nuk do të thotë se ai përmban çdo mësimdhënie, çdo doktrinë të zbuluar ndonjëherë. Më shumë, ajo do të thotë se në Librin e Mormonit ne do të gjejmë plotësinë e atyre doktrinë që kërkohen për shpëtimin

Në Librin e Mormonit ne do të gjejmë plotësinë e atyre doktrinë që kërkohen për shpëtimin tonë. Dhe ato mësohen qartësisht dhe thjesht në mënyrë që madje fëmijët të mund të mësojnë mënyrat e shpëtimit dhe të ekzaltimit.

tonë. Dhe ato mësohen qartësisht dhe thjesht në mënyrë që madje edhe fëmijët të mund të mësojnë mënyrat e shpëtimit dhe të ekzaltimit. Libri i Mormonit ofron aq shumë, sa që zgjeron kuptimin tonë të doktrinëve të shpëtimit. Pa të, shumë nga ajo që jepet mësim në shkrime të tjera të shenjta nuk do të jetë aq e qartë dhe e çmuar.

Më në fund, Libri i Mormonit është guri i themelit i dëshmisë. Pikërisht ashtu si qemeri shembet nëse guri i themelit hiqet, kështu ndodh me të gjithë Kishën, qëndron ose bie me vërtetësinë e Librit të Mormonit. Armiqtë e Kishës e kuptojnë qartësisht këtë. Kjo është arsyeja përse ata shkojnë aq larg për t'u përpjekur të rrëzojnë Librin e Mormonit, sepse nëse ai mund të diskreditohet, Profeti Jozef Smith shkon me të. Kështu ndodh me pretendimin tonë për çelësat e priftërisë dhe zbulesën dhe Kishën e rivendosur. Por po kështu, nëse Libri i Mormonit është i vërtetë – dhe miliona kanë dëshmuar tani se ata kanë dëshminë e Shpirtit që ai është realisht i vërtetë – atëherë njeriu duhet të pranojë pretendimet e Rivendosjes dhe të gjitha ato që e shoqërojnë atë.

Po, të dashur vëllezër dhe motra të mia, Libri i Mormonit është gurthemeli i besimit tonë – gurthemeli i dëshmisë sonë, gurthemeli i doktrinë sonë dhe gurthemeli në dëshmimin tonë për Zotin dhe Shpëtimtarin tonë.

Arsyeja e dytë e madhe përse ne duhet ta bëjmë Librin e Mormonit një epiqendër të studimit është se ai është shkruar për kohën tonë. Nefitët kurrë nuk e patën librin; as lamanitët e kohëve të lashta. Ai ishte për ne. Mormoni shkroi afër fundit të qytetërimit nefit. Nën frymëzimin e Perëndisë, që shikon të gjitha gjërat që nga fillimi, ai përmbledhi shekuj shënimesh, duke zgjedhur histori, fjalime dhe ngjarje që do të ishin më të dobishme për ne.

Secili nga shkrintarët kryesorë të Librit të Mormonit dëshmoi se ai shkroi për brezat



NJË PROFET DËSHMON

“Libri i Mormonit është një anal hyjnor që përmban informacion që nuk gjendet në asnjë libër tjetër. Zoti na ka urdhëruar të ndajmë me të gjithë fëmijët e tij të vërtetat e Ungjillit të përjetshëm që janë zbuluar për t’i përgatitur ata për një vend në mbretërinë celestiale. . . .

Më mbushet zemra me gëzim kur di se çdo njeri që do të lexojë [Librin e Mormonit] plot lutje, çdo burrë që do të dëshirojë të dijë nëse ai është nga Perëndia apo jo ka premtimin, jo nga Jozef Smithi apo ndonjë qenie tjetër në jetë, por premtimin e Atit tonë Qiellor se ata do ta dinë me siguri se ai është nga Perëndia.”

Presidenti Xhorxh Albert Smith (1870–1951), në Conference Report, prill 1936, f. 13–14, 15.

e ardhshëm. Nefi tha: “Zoti Perëndi më ka premtuar, se këto gjëra që unë po shkruaj, do të mbahen dhe ruhen dhe do t’i kalohen farës sime nga brezi në brez” (2 Nefi 25:21). Vëllai i tij Jakobi, që e pasoi atë, shkroi fjalë të ngjashme: “Pasi, ai tha se historia e popullit të tij duhet të gdhendet mbi fletët e tjera të tij dhe se unë duhet t’i ruaj këto fletë dhe t’ia kaloj farës sime nga brezi në brez” (Jakobi 1:3). Enosi dhe Jaromi të dy treguan se ata gjithashtu po shkruanin jo për njerëzit e tyre por për breza të ardhshëm (shih Enosi 1:15–16; Jaromi 1:2).

Mormoni vetë tha: “Po, unë ju flas juve, mbetjes së shtëpisë së Izraelit” (Mormoni 7:1). Dhe Moroni, i fundit nga shkrimtarët e frymëzuar, në të vërtetë pa ditën dhe kohën tonë. “Vini re”, tha ai, “Zoti më ka treguar gjëra të mëdha dhe të mrekullueshme në lidhje me atë që do të vërtetohet së shpejti, në atë ditë kur këto gjëra të dalin në dritë mes jush.

Vini re, unë ju flas sikur të ishit të pranishëm, por megjithatë nuk jeni akoma. Por vini re, Jezu Krishti ju ka paraqitur tek unë dhe unë i di veprimet tuaja” (Mormoni 8:34–35).

Nëse ata panë ditën tonë dhe zgjodhën ato gjëra që do të jenë me vlerën më të madhe për ne, a nuk është kjo se si ne duhet ta studiojmë Librin e Mormonit? Ne duhet vazhdimisht të pyesim veten: “Përse Zoti e frymëzoi Mormonin (ose Moronin apo Almën) që ta përfshijë atë në shënimet e tij? Çfarë mësimi mundem unë të nxjerr nga ajo që të më ndihmojë të jetoj në këtë ditë dhe epokë?”

Dhe atje ka shembull pas shembulli se si asaj pyetjeje mund t’i jepet përgjigje. Për shembull, në Librin e Mormonit ne gjejmë një model për përgatitjen për Ardhjen e Dytë. Një pjesë kryesore e librit përqendrohet në pak dekada pikërisht para ardhjes së Krishtit në Amerikë. Me studim të kujdesshëm të asaj

periudhe kohore, ne mund të përcaktojmë përse disa qenë shkatërruar në gjykimet e tmerrshme që paraprinë ardhjen e Tij dhe çfarë i solli të tjerët që të qëndrojnë në tempull në tokën e Bauntifullit dhe të vinin duart e tyre në plagët e duarve dhe këmbëve të Tij.

Nga Libri i Mormonit ne mësojmë se si dishepujt e Krishtit jetojnë në kohë lufte. Nga Libri i Mormonit ne shohim ligësitë e lidhjeve të fshehta të portretizuara në grafikë dhe në një realitet tmerrues. Në Librin e Mormonit ne gjejmë mësim për t’u marrë me përndjekjen dhe braktisjen. Ne mësojmë shumë rreth mënyrës se si të bëjmë punë misionare. Dhe më shumë se kudo gjetkë, ne shohim në Librin e Mormonit rreziqet e materializmit dhe të vendosjes së zemrave tona te gjërat e botës. A mundet ndokush të dyshojë se ky libër që caktuar për ne dhe se në të ne gjejmë forcë të madhe, ngushëllim të madh dhe mbrojtje të madhe?

Arsyeja e *tretë* përse Libri i Mormonit është i një vlere të tillë për shenjtorët e ditëve të mëvonshme jepet në të njëjtën deklaratë nga Profeti Jozef Smith cituar më sipër. Ai tha: “Unë u thashë vëllezërve se Libri i Mormonit ishte më i sakti nga ndonjë libër mbi tokë dhe gurthemeli i besimit tonë, dhe se një njeri do t’i afrohet më shumë Perëndisë duke iu bindur porosive të tij, se nga ndonjë libër tjetër”. Ajo është arsyeja e tretë për studimin e librit. Ai na ndihmon ne të afrohem me shumë te Perëndia. A nuk ka diçka thellë në zemrat tona që dëshiron të afrohet më shumë te Perëndia, të jetë më shumë si Ai në ecurinë tonë të përditshme, të ndiejë praninë e Tij me ne vazhdimisht? Nëse është kështu, atëherë Libri i Mormonit do të na ndihmojë të veprojmë kështu më shumë se cilido libër tjetër.

Nuk është thjesht se Libri i Mormonit na mëson neve të vërtetën, edhe pse ai vërtet e bën këtë. Nuk është vetëm se Libri i Mormonit dëshmon për Krishtin, edhe pse vërtet



e bën atë, gjithashtu. Por atje ka diçka më shumë. Ka një fuqi te libri që do të fillojë të vërshojë në jetën tuaj në çastin që filloni një studim serioz të tij. Ju do të gjeni një forcë më të madhe për t'i rezistuar tundimit. Ju do të gjeni forcë të shmangni mashtrimin. Ju do të gjeni forcën që qëndroni në shtegun e ngushtë dhe të ngushtuar. Shkrimet e shenjta quhen “fjalët e jetës” (shih DeB 84:85) dhe askund nuk është ajo më e vërtetë sesa te Libri i Mormonit. Kur filloni të keni uri dhe etje për ato fjalë, ju do ta gjeni jetën në begati gjithnjë e më të madhe.

Vëllai ynë i dashur, Presidenti Marion G. Romney . . . dëshmoi për bekimet që mund të vijnë në jetën e atyre që do të lexojnë dhe studiojnë Librin e Mormonit. Ai tha:

“Unë ndihem i sigurt se nëse, në shtëpitë tona, prindërit do të lexojnë nga Libri i Mormonit plot lutje dhe rregullisht, edhe vetë edhe me fëmijët e tyre, shpirti i atij libri të mrekullueshëm do të vijë të përhapet në shtëpitë tona dhe te të gjithë ata që banojnë atje. Shpirti i nderimit do të rritet; respekti dhe konsiderata e ndërsjelltë për njëri-tjetrin do të

A mundet ndokush të dyshojë se ky libër që caktuar për ne dhe se në të ne gjejmë forcë të madhe, ngushëllim të madh dhe mbrojtje të madhe?

rritet. Shpirti i grindjes do të largohet. Prindërit do të këshillojnë fëmijët e tyre me dashuri dhe urtësi më të madhe. Fëmijët do të jenë më përgjegjës dhe të bindur ndaj këshillës së prindërve të tyre. Drejtësia do të rritet. Besimi, shpresa dhe dashuria hyjnore – dashuria e pastër e Krishtit – do të gëlojnë në shtëpitë dhe jetën tonë, duke sjellë në zgjimin e tyre paqe, gëzim dhe lumturi.”³

Këto premtime – dashuri dhe harmoni më të madhe në shtëpi, respekt më të madh midis prindit dhe fëmijës, shpirtshmëri dhe drejtësi më të madhe – nuk janë premtime bosh, por saktësisht ajo që Profeti Jozef Smith kishte parasysh kur tha se Libri i Mormonit do të na ndihmojë të afrohem me shumë te Perëndia.

Vëllezër dhe motra, unë ju përgjerohem me gjithë zemër që ta shihni me solemnitet të madh rëndësinë e Librit të Mormonit për ju personalisht dhe për Kishën kolektivisht.

Mbi 10 vite përpara unë bëra deklaratën e mëposhtme lidhur me Librin e Mormonit.

“A ka pasoja të përjetshme mbi përgjigjen tonë ndaj këtij libri? Po, qoftë mbi bekimin tonë apo ndëshkimin tonë.

Çdo shenjtor i ditëve të mëvonshme duhet ta bëjë studimin e këtij libri një kërkim gjatë gjithë jetës. Ndryshe ai po e vendos shpirtin e tij në rrezik dhe duke shpërfillur atë që do t'i jepte unitet shpirtëror dhe intelektual gjithë jetës së tij. Ka një dallim midis një të kthyeri që është ngritur mbi shkëmbin e Krishtit nëpërmjet Librit të Mormonit dhe qëndron i kapur pas asaj shufre të hekurt dhe një tjetri që nuk është.”⁴

Unë ripohoj ato fjalë për ju në këtë ditë. Le të mos qëndrojmë në ndëshkim, me kamzhikun dhe gjykimin e tij, duke e trajtuar me lehtësi këtë dhuratë madhështore dhe të mrekullueshme që Zoti na e ka dhënë neve. Më mirë, le të fitojmë premtimet që shoqërohen me ruajtjen e tij si thesar në zemrën tonë.



Ka një fuqi te libri që do të fillojë të vërshojë në jetën tuaj në çastin që filloni një studim serioz të tij.

Te Doktrina e Besëlidhje, seksioni 84, vargjet 54 deri 58, ne lexojmë:

“Dhe mendjet tuaja në të shkuarën janë errësuar për shkak të mosbesimit dhe ngaqë i keni trajtuar me lehtësi gjërat që keni marrë –

Kotësi dhe mosbesim të cilat e kanë sjellë tërë kishën nën dënim.

Dhe ky dënim qëndron mbi fëmijët e Sionit, madje të gjithë.

Dhe ata do të mbeten nën këtë dënim derisa të pendohen dhe të kujtojnë besëlidhjen e re, madje Librin e Mormonit dhe urdhërimet e mëparshme që iu kam dhënë, jo vetëm për t'i thënë, por për të vepruar sipas asaj që kam shkruar—

Që ata të mund të sjellin fryte të përshtatshme për mbretërinë e Atit të tyre; përndryshe aty ngelet një ndëshkim dhe gjykim për t'u derdhur mbi fëmijët e Sionit.”

Që nga konferenca e fundit e përgjithshme, unë kam marrë shumë letra nga shenjtorë, edhe të rinj edhe të vjetër, nga e gjithë bota, që pranian ftesën për ta lexuar dhe studiuar Librin e Mormonit.

Unë jam ngazëllyer nga tregimet e tyre se si jeta e tyre ka ndryshuar dhe se si ata janë afruar më shumë te Zoti si rezultat i zotimit të tyre. Këto dëshmi të lavdishme kanë ripohuar në shpirtin tim fjalët e Profetit Jozef Smith se Libri i Mormonit është vërtetësisht “gurthemeli i besimit tonë” dhe se një burrë dhe një grua do t'i “afrohen më shumë Perëndisë duke iu bindur porosive të tij, se nga ndonjë libër tjetër”.

Kjo është lutja ime, që Libri i Mormonit të mund të bëhet gurthemeli i jetës sonë. ■

Germëzimi dhe gërmat e mëdha të standardizuara.

SHËNIME

1. Një Shpjegim i Shkurtër mbi Librin e Mormonit.
2. Shih faqen e titullit të Librit të Mormonit
3. Marion G. Romney, “The Book of Mormon”, *Ensign*, maj 1980, f. 67.
4. Ezra Taft Benson, “The Book of Mormon Is the Word of God”, *Ensign*, maj 1975, f. 65.

PËR 25 VITE

Edhe pse kam qenë një anëtar besnik i Kishës që prej 1965-ës, një ngjarje e vetme në 1986-ën forcoi dëshminë time për ungjillin e rivendosur më shumë se çdo gjë tjetër.

Në tetor të atij viti unë shkova në kishën time në Kornuoll të Anglisë, për të parë transmetimin e konferencës së përgjithshme. Pasi dëgjova bisedën e shquar të Presidentit Ezra Taft Benson “Libri i Mormonit – Gurthemeli i Besimit Tonë”, unë e dija se mundesha të përmirësohesha në përpjekjet e mia për ta lexuar Librin e Mormonit.

Atë natë unë shkova në shtëpi, rashë në gjunjë dhe bëra besëlidhje me Zotin se unë nuk do ta trajtoj kurrë përsëri Librin e Mormonit me lehtësi. Tani, 25 vite më vonë, unë mund të them se unë nuk kam lënë pa e lexuar Librin e Mormonit asnjë ditë të vetme.

Bekimet që kam marrë nga ky vendim, kanë qenë të panumërta. Ka një shpirt të veçantë në Librin e Mormonit që nuk mund ta gjeni askund tjetër, madje as në libra të tjerë të shenjtë. Unë e kam ndjerë Frymën e Shenjtë më afër, duke më ndihmuar të përjetoj një ndjesi ngushëllimi në të gjitha sfidat e jetës, veçanërisht kur bashkëshortja ime prej afro 50 vjetësh ndërroi jetë në shkurt të 2007-ës.

Alister Xhozef Uelsh, Skoci

Një Punë e Shenjtë

Nga Dejvid A. Feix

Një mbrëmje shoku im misionar dhe unë trokitëm në derën e një të riu që qe një student ndërkombëtar që studionte në një nga universitetet e shumta të Londrës. Ai na ftoi brenda dhe ne shpjeguem që ishim misionarë të Kishës së Jezu Krishtit të Shenjtorëve të Ditëve të Mëvonshme. Ai dukej i etur të mësonte më shumë rreth Rivendosjes së ungjillit, kështu, ne dëshmuam për Profetin Jozef Smith dhe i treguam atij rreth një libri të shenjtë nga Ati ynë Qiellor të quajtur Libri i Mormomit. Ne theksuam se ai ishte i shenjtë, sepse ai dëshmon për Jezu Krishtin.

Ne shpjeguem se ai mund të dinte vetë për vërtetësinë e tij dhe i ofruam t'i jepnim një kopje. Kur po i jepja Librin e Mormomit, ai u ngrit nga karrigia e tij dhe e la dhomën pa thënë asnjë fjalë. Unë e mbajta Librin e Mormomit në dorën time për një çast dhe shoku im dhe unë pamë njeri-tjetrin në një qetësi të sikletshme, duke pyetur veten çfarë të bënim. Unë e vura librin mbi tavolinë.

Ne mundëm të shihnim mikun tonë të ri në kuzhinë duke larë duart dhe duke i fshirë me një peshqir të larë. Ai u kthye në dhomë dhe mori Librin e Mormomit nga tavolina dhe thjesht tha: "Njerëzit e mi gjithmonë i lajnë duart përpara se të prekin diçka të shenjtë". Sytë e mi u përplotën kur vështroja këtë të ri të hapte Librin e Mormomit për herë të parë dhe t'i hapte faqet e tij të shenjta me duart e tij të pastra.

Ai qe pranues ndaj çdo gjëje që ne i mësonim. Kështu përse nuk do ta merrte ai Librin e Mormomit kur unë ia dorëzova atij?

Alma na mësoi se shkrimet e shenjta janë të shenjta dhe janë ruajtur që të sjellin shpirtë në shpëtim. Ai i tha djalit të tij Helamanit: "Dhe tani mbaj mend biri im se Perëndia të ka besuar ty me këto gjëra që janë të shenjta, që ai i ka mbajtur të shenjta dhe gjithashtu që ai do t'i mbajë dhe do t'i ruajë për një qëllim të urtë në të, që të mund t'u tregojë brezave të ardhshëm fuqinë e tij" (Alma 37:14).

Unë isha dërguar në mision për të dhënë mësim ungjillin e rivendosur të Jezu Krishtit, përsëri unë isha që po merrja mësim nga ky i ri me duart e tij të pastra. Në shumë kultura – përfshirë timen – nuk është e nevojshme t'i lash duart përpara se të lexosh shkrimet e shenjta, por gjesti i tij i thjeshtë i respektit ishte një kujtesë nderuese dhe e fuqishme e shenjtërisë së Librit të Mormomit. ■





**Nga Plaku
Uolter F. Gonzáles**

i Presidencës së Të
Shtatëdhjetëve

NËSE JU
VËRTET DONI
TA DINI,

*Unë ndiej mirënjohje të përjetshme
për Librin e Mormonit. Ai e ndryshoi
jetën time përgjithmonë dhe unë e di
se ai mund ta ndryshojë tuajën.*

Ju Do ta Dini

Unë isha 18-vjeç kur u bëra anëtar i Kishës. Libri i Mormonit luajti një rol kyç në kthimin tim. Në atë kohë, unë po kërkoja ide të reja që mund të shpjegonin botën përreth meje. Mbaj mend profesorët e mi të kolegjit që bënë qasje shumë materialiste në mësimdhënien e tyre. Unë fillova ta vras mendjen mbi ide agnostike rreth ekzistencës së Perëndisë.

Një ditë unë vura re një libër në ngjyrë të kaltër që një çift misionarësh e pati lënë në shtëpinë tonë rreth gjashtë vite përpara. Ai ishte Libri i Mormonit. Bashkë me librin ata patën lënë një libërth rreth Profetit Jozef Smith dhe gjithashtu disa udhëzime rreth mënyrës për t'iu lutur Perëndisë.

Unë fillova ta lexoj Librin e Mormonit. Unë pata lexuar vetëm pak vargje në libër, në 1 Nefi, kur ndjeva diçka ndryshe. Fillova të debatoj midis ndjesive të mia dhe intelektit tim. Kështu vendosa ta pyes Perëndinë në lutje.

Kjo ishte hera e parë në jetën time që qeshë lutur në gjunjë. Përvoja që pasoi, u bë një nga më të shenjtat e jetës sime. Një ndjesi

e një lumturie të tillë të papërmbajtur më mbushi ngaqë e dija në zemrën time se Libri i Mormonit ishte më shumë se thjesht një libër. Ai qe një libër me prejardhje hyjnore. Ai duhej të qe fjala e Perëndisë. Më vonë unë arrita të kuptoj se ndjesia ishte Shpirti që dëshmonte për vërtetësinë e tij.

Ndërsa disa mund të kenë përvoja të ngjashme, ka mënyra të ndryshme që njeriu arrin të dijë se Libri i Mormonit është i vërtetë.

Si Do Ta Dini Ju?

1. Disa do ta dinë duke dëgjuar. Ju mund të jeni midis atyre që do ta dinë thjesht duke dëgjuar ato që libri jep mësim. Libri i Mormonit tregon për mijëra që dëgjonin bijtë e Mosias t'u jepte mësim ungjillin e Jezu Krishtit dhe "u kthyen në besim te Zoti" (shih Alma 23:5–6). Misionarë sot japin mësim po atë ungjill që gjendet në Librin e Mormonit. Disa do të dinë se Libri i Mormonit është fjala e Perëndisë thjesht duke dëgjuar të tjerët të ndajnë mësimet e tij.


2. Disa do ta dinë duke lexuar. Ju mund të jeni midis atyre që do ta dinë thjesht duke



lexuar Librin e Mormonit me dëshirë të vërtetë për të ditur të vërtetën. I tillë qe rasti me bashkëshorten time. Ajo qe 12 vjeçe kur mori në zemër udhëzimin për ta lexuar librin nga fillimi në fund. Kur e bëri këtë, ajo e dinte se ai ishte i vërtetë. Ndjesia ishte aq e fortë saqë, ndërsa lexonte, ajo vendosi ta ndiqte Shpëtimtarin përgjithmonë. Ajo ka qëndruar e vërtetë ndaj asaj që ndjeu.

3. *Disa do ta dinë duke vepruar.* Ju mund të jeni midis atyre që do ta dinë thjesht duke bërë gjëra që libri i jep mësim. Disa njerëz i fitojnë dëshmitë e tyre duke vepruar (shih Gjoni 7:17). Nefi, një profet në Librin e Mormonit, e kuptonte mirë këtë parim. Ai shkroi se me qëllim që “t’i bind[te] më plotësisht ata të besonin në Zotin, Shëlbuesin e tyre . . . *i përshtat[i] të gjitha shkrimet e shenjta për ne*, që ato të mund të jenë për përfitimin dhe mësimin tonë” (1 Nefi 19:23; theksimi shtuar). Duke i përshtatur, apo zbatuar, mësimet e Librit të Mormonit në vetë jetën tuaj, ju mundeni gjithashtu, të bindeni për prejardhjen e tij hyjnore.

4. *Disa do ta dinë duke pyetur Perëndinë.* Ju mund të jeni midis atyre që do ta dinë duke lexuar nga Libri i Mormonit dhe pastaj duke pyetur Atin Qiellor në lutje nëse libri është i vërtetë. Kjo është ajo që unë përjetova. Ajo është premtimi sublim i dhënë nga një tjetër profet i Librit të Mormonit, Moroni, për të gjithë kërkuesit e sinqertë të së vërtetës: “Vini re, unë do t’ju këshilloj që kur t’i lexoni këto gjëra . . . që të pyesni Perëndinë, Atin e Amshuar, në emrin e Krishtit, në qoftë se këto gjëra nuk janë të vërteta; dhe në qoftë se ju do të kërkonit me një zemër të sinqertë, me qëllim të vërtetë duke pasur besim në Krisht, ai do t’ju tregojë të vërtetën, nëpërmjet fuqisë së Frymës së Shenjtë” (Moroni 10:3–4). Unë sjell dëshmi se nëse ju e lexoni dhe luteni rreth Librit të Mormonit,



PREMTIMI I MORONIT

Në fund të Librit të Mormonit, një profet i quajtur Moroni, premton që, nëse ne do ta lexojmë Librin e Mormonit, do ta peshojmë mesazhin e tij në zemrën tonë dhe do të pyesim Perëndinë në lutje nëse është i vërtetë, Perëndia do të na përgjigjet nëpërmjet fuqisë së Frymës së Shenjtë (shih Moroni 10:3–5).

Zbulesa vetjake është vetjake. Ajo vjen në mënyra të ndryshme dhe në kohë të ndryshme te secili prej nesh sipas vullnetit të Zotit. Kuptimi i parimeve të më poshtme mund t'ju ndihmojë të arrini ta dini vetë.

1. Mendoni rreth Tij

Përpara se të na ftojë të lutemi, Moroni na fton të peshojmë gjërat. Të peshosh do të thotë të mendosh thellë. Pyesni veten: Si ndihem kur lexoj Librin e Mormonit? Përse ndihem ashtu? Çfarë kam mësuar? A është e mirë?

Zoti ia mësoi këtë parim Oliver Kaudrit: “Ti nuk e more mundimin as për të më pyetur. Por, vër re, unë të them se ti duhet ta studiosh atë tërësisht në mendjen tënde; *më pas* ti duhet të më pyesësh nëse është e drejtë” (DeB 9:7–8; theksimi shtuar).

2. Lutuni me Zell

Qartësimi i mendimeve tona dhe përqendrimi te përgjigjet e qeta të Frymës së Shenjtë kërkon përpjekje mendore. Mundet që është kjo pjesërisht përse Enosi në Librin e Mormonit foli për lutjen e tij si një “përleshje . . . para Perëndisë” (Enosi 1:2).

Kur lexoni, mendoni thellë apo luteni, gjeni kohë dhe vend me sa më pak ngacmues që është e mundur. Gjeni një pozicion që do t'ju ndihmojë të përqendroheni. Të luturit me zell mund të ndihmojë të qartësoni mendimet tuaja.

3. Bëni Pyetje të Drejta

Zoti i tha Oliver Kaudrit që jo thjesht të pyeste, por të pyeste nëse çështja që po trajtonte ishte e drejtë. Shpesh, veçanërisht kur jemi pa përvojë në marrjen e përgjigjeve nga Ati ynë Qiellor, është më e lehtë të kuptojmë përgjigjen për një pyetje të thjeshtë po apo jo.

“Një çelës për lutje të përmirësuar është të mësuarit për të bërë pyetjet e drejta”, na mësoi Plaku Riçard G. Skot i Kuorumit të Dymbëdhjetë Apostujve.¹

4. Çfarë Synoni?

Një nga çelësat e premtimit të Moronit është që ne të pyesim me “qëllim të vërtetë”. Kur ishte 14 vjeç, Jozef Smithi shkoi në pyll për t'u lutur, “ai u lut me synimin që jo vetëm të dëgjonte, por të bindej”, tha Presidenti Henri B. Ajring, Këshilltar i Parë në Presidencën e Parë. “. . . Dhe në sajë të besnikërisë së tij, në ditët dhe muajt, dhe vitet që vinin, lutjet e tij morën përgjigje me vërsim drite dhe të vërtete.”²

5. Mos e Shpërfill Atë

Jo çdo zbulesë është mbresëlënëse. Disa njerëz kanë ëndrra, vegime apo vizita. Por shumica prej nesh do të përfjethen diçka të qetë dhe delikate, të tillë si ngazëllim, ndjesi paqësore.

Presidenti Spenser W. Kimball (1895–1985), Presidenti i 12-të i Kishës, na mësoi: “Nëse pritet për gjëra mbresëlënëse, njeriu mund të mos jetë plotësisht i vetëdijshëm që rrjedha e zbulesës është e përhershme”³.

SHËNIME

1. Riçard G. Skot, “Përdorimi i Dhuratës Hyjnore të Lutjes”, *Liahona*, maj 2007, f. 8.

2. Henri B. Eyring, “Prayer”, *Liahona*, janar 2002, f. 18.

3. *Teachings of Presidents of the Church: Spencer W. Kimball* (2006), f. 241.



NJË PROFET DËSHMON

“Libri i Mormonit është fjala e Perëndisë. Unë ju ftoj ta lexoni

këtë dokument të mrekullueshëm. Ai është vëllimi më i mrekullueshëm që ekziston sot. Lexojeni me kujdes e plot lutje dhe, duke bërë këtë, Perëndia do t'ju japë dëshmi për vërtetësinë e tij siç është premtuar nga Moroni (shih Moroni 10:4).”

Presidenti Hauërd W. Hantër (1907–1995), *The Teachings of Howard W. Hunter*, red. Clyde J. Williams [1997], f. 54.



NJË PROFET DËSHMON

“Unë jam që kam marrë nga Zoti zbulesën më të fortë

lidhur me të vërtetën e [Rivendosjes, përfshirë Librin e Mormonit]. Ajo shfaqje që me mua fuqishëm për orë të tëra; dhe sido që të krijohen rrethanat në jetën time, për aq sa kujtesa ime vazhdon, kjo dije e përkryer do të mbetet me mua.”

Presidenti Lorenzo Snou (1814–1901), në *Conference Report*, tetor 1900, f. 61.

duke ndjekur udhëzimet e Moronit, ju do ta dini se ai është i vërtetë.

Perëndia Ka Premtuar se Ju do ta Dini

Nëse ju vërtet doni ta dini, ju do të arrini ta dini se Libri i Mormonit është i vërtetë. Perëndia ka premtuar t'ua japë këtë dijeni kërku- esve të ndershëm të së vërtetës dhe Ai është “një Perëndi i së vërtetës dhe nuk mund të gënjejë” (Ethëri 3:12).

Një profet tjetër i Librit të Mormonit, Alma, i mësoi djalit të tij se Perëndia pati premtuar se Ai “do [ta] ruante [këtë libër] për një qëllim të urtë në të, që ai të mund t'u tregojë brezave të ardhshëm fuqinë e tij. Dhe tani vër re, një qëllim ai ka plotësuar, madje rikthimin e shumë mijëra . . . në njohurinë e së vërtetës; dhe ai tregoi fuqinë e tij në to dhe ai gjithashtu do të tregojë gjithnjë fuqinë e tij në to për brezat e ardhshëm; prandaj [ky libër] do të ruhet” (Alma 37:18–19).

Po ajo forcë bindëse gjendet sot në këtë vëllim të pashoq shkrimi të shenjtë dhe Zoti do t'ia tregojë atë kujtdo që kërkon me sinqeritet ta dijë. Unë mund ta them këtë me siguri kur shoh prapa në ato ditë kur isha duke mësuar rreth Kishës. Sot, në saje të forcës bindëse të Librit të Mormonit, unë dëshmoj se Libri i Mormonit është fjala e Perëndisë, se ai jep mësim se Jezusi është Krishti, Mesia i Shenjtë. Libri është një provë e prekshme se Rivendosja e ungjillit të Tij ka zenë vend dhe se Jozef Smithi është një profet i Perëndisë.

Nëse ju jeni midis atyre që kërkojnë sinqerisht të vërtetën, Zoti ka premtuar se ju do ta dini. Ju mund të arrini ta dini duke dëgjuar mësimdhëniet e librit, duke lexuar librin, duke bërë atë që libri jep mësim, duke u lutur për të ditur për vërtetësinë e tij ose me një lidhje të këtyre elementëve. Por ju do ta dini. ■

NGA E DI

Edhe pse isha pagëzuar në moshën nëntëvjeçare, familja ime nuk qe aktive në Kishë. Por kur u bëra 13 vjeç, misionarët më ftuan të merrja pjesë në kishë dhe unë veprova ashtu. Unë gjithashtu merrja pjesë në seminar. Kursi i studimit ishte Doktrina e Besëlidhje, që dukej ngatërruese për mua. Veçanërisht u përpoqa me Jozef Smithin dhe Librin e Mormonit. Doja të gjeja Perëndinë, por vetëm nuk isha i sigurt si dhe ku.

Gjatë kohës mendoja shumë rreth bisedave me misionarët. Mendoja rreth seminarit. Mendoja rreth bisedave që kisha pasur me anëtarë të feve të tjera të krishtera. Me raste lutesha për të ditur çfarë qe e drejtë, por ajo qe më shumë mendim i rastit sesa pyetje e sinqertë. Mandej, një natë vendosa të lutem me “qëllim të vërtetë”.

Unë i tregova Atit Qiellor se doja ta njihja Atë dhe të isha pjesë e Kishës së Tij të vërtetë. Unë premtova: “Nëse Ti do të më lejtosh ta di nëse Jozef Smithi është

një profet i vërtetë dhe nëse Libri i Mormonit është i vërtetë, unë do të bëj gjithçka që Ti do që unë të bëj. Nëse Kisha e Jezu Krishtit e Shenjtorëve të Ditëve të Mëvonshme është Kisha e vërtetë, unë do ta ndjek atë dhe kurrë nuk do të heq dorë.”

Unë nuk pata shfaqje mbresëlënëse, por unë u ndjeva në paqe dhe shkova në shtrat. Disa orë më vonë unë u zgjova me një mendim të qartë: “Jozef Smithi është një profet i vërtetë dhe Libri i Mormonit është i vërtetë”. Mendimi shoqërohej nga një paqe e papërshtueshme. Unë rashë të fle përsëri, vetëm për t'u zgjuar më vonë saktësisht me po atë mendim dhe ndjenjë.

Që nga ajo kohë, unë nuk kam dyshuar kurrë se Jozef Smithi është një profet i vërtetë. Unë e di se kjo është puna e Shpëtimtarit dhe se Ati Qiellor do t'u përgjigjet kërkesave tona të sinqerta.

Rodolfo Armando Pérez Bonila, El Salvador


NJË ZË

NGA PLUHURI

Libri i Mormonit i thotë të vërtetën botës në kohën tonë.

Le të sjellë dritë dhe të vërtetë në jetën tuaj.

(Shih Moroni 10:27.)



NJË Zjarr që Digjet BRENDA MEJE

Dita që ai mësoi të lexonte është gjithashtu dita kur Eduardo fitoi një dëshmi për Librin e Mormonit dhe fuqinë e tij.

Nga Majkëll R. Morris

Revista të Kishës

“Gjyshi im e kishte zakon të thoshte: ‘Nëse duam të bëhemi dikush, ne duhet të mësojmë të lexojmë’”, thotë Eduardo Kontrerasi. “Gjyshi im kishte të drejtë.”

Për Eduardon, gjithsesi, rruga drejt leximit ishte një rrugë e gjatë. Si një nga pesë fëmijët e edukuar nga nëna e tij e ve në qytetin e Kordovas, në Argjentinë, ai e la shkollën kur qe tetë vjeç dhe shkoi të punonte për të ndihmuar në mbajtjen e familjes së tij.

“Ne ishim shumë të varfër”, kujton ai. Për të ndihmuar që llogaria t’iu dilte, Eduardo lustronte këpucë, bënte tulla, mbledhte patate, shiste gazeta dhe merrte punë të rastit derisa, si i ri, ai gjeti punë kohëplotë në administratën e qytetit.

Me kalimin e viteve Eduardo u martua dhe krijoi familjen e vet. Në kohën kur shumica e pesë fëmijëve të tij filluan ta lënë shtëpinë, ai ende nuk mund të lexonte dhe kishte pak shpresë se si do të mësonte ndonjëherë. Ajo ndryshoi një ditë kur ai përzuri disa djem vendas që po ngacmonin dy misionarë shenjtore të ditëve të mëvonshme përpara shtëpisë së tij. Ai i ftoi brenda misionarët dhe pa kaluar shumë ai dhe bashkëshortja e tij, Maria, po merrnin mësimet.



Për Eduardo Kontrerasin, fotografuar sipër me bashkëshorten e tij, Maria, Libri i Mormonit qe dera për te shkrim-këndimi. “Unë ndiej Shpirtin sa herë që e hap për ta lexuar”, thotë ai.

“Unë kalova një periudhë të vështirë për të kuptuar ndonjë gjë nga ato që thoshin ata, sepse ata flisnin pak spanjisht”, kujton Eduardo, “por ata më treguan një libërth që pati piktura të Shpëtimtarit dhe të Profetit Jozef Smith në Korijen e Shenjtë. Unë mendova se pikturat që ata na tregonin dhe gjërat që na mësonin, qenë të bukura.”

Shpejt ata misionarë u zëvendësuan nga të tjerë, përfshirë një folës vendas të spanjishtes. Eduardo dhe Maria, që patën humbur një bijë të vogël nga vdekja disa vite më parë, qenë prekur nga filmi i Kishës *Familjet Janë Përgjithmonë*. Ata, bashkë me djalin e tyre më të vogël, Osvaldon, shpejt u pagëzuan.

Me pagëzimin e Eduardos në 1987-ën, lindi një dëshirë për ta forcuar dëshminë e tij duke lexuar Librin e Mormonit. “Si mund të mësoj të lexoj?” e pyeti bashkëshorten e tij. Maria i tha të shohë geramat, t’i vendosë së bashku në mendjen e tij, të përpiqet t’i shqiptojë fjalët dhe pastaj të përpiqet të lexojë me zë të lartë. Me praktikë, e siguroi ajo, do të mësonte më në fund të lexonte.

Eduardo, atëherë 45 vjeç, i dinte tingujt e shumë germave, por ai nuk pati provuar të lexonte që nga koha që e la shkollën afro katër dekada përpara.



NJË BURIM FRYMË- ZIMI DHE FUQIE

“Çfarë do të thotë Libri i Mormonit për ju? A ka qenë ai një burim frymëzimi dhe fuqie në jetën tuaj? A do të vazhdojë të jetë?”

Nëse ju nuk keni marrë pjesë ende thellësisht në këtë burim të vërtetë të pastër, me të gjithë shpirtin tim ju nxis ta bëni këtë tani. Mos lejoni që studimi i vazhdueshëm i Librit të Mormonit të jetë një nga gjërat që doni ta bëni, por kurrë nuk e realizoni plotësisht. Filloni sot.”

Plaku Rıçard G. Skot i Kuorumit të Dymbëdhjetë Apostujve, “The Power of the Book of Mormon in My Life”, *Ensign*, tetor 1984, f. 11.

Unë Ndjeva një Zjarr

Me lutje në zemrën e tij, Eduardo u ul një ditë të nxehtë vere në një vend me hije në kopshtin prapa shtëpisë së tij. “Atje”, thotë ai, “unë vendosa ta bëj përpjekjen.”

Maria thotë se ajo kurrë nuk do ta kishte imagjinuar atë që ndodhi më pas. Ndërsa po punonte në kuzhinë, ajo dëgjonte rastësisht ndërsa Eduardo përpiquej të shqiptonte geramat dhe fjalët. “Befas e dëgjova të flasë shpejt”, thotë ajo. “Unë mbajta vesh dhe kuptova se ai po lexonte – rrjedhshëm. Pati kaluar më pak se një gjysmë ore dhe ai po lexonte!”

Eduardo qe aq i zhytur në përpjekjen e vet, saqë nuk pati kuptuar se po lexonte. Por ndërsa lexonte, ai kujton: “Unë ndjeva një zjarr brenda meje”. I trembur dhe i befapsuar, Eduardo i thirri bashkëshortes së tij: “Mami, çfarë po ndodh me mua?”

“Është Shpirti i Zotit”, u përgjigj Maria. “Ti po lexon rrjedhshëm!”

Duke kujtuar përjetimin, Maria thotë: “Ishte diçka që ne nuk mundemi kurrë ta mohojmë”.

Eduardo shton: “Dita që unë mësova të lexoj, është gjithashtu dita kur fitova një dëshmi për Librin e Mormonit dhe fuqinë e tij”.

Që atëherë, Eduardo filloi të ngrihej në orën 4:00 në mëngjes për të lexuar Librin e Mormonit përpara se të shkonte në punë. Ai pastaj lexoi Doktrinën e Besëlidhjen, pasuar nga Bibla. Ka tani një bibliotekë në shtëpinë e Kontrerasve, ku pak libra gjendeshin përpara 1987-ës.

Ndërsa njohuria e Eduardo dhe e Marias për ungjillin rritej, kështu ndodhte edhe me dëshminë e tyre. Kur biri i tyre Osvaldo vdiq pas një aksidenti rrugor në 2001-shin, dëshmitë e tyre – bashkë me përjetime të fuqishme shpirtërore gjatë lutjes në Tempullin e Buenos Ajresit në Argentinë, ku ata dhe Osvaldoja qenë vulosur – i ndihmuan ta përballonin humbjen e tyre.

“Ndoshta disa prindër do të qenë çmendur”, thotë Eduardo, “por ne ndjemë një qetësi që thoshte, ‘biri juaj është

mirë’. Sigurisht ne qamë. Ai qe një bir i mirë dhe ne na merr malli për të. Por ne jemi vulosur në tempull dhe ne e dimë ku është ai.”

Drita e Shkrim-Këndimit

Në sajë të përkujdesit nga një anëtar i lagjes së tij, Eduardo mësoi gjithashtu të shkruante. “Përpara”, thotë ai, “unë nuk mund as të hidhja firmën time.”

Me dritën e shkrim-këndimit, Eduardo arriti të kuptonte vërtetësinë e fjalëve të gjyshit të tij.

“Ne jemi këtu në tokë që të mund të përparojmë pak më shumë çdo ditë”, thotë ai. Duke mësuar të lexojë e shkruajë, shton ai, ai po u tregon fëmijëve dhe nipërve e mbesave të tij se nuk është kurrë tepër vonë për të mësuar, për t’u përmirësuar dhe për t’u bërë siç Perëndia na do të bëhemi. “Ngaqë mund të lexoj, unë mësoj çdo ditë diçka të re”, thotë ai.

Sot Vëllai Kontreras mund të lexojë gjithçka që do të lexojë, përfshirë gazetatat që ai dikur i shiste si fëmijë anal-fabet. Shkrimet e shenjta mbeten librat e tij të parapëlqyer, veçanërisht Libri i Mormonit. Ai e ka lexuar atë nga fillimi në fund tetë herë.

“Për mua Libri i Mormonit qe dera”, thotë ai, ende mirënjohës për mënyrën se si shkrim-këndimi dhe ungjilli e ndryshuan jetën e tij. “Libri i Mormonit qe gjithçka për mua. Ai është gjithçka për mua. Unë ndiej Shpirtin sa herë që e hap për ta lexuar.” ■

KU MUND TË GJEJ PËRGJIGJE?

Kur qeshë 21 vjeçe, misionarë nga Kisha e Jezu Krishtit e Shenjtorëve të Ditëve të Mëvonshme po jepnin mësim në klasa të anglishtes në zonën time në Rusi. Fillimisht mora pjesë për mësimin gjuhë, por shpejt fillova të qëndroj më gjatë për mendime shpirtërore që pleqtë ndanin pas orës së mësimin, dhe t'u bëja pyetje.

Unë qeshë rritur në fenë mbizotëruese të vendit tim, por unë pata plot pyetje fetare pa përgjigje. Misionarët dhe anëtarët e Kishës së tyre patën përgjigje për pyetje që askush në të kaluarën nuk pati qenë i aftë t'i japë dhe të më kënaqë.

Duke u ndier veçanërisht pa drojë pas një ore anglishteje, unë u kërkoja misionarëve një kopje të librit të tyre, të Librit të Mormonit. Por kur shkova në shtëpi, unë e lashë atë të palexuar në një raft.

Ai nuk qëndroi gjatë atje, gjithsesi. Unë pata dëgjuar anëtarë të Kishës që merrnin pjesë në mësimin e anglishtes, të thoshin se shkrimet e shenjta kishin zgjidhje për problemet. Kështu kur u përballa me sfida apo probleme vetjake, unë mora Librin e Mormonit nga rafti dhe fillova të lexoj. Vazhdimisht, unë gjeja përgjigje – llojin e përgjigjeve që më tregonin saktësisht çfarë duhej të dija.

Në atë pikë fillova të ndiej se unë nuk mund të jetoja pa Kishën. Unë qeshë atje ku doja të isha. Ishte atje ku ndieja se i përkisja.

Përsëri, unë doja të isha e sigurt duke pyetur Perëndinë. Problemi

Një mbrëmje unë rrëshqita vetë në kuzhinë – e veçuar lehtas nga pjesa tjetër e shtëpisë sonë – dhe pyeta Atin Qiellor nëse Kisha ishte e vërtetë.

ishte se unë jetoja në një apartament të vogël me një dhomë që e ndaja me pronaren time të shtëpisë, një grua e moshuar dhe atje nuk kishte vend privat për mua që të lutesha. Por një mbrëmje unë rrëshqita vetë në kuzhinë – e veçuar lehtas nga pjesa tjetër e shtëpisë sonë – dhe pyeta Atin Qiellor nëse Kisha ishte e vërtetë. Unë mora një ndjesi të tillë të fortë në përgjigje që e dija se çfarë duhej të bëja.

Unë u pagëzova pak më vonë dhe

koha ime si anëtare e Kishës ka qenë më e lumtura e jetës sime. Ndërsa më parë pata pyetje, tani unë kam përgjigje. Ndërsa më parë ndieja zbrazëti, tani ndiej plotësi.

Unë jam mirënjohëse që Ati Qiellor nuk na ka lënë ne pa përgjigje. Unë e di se Ai do të na flasë ne, edhe nëpërmjet lutjes edhe nëpërmjet shkrimeve të shenjta. ■

Olga Ovçarenko, Rrethi i Sverdlovskut, Rusi



UNË NDJEVA NJË ZJARR BRENDA

Unë u rrita duke marrë pjesë në Shkollën e së Dieles në një kishë ngjitur me derën e shtëpisë sime të fëmijërisë në Miçigan, SHBA. Unë pata një mësuese të mrekullueshme që më mbushte me dashuri për Jezu Krishtin.

Çdo javë ajo nxirrte letra që ilustronin ngjarjet nga shërbesa e Shpëtimtarit në vdekshmëri, përfshirë parimet që Ai dha mësim dhe mrekullitë që Ai kreu. Çdo javë unë i ngjisja letrat në një album dhe i rilexoja historitë në Bibël. Kur u rrita më shumë, unë vazhdova ta studioj ungjillin në Dhiatën e Re.

Vite më vonë, gjatë verës së 1968-ës, misionarë nga Kisha e Jezu Krishtit e Shenjtorëve të Ditëve të Mëvonshme vizituan shtëpinë e një anëtareje familjeje. Ajo nuk e pranoi ftesën e pleqve që të mësonte rreth Kishës, por i dërgoi ata te shtëpia ime.

Në takimin e parë misionarët më mësuat se “rënia” pati ndodhur me Kishën që Jezu Krishti pati krijuar (shih 2 Thesalonikasve 2:3). Ajo që ata dhanë mësim përputhej me studimin tim vetjak, kështu që kur ata pyetën nëse mund të më vizitonin përsëri, unë pranova.

Gjatë vizitës tjetër të tyre, unë pata një listë pyetjesh. A pagëzojnë shenjtorët e ditëve të mëvonshme nëpërmjet zhytjes? A besojnë ata në autoritetin e priftërisë? A besojnë ata në shërimin e të sëmurëve? Përgjigjet e tyre mbështesnin ato që pata

studiuar në Dhiatën e Re. Në fund të vizitës, ata më lanë një libër që ata thanë se dëshmonte për Jezu Krishtin.

Unë e vendosa librin mbi televizor dhe shkova në shtrat. Por në mes të natës, unë u zgjova nga një ndjenjë e fortë që më vonë e njoha si Fryma e Shenjtë. Unë u ndjeva e nxitur që të filloja leximin, kështu, unë lexova për një orë e gjysmë përpara se të kthehesha në shtrat. Pak më vonë, unë u zgjova përsëri me të njëjtën ndjesi, kështu që lexova edhe më.

Ky model vazhdoi gjatë dy netëve të tjera. Unë e doja atë që po lexoja dhe dallova se Libri i Mormonit dëshmonte për Jezu Krishtin.

Unë vendosa të pyes Perëndinë për drejtim. Për herë të parë që kur qeshë një vajzë e vogël, unë u gjunjëzova për t’u lutur. Unë i kërkoja Atit Qiellor të më ndihmonte të dija çfarë të bëja me zjarrin që ndieja brenda meje. Kur unë mbarova lutjen time, u ndjeva e nxitur të rishikoja tregimin e kthimit të lamanitëve në 3 Nefi 9. Unë lexova se ata “u pagëzuan me zjarr dhe me Frymën e Shenjtë dhe ata nuk e dinin” (vargu 20).

Fjalja “ata nuk e dinin” foli për mua. Më erdhi mendimi: “Kisha e Jezu Krishtit vërtet është në tokë!” Unë isha e etur të flisja me misionarët rreth asaj që pata lexuar dhe asaj që tani e dija. Por kur ata iu përgjigjën pyetjeve të mia me një ftesë për t’u pagëzuar, unë u thashë se nuk mundesha. Bashkëshorti im nuk do ta kuptonte.

Ndërsa vazhdoja të mendoja rreth atij vargu, gjithsesi, unë kuptova se ai përmbante udhëzime të qartë për mua që të ofroja

sakrificën e “një zem[re] të thyer dhe një shpirt[i] të penduar”. Unë u luta dhe i kërkoja Atit tim në Qiell që të më ndihmonte, gjë që Ai e bëri. Pasi bashkëshorti im mori mësimet nga misionarët, ai dha pëlqimin për mua që të pagëzohesha.

Sa mirënjohëse jam ndaj një Ati të dashur Qiellor për atë përjetim të çmuar dhe të fuqishëm që pata si nënë e re në leximin e Librit të Mormonit. Ai më çoi mua tek ungjilli i rivendosur i Jezu Krishtit. Si rrjedhim, ndikimi i Frymës së Shenjtë që ndjeva ato netë në 1968-ën tani është një dhuratë e përhershme – diçka që më ka udhëhequr gjatë më shumë se 40 viteve të mia si anëtare e Kishës. ■
Klaudia Uilliams, Florida, SHBA

Unë e vendosa librin mbi televizor dhe shkova në shtrat. Por në mes të natës, unë u ndjeva e nxitur të filloj leximin.



LIBRI I MORMONIT MË FOLI MUA

Kur fëmija ynë më e vogël, Amanda, ishte dy vjeçare, ajo u diagnostikua me leuçemi. Rasti i saj qe i vështirë dhe kanceri i saj nuk u zvogëlua pas kimioterapisë. Asaj iu desh pastaj të bënte një transplant të palcës kurrizore.

Ndërsa bashkëshorti im dhe dy djemtë qenë në shtëpi në Jutë, unë qëndroja me Amandën në një shtet tjetër nga shtatori deri në gjysmën e parë të janarit. Ne nuk arritëm të festonim krishtlindjet së bashku, por me mbarimin e trajtimit, u kthyem në shtëpi.

Në vizitën tonë të parë në spital për një kontroll të përgjithshëm pas kthimit në shtëpi, mjekët përsëri gjetën leuçemi në qelizat e gjakut të Amandës. Transplanti pati dështuar. Duke dëgjuar këto, unë u ndjeva sikur po dërrmohesha. Familja jonë pati kaluar përmes shumë shqetësimesh, pune, ndarjeje dhe kohësh të vështira.

Tani ne do ta humbisnim bijën tonë sidoqoftë.

Unë u ktheva në shtëpi atë pasdite te dy bijtë e mi. Ndërsa po prisnim për bashkëshortin tim të vinte në shtëpi nga puna, ne nxorëm kopjet tona të Librit të Mormonit dhe filluam të lexonim. Ne ishim te 2 Nefi 9. Ndërsa po lexonim, fjalët e mëposhtme më folën:

“Unë ju flas këto gjëra që ju të gëzoheni dhe të ngrini kokat përgjithmonë, për shkak të bekimeve që Zoti Perëndi do të vendosë mbi fëmijët tuaj.

Pasi unë e di që shumë prej jush kanë kërkuar shumë të dinë për gjërat që do të vijnë; prandaj, unë e di se ju e dini që mishi ynë duhet të vjetërohet dhe të vdesë; megjithatë, në trupat tanë ne do të shohim Perëndinë. . . .

Pasi, sikurse vdekja ka kaluar mbi të gjithë njerëzit, për të plotësuar

planin e mëshirshëm të Krijuesit të madh, duhet patjetër të jetë një fuqi e ringjalljes. . . .

O sa e madhe mirësia e Perëndisë sonë, që përgatit një udhë për udhëdaljen tonë nga kapja e këtij përbindëshi të tmerrshëm; po, ai përbindësh, vdekja. . . .

Dhe ai vjen në tokë, që ai të mund të shpëtojë të gjithë njerëzit, në qoftë se ata do ta dëgjojnë zërin e tij; pasi vini re, ai vuan dhembjet e të gjithë njerëzve, po, vuajtjet e çdo krijese të gjallë, si burra, gra ashtu edhe fëmijë, që bëjnë pjesë në familjen e Adamit.

Dhe ai e vuan këtë, që ringjallja të vijë mbi të gjithë njerëzit, që të gjithë të mund të qëndrojnë para tij, në ditën e madhe të gjykimit” (2 Nefi 9:3–4, 6, 10, 21–22).

Ndërsa lexoja këto vargje, Fryma e Shenjtë mbushi dhomën. Unë ndjeva se Ati im Qiellor e dinte lajmin që pata marrë atë ditë. Unë ndjeva se fjalët që profeti Jakob pati shkruar më shumë se 2.000 vite përpara, qenë shkruar për mua atë ditë dhe erdhën drejtpërdrejt nga Shpëtimtari. Ai e dinte dhimbjen dhe dëshpërimin që ndieja pasi dëgjova se bija jonë mund të vdiste. Dhe Ai qe atje për ta ngushëlluar familjen tonë me premtimin e Tij se Ai pati përgatitur një mënyrë që një ditë, nëpërmjet fuqisë së Ringjalljes, “në trupin tonë ne do të shohim Perëndinë”.

Amanda jetoi për gati një vit tjetër, por ne nuk e kemi harruar kurrë atë ditë kur fjalët e Librit të Mormonit më folën mua në atë nevojë dhe Zoti më dha shpresë, ngushëllim dhe kuptim për planin e Tij. ■

Xhina Beird, Jutë, SHBA

Ndërsa lexoja, Fryma e Shenjtë mbushi dhomën. Unë ndjeva se Ati im Qiellor e dinte lajmin që pata marrë atë ditë.



UNË E VURA NË PROVË PREMTIMIN E MORONIT

Disa vite përpara unë isha te shtëpia e një miku kur takova dy të rinj të veshur mirë që u paraqitën si misionarë shenjtorë të ditëve të mëvonshme. Unë mendova se ishte e çuditshme që ata patën bërë gjithë atë rrugë për në Itali për të kthyer njerëz që tashmë besonin te Shpëtimtari.

Më vonë u kërkoja të vinin në shtëpinë time. “Nëse doni, ju mund të vini të më vizitoni për një shkëmbim kulturor”, u thashë. “Por mos mendoni se do t’i ndërroj besimet.”

Kur ne u takuam mbrëmjen tjetër, misionarët folën për Librin e Mormonit. Unë e mendoja të çuditshme që nuk pata dëgjuar më parë për të. Unë i ftova të vinin përsëri, por pas një vizite të dytë bashkëshortja ime, Ana Maria, krijoi bindjen se ata qenë të krisur dhe do të largohej nga shtëpia gjatë diskutimeve tona. Misionarët dukeshin pak të pazakontë për mua gjithashtu, por unë isha kurioz të dija çfarë kishin për të thënë dhe vijova të takohem me ta.

Një natë kur Ana Maria erdhi në shtëpi, ajo na dëgjoi duke biseduar rreth martesës së përjetshme. Kjo i interesoi së tepërmi asaj dhe ne vendosëm që t’i fillonim diskutimet përsëri së bashku. Ajo kishte një njohuri të mrekullueshme për shkrimet e shenjta dhe gjithmonë kishte një listë të gjatë me pyetje. Pleqtë iu përgjigjën disave prej tyre drejtpërdrejt, por të tjerave iu desh të shkonin në shtëpi dhe të kërkonin. Çdo javë

Unë e pyeta Atin Qiellor: “A është i vërtetë Libri i Mormonit, dhe nëse është kështu, kur duhet të pagëzohem?”

pa mungesa ata ktheheshin me përgjigjet dhe çdo javë Ana Maria kishte një listë tjetër pyetjesh.

Pak pasi ne patëm mbaruar diskutimet, Ana Maria më befaso i duke kërkuar lejen time që të pagëzohej. Unë i thashë se nuk kisha asgjë kundër kësaj nëse ajo vërtet që kthyer në besim. Unë mora pjesë në pagëzimin e saj më 5 mars 1995, duke shijuar një ndjesi të mrekullueshme gjatë shërbesës.

Unë vazhdova të lexoj gjerësisht rreth Kishës dhe misionarët vazhduan të më nxisin. Më në fund unë vendosa ta vë në provë premtimin e Moronit (shih Moroni 10:4–5). Unë doja të dija nëse Libri i Mormonit erdhi nga Perëndia apo nëse që vetëm një roman i bukur.

Një ditë në qershorin e 1995-ës unë isha vetëm në shtëpi, u gjunjëzova te këmbët e shtratit tim dhe pyeta Atin Qiellor: “A është i vërtetë Libri i Mormont, dhe nëse është kështu, kur duhet të pagëzohem?” Befas unë

ndjeva në zemër dhe në mendje një zë të qartë që më tha: “Libri i Mormonit është i vërtetë”. Unë atëherë pata një përshtypje të qartë kur duhej të pagëzohesha. Një javë më vonë unë u luta përsëri dhe mora të njëjtën përgjigje. Zemra ime po shpërthente me gëzim. Unë tani e dija se Perëndia më pati folur: Libri i Mormonit që frymëzuar nga Perëndia dhe Jozef Smithi që një profet i vërtetë.

Më në fund, më 17 shtator 1995, unë u futa në ujërat e pagëzimit, një vit e gjysmë nga koha kur fillova të takohem me misionarët. Shpejt bijësonë, Aba Kiarës, iu ngjall interesi për Kishën dhe u pagëzua gjithashtu. Në janar të 1997-ës familja jonë që vulo-sur në Tempullin e Bernës në Zvicër.

Ne e dimë se kjo është Kisha e vërtetë, e drejtuar nga Jezu Krishti nëpërmjet një profeti dhe priftërie. Ne i jemi mirënjohës Zotit për dashurinë e Tij, që na çoi te misionarët dhe për njohurinë tonë për ungjillin. ■
Françesko Ferrarezi, Lombardi, Itali

Çdo Gjuhe dhe Populli

Nga Lia Mak-Klanahan

Revistat e Kishës

Kur profeti Alma i Librit të Mormonit ia besoi analet e popullit të tij birin të tij, Helamanit, ai e udhëzoi birin e tij të kujtonte se Zoti pati “një qëllim të urtë” për t’i ruajtur shkrimet e shenjta (Alma 37:12). Ai tha për analet: “Ato duhet të mbahen dhe të kalojnë nga një brez në tjetrin, të mbahen dhe të ruhen nga dora e Zotit, derisa ato të shkojnë në çdo komb, fis, gjuhë dhe popull” (Alma 37:4).

Në 1827-ën Jozef Smithi i siguroi ato anale dhe në 1829-ën i pati përfunduar së përkthyeri në anglisht me anë të dhuratës dhe fuqisë së Perëndisë. Libri, i botuar në 1830-ën, qe një mjet i fuqishëm misionar për të bindur lexuesit për vërtetësinë e ungjillit të Jezu Krishtit. Me një botim fillestar prej 5.000 kopjesh, gjithsesi, dërgimi i Librit të Mormonit te “çdo komb, fis,

gjuhë dhe popull” mund të jetë dukur shumë larg.

Përsëri, Zoti e ripohoi këtë profeci te Jozef Smithi në 1833-shin, duke parathënë një ditë kur “çdo njeri do ta dëgjojë plotësinë e ungjillit në gjuhën e tij dhe në të folurën e tij” (DeB 90:11). Libri i Mormonit, që “përmban . . . plotësinë e ungjillit të Jezu Krishtit” (DeB 20:9), po luan një rol kyç në përmbushjen e kësaj profecie.

Në mesin e viteve 1800, misionarët e çuan ungjillin në Europë. Libri i Mormonit u botua në danisht në 1851-shin, pasuar nga botimet në frëngjisht, gjermanisht, italisht dhe uellsisht në 1852-shin. Sot Libri i Mormonit i plotë është i disponueshëm në 82 gjuhë, me kapituj të zgjedhur në 25 gjuhë të tjera. Profecia se të gjithë popujt do të dëgjojnë ungjillin në vetë gjuhën e tyre po shpaloset



Botimi i parë i Librit të Mormonit pati një tirazh prej 5.000 kopjesh.

vit pas viti ndërsa puna përkthyesë dhe misionare përparojnë.

Puna e Përkthimit

Procesi i përkthimit të Librit të Mormonit nga anglishtja në një gjuhë të re ndonjëherë kërkon vite që të plotësohet. Procesi fillon vetëm pasi Presidenca e Parë dhe Kuorumi i Dymbëdhjetë Apostujve kanë miratuar projektin dhe ka mjaft anëtarë që janë folës vendas të gjuhës për të shërbyer si përkthyes. Përkthyesve dhe redaktorëve u jepen udhëzime të kujdesshme dhe porositen të qëndrojnë pranë Shpirtit gjatë përkthimit. Pasi përkthimi përfundon, teksti

shkon nëpër një proces të veçantë rishikimi kishtar.

Pas botimit, anëtarët mund të porosisin botimin e ri nëpërmjet Shërbimeve të Shpërndarjes. Shumë nga këta anëtarë më parë kanë pasur vetëm kapituj të zgjedhur të Librit të Mormonit në gjuhën e tyre, ose në disa raste, vetëm dëshminë e misionarëve.

Libri i Mormonit dhe Puna Misionare

Kur një zonë gjeografike hapet për herë të parë ndaj punës misionare, pengesat gjuhësore mund të paraqesin një sfidë të rëndësishme. Pa materiale të shtypura të Kishës në gjuhën e asaj zone, misionarët duhet ta mësojnë gjuhën dhe të sjellin dëshmi me Shpirtin. Në disa pjesë të botës, shumë njerëz flasin një gjuhë të dytë dhe misionarët janë në gjendje t’u japin atyre një Libër të Mormonit në atë gjuhë. Përpara se Libri i Mormonit të qe përkthyer në mongolisht, për shembull, shumë anëtarë në Mongoli studiuan botimin rusisht.

Por ungjilli kuptohet më mirë në shpengimin dhe qartësinë e gjuhës së nënës. Erik Xhemel, që shërbeu në Misionin e



NJË PROFET DËSHMON

“Unë nuk mund ta kuptoj se si cilido burrë i mençur mund të mendojë se dikush pa ndihmën e Zotit mund të ketë krijuar Librin e Mormonit, që ka qenë i disponueshëm tani për më shumë se njëqind vjet dhe nuk është zhvlerësuar gjatë gjithë asaj periudhe kohe, pavarësisht nga përqeshja që është bërë kundër tij, për një arsye apo një tjetër. Sot ai libër, që qe përkthyer nga Jozef Smithi si mjet i Zotit, del suprem. Ai është sot, misionari më i madh që ne kemi për të shpallur këtë ungjill; nuk ka asgjë tjetër që të krahasohet me të.”

Presidenti Heber J. Grant (1856–1945), *Gospel Standards*, përmb. G. Homer Durham (1941), f. 15.

Ljubljana në Slloveni nga 2001-shi deri në 2003-shin, pa drejtpërdrejt çfarë ndryshimi përbën për anëtarët dhe kërkuesit që ta kenë Librin e Mormonit në gjuhën e tyre të parë. Ai shërbeu 18 muaj të misionit të tij përpara se Libri i Mormonit të qe i disponueshëm në sllovenisht.

Puna qe e vështirë. Dega e parë e Kishës qe krijuar vetëm një dekadë më parë. Sllovenia kishte fituar së fundi pavarësinë dhe qe në procesin e shfuqizimit me faza të ish gjuhës zyrtare serbo-kroate. Misionarët mbanin kopje të Librit të Mormonit në

serbo-kroatisht dhe në anglisht, që shumë të rinj i patën studiuar në shkollë. Por më shpesh, njerëzit nuk e pranonin librin pasi nuk mund të kuptonin asnjërin nga gjuhët. Eriku kujton sa boshe dukej t’u jepje dëshmi njerëzve për madhësinë dhe rëndësinë e Librit të Mormonit – dhe pastaj t’i duhej t’u thoshte atyre se nuk kishte një kopje në gjuhën e tyre.

Gjashtë muaj përpara se Eriku të shkonte në shtëpi, arriti dërgesa e parë e kopjeve të Librit të Mormonit në sllovenisht. Dega bëri një mbledhje ku çdo anëtar dhe misionar mori

një kopje. “Pati një shpirt të veçantë në mjedis”, kujton Eriku. Ai shënoi në ditarin e tij se çfarë ndjesie kishte të mbaje një libër të tillë të çmuar, të shumëpëritur. “Ishte si të mbaje vetë pllakat e arta”, shkroi ai. Pas mbledhjes, misionarët morën librat që mbetën për t’i përdorur për punë misionare. Eriku dhe shoku i tij qenë aq të emocionuar saqë kur shkuan në apartamentin e tyre, ata hapën pakot, i nxorën librat dhe bënë fotografi për ta kujtuar ngjarjen. Ata mezi prisnin që t’ua ndanin librat njerëzve. Me Librin e Mormonit



Ndërsa puna me përkthimin vazhdon, anëtarët nëpër botë, të tillë si Lea dhe Flora Lotrić në Slloveni, përjetojnë gëzimin e të paturit për herë të parë të një kopjeje të Librit të Mormonit në gjuhën e tyre.



NJË PROFET DËSHMON

“Ka një fuqi te libri që do të fillojë të vërshojë në jetën tuaj në çastin që filloni një studim serioz të tij. Ju do të gjeni një forcë më të madhe për t’i rezistuar tundimit. Ju do të gjeni forcë të shmangni mashtrimin. Ju do të gjeni forcën të qëndroni në shtegun e ngushtë dhe të ngushtuar.”

Presidenti Ezra Taft Benson (1899–1994), “The Book of Mormon—Keystone of Our Religion”, Ensign, nëntor 1986, f. 4; gjithashtu në këtë botim në faqen 52.

sllovenisht në dorë, jo vetëm që misionarët patën më shumë sukses duke iu afruar njerëzve, por ata patën gjithashtu një mënyrë për t’i rifrymëzuar dëshmitë e anëtarëve më pak aktivë që nuk patën ardhur në kishë për vite.

Në gjashtë muajt e fundit të misionit të tij, Eriku vërejti dëshmitë e anëtarëve sllovenë të bëheshin më të forta. “Sapo morën Librin e Mormonit në gjuhën e tyre”, thotë ai, “ata vërtet e kuptuan atë. Ai u fut thellë në zemrën e tyre.” Më përpara, folësve dhe mësuesve në mbledhje të Kishës u duhej të lexonin shkrime të shenjta në serbo-kroatisht dhe të vinin dikë që të përkthente dhe shpjegonte disa nga fjalët. “Dukej sikur ne po ecnim ngadalë nëpër

fjalë të huajtura nga një gjuhë tjetër”, kujton Eriku. Kur anëtarët filluan të lexonin Librin e Mormonit në gjuhën e tyre, “kuptimi i tyre për ungjillin u rrit menjëherë”, thotë Eriku.

Në Vetë Gjuhën e Tyre

Mojca Zheleznikar është një nga ato anëtare që u bashkua me Kishën në Slloveni përpara se Libri i Mormonit në sllovenisht të qe i disponueshëm. Dëshmia e saj e ungjillit erdhi duke dëgjuar misionarët dhe duke studiuar Librin e Mormonit në kroatisht dhe anglisht. Pasi u përfundua përkthimi në sllovenisht, Mojca lexoi tekstin e përkthyer dhe ndjeu fuqinë e fjalëve në gjuhën e saj të nënës. “Unë ndjeva të vërtetën të shtrihej përpara

meje në thjeshtësi të qartë dhe pastërti të thellë”, kujton ajo. “Ishte si zëri i Krijuesit tim duke më folur mua në vetë gjuhën time, gjuhën me të cilën nëna ime më fliste.”

Anëtarët nëpër botë përjetojnë ndjesi të ngjashme kur marrin Librin e Mormonit në gjuhën e tyre. Në 2003-shin, pasi Libri i Mormonit ishte përkthyer në çekisht, një gjuhë që flitet nga populli maja i Guatemalës dhe i Belizes, përkthyesit e rishikuan përkthimin me grupe të anëtarëve vendas. Një përkthyes kujton: “Ne patëm grumbulluar një grup anëtarësh pionierë në kishën e Senahúsë për të bërë leximin dhe ndërsa përfundonim çdo pjesë, një qetësi ndërruese vendosej në dhomë.



Pasi një përkthim përfundon, anëtarëve të Kishës që flasin gjuhën, u kërkohet ta rishikojnë tekstin. Nga e Maja: Valter Barillas Soto, Majk Pek, Saleni Rabi Kukul Sierra, Xhon Brin-gharst dhe Xhozefina Kukul Tiul rishikojnë Librin e Mormonit në gjuhën çekë në Koban të Guatemalës.



NJË PROFET DËSHMON

“Me dhuratën dhe fuqinë e Perëndisë [Jozef Smithi] e përktheu këtë libër (Librin e Mormonit) nga gjuha e tij fillestare dhe nga gdhendjet mbi pllakat e arta, në gjuhën në të cilën ne e lexojmë brenda kapakëve të këtij libri; dhe ai përmban plotësinë e Ungjillit të përjetshëm. Ai do t’i çojë njerëzit në arritjen e njohurisë së të vërtetës prej së cilës ata mund të shpëtohen dhe të sillen përsëri në prani të Perëndisë dhe të marrin nga lavdia e Tij dhe nga jetët e përjetshme.”

Presidenti Jozef F. Smith (1838–1918), *Teachings of Presidents of the Church: Joseph F. Smith* (1998), f. 42.

Kuptimi ishte i plotë dhe Shpirti ishte fuqishëm i pranishëm. Ishte një përjetim i shenjtë.”

Një nga anëtarët në atë mbledhje, Elvira Tzi, është mirënjohëse për përkthimin në çekisht të Librit të Mormonit për bekimet që do të sjellë te brezi që rritet. Ajo thotë se përkthimi do t’i lejojë anëtarët më të rinj që të “fitojnë një kuptim tërësor të fjalës së Zotit dhe të kenë respekt për atë që Zoti kërkon”.

Për anëtarët e Kishës, studimi i Librit të Mormonit në vetë gjuhën e tyre është një burim bekimesh të panumërta. Ndërsa anëtarët “mësojnë dhe japin mësim plot lutje nga shkrimet e shenjta”, ka thënë Presidenti Parë, “dëshmitë e tyre do të rriten, njohja e tyre do të rritet, dashuria e familjes dhe e të tjerëve do të zgjerohet, aftësia e tyre për t’u shërbyer të tjerëve do të zmadhohet

dhe ata do të marrin një forcë më të madhe për t’i rezistuar tundimit dhe për të mbrojtur të vërtetën dhe drejtësinë”¹.

Bekime me Ndikim të Gjerë

Bekimet e bollshme që Libri i Mormonit sjell në jetën e atyre që e studiojnë atë, rezultojnë në një shtysë të fortë për ta ndarë librin te të tjerët, duke përmbyshur më tej profecinë. Çdo vit, rreth një milion kopje të Librit të Mormonit shpërndahen në mbarë botën në më shumë se 100 gjuhë një nga një, anëtarë dhe misionarë ndajnë dëshmitë e tyre për Jezu Krishtin. “Qëllimi i urtë” për të cilin Alma foli në kohët e lashta është zbuluar tek arritja globale e Librit të Mormonit dhe te çdo jetë e ndryshuar. ■

SHËNIM

1. Letër e Presidencës së Parë, 15 tetor 2008.

FORMATE TË DISPONUESHME

Libri i Mormonit është i disponueshëm në formate të tjera përveç atij të shtypur, duke iu përshtatur mënyrave të ndryshme se si njerëzit studiojnë dhe mësojnë.

Botime Interneti dhe Celulari

Libri i Mormonit mundet tani të lexohet në Internet (scriptures.lds.org) dhe në pajisje portative (mobile.lds.org). Aktualisht, 21 gjuhë janë të disponueshme në internet me më shumë që do të shtohen së shpejti. Referenca të ndërthurura në internet dhe parametra kërkimi e bëjnë të mundur që shkrimet e shenjta të studiohen në një mënyrë tjetër, duke çuar në thellime të reja.

Botime Audio

Aktualisht, ka botime audio të Librit të Mormonit në anglisht, japonisht, koreanisht, portugalisht dhe spanjisht. Ju mund të shkarkoni regjistrime nga scriptures.lds.org pa pagesë ose të blini CD-ra nëpërmjet Shërbimeve të Shpërndarjes (store.lds.org). Kapituj të zgjedhur janë gjithashtu të disponueshëm në kaseta audio në gjuhët kakçikel, mam, navaho, kishé dhe xoxil. Puna vazhdon për të nxjerrë botime audio në gjuhë të tjera.



Botime të Tjera

Me ilustrime plot ngjyra dhe me tekst të thjeshtuar, *Book of Mormon Stories* [Histori të Librit të Mormonit] i vë rëndësi të mësuarit për ata që po mësojnë të lexojnë. Ai është shtypur në më shumë se 70 gjuhë. *Book of Mormon Stories* [Histori të Librit të Mormonit] është gjithashtu i disponueshëm në internet në scripturestories.lds.org.

Gjithashtu i disponueshëm nëpërmjet Shërbimeve të Shpërndarjes janë një komplet DVD-sh në gjuhën amerikane me shenja, një variant me format të madh shtypi (në anglisht, portugalisht dhe spanjisht) dhe në botimin anglisht në braj.



PYETJE TË ZAKONSHME RRETH LIBRIT TË MORMONIT



Çfarë është Libri i Mormonit dhe si krahasohet ai me Biblën?

Libri i Mormonit është një libër shkrimesh të shenjta i ngjashëm me Biblën. Ai është një dëshmi tjetër për Jezu Krishtin.¹ Bibla diskuton parimisht jetën dhe mësimet e Izraelit të lashtë. Libri i Mormonit përmban shkrime nga grupe të ndryshme që erdhën në Amerikë, përfshirë një familje që la Jeruzalemin në vitin 600 para Krishtit. Këta popuj qenë gjithashtu pasardhës të shtëpisë së Izraelit. Kështu Bibla dhe Libri i Mormonit qenë shkruar nga njerëz të së njëjtës trashëgimi, por në pjesë

të ndryshme të botës.

Si Bibla, Libri i Mormonit është më shumë se një tregim historik. Ai përmban “plotësi[në] e ungjillit të Jezu Krishtit” (DeB 20:9): mësimet, doktrinat dhe profecitë që dëshmojnë për Perëndinë Atin dhe Birin e Tij, Jezu Krishtin.

Profeti Jozef Smith shpjegoi se Libri i Mormonit “na tregon neve se Shpëtimtari ynë bëri paraqitjen e Tij të parë në këtë kontinent [Amerikë] pas ringjalljes së Tij; që Ai vendosi Ungjillin këtu në plotësinë e tij dhe pasurinë dhe fuqinë dhe bekimin; që ata patën apostuj, profetë, barinj, mësues dhe ungjilltarë, të njëjtin

Qoftë nga miq, familja, të interesuarit vërtet, apo armiqësorë, ne të gjithëve na bëhen pyetje rreth Librit të Mormonit. Këtu janë disa përgjigje të mundshme.



rend, e njëjta priftëri, të njëjtat ordinanca, dhurata, fuqi dhe bekime, siç gëzoheshin në kontinentin lindor; . . . se i fundit nga profetët që ekzistoi midis tyre që urdhëruar të shkruante një përmbledhje të profecive, historisë etj. të tyre dhe ta fshihte në tokë dhe se ajo duhet të dilte dhe të bashkohej me Biblën për plotësimin e qëllimeve të Perëndisë në ditët e mëvonshme”².

Anëtarët e Kishës studiojnë edhe Biblën edhe Librin e Mormonit. Në fakt, dy në katër vite të programit tonë të Shkollës të së Dielës i kushtohen studimit të Biblës. (Për më shumë mbi këtë çështje, shih faqet 16, 24 dhe 52 në këtë botim.)



Kush e shkroi Librin e Mormonit?

Profetë të lashtë, të tillë si Nefi, Jakobi, Mormoni dhe biri i Mormonit, Moroni, qenë autorët e tij të parë. Mormoni i mbledhi dhe i shkurttoi analet e mbajtura nga profetët rreth historisë, profecive dhe mësimëve të tyre. Ai gjithashtu përfshiu disa nga vetë përvojat e tij. Mormoni e skaliti këtë anal në një tufë fletësh metalike – të arta në ngjyrë – që shpesh përmenden si fletët e arta.

Pas vdekjes së Mormonit, Moroni i përfundoi analet dhe i propozoi ato në një kodër për t'i ruajtur për kohën tonë. Në 1823-shin Moroni iu shfaq si engjëll Jozef Smithit dhe i tregoi atij ku qe groposur anali. Katër vite më vonë Jozefi u lejua të sigurojë analet. Ai “e përktheu analin nëpërmjet dhuratës dhe fuqisë së Perëndisë” në anglisht nga gjuha e lashtë në të cilin qe shkruar.³ Ai pastaj e botoi dhe e shpërndau Librin e Mormonit. (Për më shumë mbi këtë çështje, shih faqet

Kush tjetër i pa fletët e arta?

22 dhe 72 dhe në këtë botim.)

Çfarë i ndodhi analit origjinal – fletëve të arta?

Jozef Smithi i mori fletët në shtator të 1827-ës dhe i pati ato deri në pranverën e 1829-ës. Kur ai shkroi historinë e tij në 1838-ën, ai shpjegoi çfarë ndodhi me fletët: “Kur, sipas rregullimeve, lajmëtari [Moroni] i kërkoi ato, unë ia dorëzova atij; dhe ai i ka ato në ngarkim deri në këtë ditë, që është dita e dytë e majit, një mijë e tetëqind e tridhjetë e tetë” (Joseph Smith—Historia 1:60).

Kush tjetër i pa fletët e arta?

Përveç Jozef Smithit, disa burra dhe gra të tjera i panë pllakat dhe dëshmuan për ekzistencën e tyre. Njëmbëdhjetë burra veçanërisht, të njohur si Tre Dëshmitarët dhe Tetë Dëshmitarët, i shënuan dëshmitë e tyre të të parit të fletëve dhe, në rastin e Tetë Dëshmitarëve, të mbajtjes së



fletëve. Dëshmitë e tyre janë përfshirë në fillim të çdo kopjeje të Librit të Mormonit.

Këta burra qëndrojnë si dëshmitarë të fuqishëm të Librit të Mormonit, ndoshta madje më shumë kështu, sepse disa prej tyre u bënë “për një periudhë kundërshtarë të Jozefit”, pohon Plaku Xhefri R. Holland i Kuorumit të Dymbëdhjetë Apostujve. Sidoqoftë, ata “dëshmuan deri në vdekjen e vet se ata patën parë një engjëll dhe i patën prekur fletët. ‘Ato na u treguan neve me anë të fuqisë së Perëndisë dhe jo të njeriut’, deklaruan ata. ‘Prandaj ne e dimë me siguri se vepra është e vërtetë.’”⁴



A ka të dhëna fizike që Libri i Mormonit është i vërtetë?

Edhe pse ne nuk e bazojmë besimin tonë në të dhëna fizike, ka të dhëna gjuhësore, historike dhe arkeologjike për Librin e Mormonit. Për shembull, ideja e të shkruarit në fletë metalike dikur ishte për-qeshur, por gjatë viteve të fundit janë gjetur shembuj të shumtë shkrimesh të shenjta në fletë metalike – disa të fshehura në kuti prej guri.

Gjuhëtarët kanë shënuar fjalë dhe fraza të Librit të Mormonit që tingëllojnë të pavolitshme në anglisht, por kanë kuptim të përsosur në hebraisht dhe në gjuhët e afërta që do të kenë qenë të njohura nga

njerëzit e Librit të Mormonit – gjuhë të cilat Jozef Smithi i ri nuk i njihje.

Por këto lloj të dhënash nuk janë ajo që na bind ne për vërtetësinë e Librit të Mormonit. Ajo është një çështje besimi dhe zbulesë vetjake.

Si mund ta di unë se Libri i Mormonit është i vërtetë?

Mënyra e vetme e sigurt për ta ditur vetë është nëpërmjet fuqisë së Frymës së Shenjtë. Kapitulli i fundit në Librin e Mormonit fton cilindo që e lexon atë, mendon mbi të dhe sinjorisht do të dijë nëse ai është i vërtetë, që të pyesë Atin Qiellor në emër të Jezu Krishtit. Ata që marrin këtë qasje do ta dinë me anë të fuqisë së Frymës së Shenjtë se libri është i vërtetë (shih Moroni 10:3–5). Miliona anëtarë të Kishës janë lutur dhe e dinë nëpërmjet dëshmisë së Frymës së Shenjtë se Libri i Mormonit është i vërtetë. (Për më shumë mbi këtë çështje, shih faqet 4, 60 dhe 80 në këtë botim.)

TË MËSOJMË MË SHUMË RRETH LIBRIT TË MORMONIT

Ka një pasuri informacioni në internet në disa gjuhë që mund t'ju ndihmojnë të mësoni më shumë rreth Librit të Mormonit dhe ta ndani atë informacion me familjen dhe miqtë tuaj.

- Për leximin e Librit të Mormonit në internet, vizitoni scriptures.lds.org/bm.
- Për të mësuar më shumë rreth Librit të Mormonit, për të bërë pyetje ose dialoguar me shkrim në internet me misionarë, shkoni në mormon.org/book-of-mormon.
- Për të kërkuar një kopje pa pagesë, vizitoni mormon.org/free-book-of-mormon.
- Për më shumë informacion, artikuj dhe shpjegime, shihni lds.org/study/topics/book-of-mormon?lang=eng.



Unë ngatërrohem te Zbulesa 22:18–19, që na tregon neve të mos shtojmë asgjë te fjala e Perëndisë.

Një nga besimet tona kyçe është se Perëndia u ka zbuluar gjithmonë vullnetin e Tij fëmijëve të Tij në tokë dhe gjithmonë do ta bëjë këtë. Ne besojmë Biblën të jetë fjala e Perëndisë, por nuk e besojmë se ajo përmban të gjitha zbulesat që Perëndia u ka dhënë apo do t'u japë profetëve të Tij. Edhe sot, Ai vazhdon ta zbulojë vullnetin e Tij nëpërmjet profetëve dhe apostujve të Tij, themeli i Kishës së Jezu Krishtit të Shenjtorëve të Ditëve të Mëvonshme (shih Efesianëve 2:20).

Kur Apostulli Gjon shkroi librin e Zbulesës, ai nuk qe libri i fundit i Biblës. Dhiata e Vjetër dhe e Re nuk qenë lidhur në një libër të vetëm shkrimesh të shenjta që tani quhet Bibla – deri në shekullin e tretë pas Krishtit.

Po ashtu, Ligji i Përtërirë 4:2 na thotë të mos shtojmë te fjalët e Moisiut. Sigurisht,

ky varg, herët në Dhiatën e Vjetër, nuk shfuqizon pjesën tjetër të Biblës. As Moisiu as Gjoni nuk mund të bënin fjalë për ndryshim të një vëllimi që ende nuk ekzistonte; ata zgjodhën të paralajmëronin kundër ndryshimit të mësimave të vërteta të ungjillit.

Libri i Mormonit, që përmban plotësinë e ungjillit, nuk e ndryshon fjalën e Perëndisë por e ripohon atë. (Për më shumë mbi këtë çështje, shih faqet 24 dhe 38 dhe në këtë botim.)

Unë kam dëgjuar se janë bërë ndryshime te Libri i Mormonit qysh kur u botua për herë të parë. Çfarë që ndryshuar dhe përse?

Përgjigjja për këtë pyetje varet nga kuptimi pak rreth procesit të përkthimit dhe botimit të Librit të Mormonit.

1. Ndërsa Jozef Smithi përkthente fletët e arta me fuqinë e Perëndisë, ai ia diktonte fjalët një shkruesi. Shkruesi nganjëherë bënin gabime drejtshkrimi apo gramatikore kur shkruanin fjalët e tij. Për shembull,



Si mund ta di unë se Libri i Mormonit është i vërtetë?

në 1 Nefi 7:20 fjalët “ishin të mjeruar” ishin shkruar “ishin të meruar”. Shkruesi nuk ishin të paarsimuar, por drejtshkrimi nuk ishte standardizuar në atë kohë.

2. Dorëshkrimi original i përkthimit u kopjua atëherë për të bërë një dorëshkrim të ri për shtypshkronjën. Në këtë fazë, disa gabime drejtshkrimi dhe gramatikore u korrigjuan dhe u shtua pikësimi. Por disa gabime të reja gjithashtu rrëshqitën kur fjalët qenë kopjuar gabim.

3. Shtypshkronjësi bëri më të mirën për t'i vendosur saktësisht gerat. Gjithsesi, ai nganjëherë bëri përsëri gabime të tjera. Për shembull, në Alma 57:25 ai e lexoi gabim fjalën “gëzim” dhe në vend të saj vendosi “armi”.

4. Profeti Jozef Smith i pa me kujdes tre botimet e para të Librit të Mormonit dhe ai vazhdoi të ndihmojë të bëhen përsosje dhe rregullime. Por disa gabime nuk qenë gjetur deri në botime të mëvonshme. Në 1981 një gabim shtypi në Alma 16:5 më në fund u korrigjua,

duke ndryshuar “nëse” në “ku” – duke e bërë atë sipas dorëshkrimit original siç Profeti e pati përkthyer atë nga fletët e arta.

5. Ndryshime të tjera përfshinë ndërprerje kapitulli dhe vargu dhe shënime fundfaqeje me referenca kryq.

Ndani një Kopje

Nuk ka rëndësi çfarë pyetje bëjnë njerëzit rreth Librit të Mormonit, libri është mbrojtësi më i mirë i vetes. Ju mund të dëshmoni për librin, të jepni një kopje dhe t'i ftoni të tjerët të luten rreth tij vetë. Nëse një person ka një zemër të sinqertë dhe dëshiron vërtet të dijë nëse libri është i vërtetë, Zoti “do [t'i] tregojë të vërtetën [atij personi], nëpërmjet fuqisë së Frymës së Shenjtë” (Moroni 10:4). ■

SHËNIME

1. Shih, për shembull, Boiy K. Packer, “The Book of Mormon: Një Dëshmi tjetër e Jezu Krishtit”, *Liahona*, janar 2002, f. 71.
2. *Teachings of Presidents of the Church: Joseph Smith* (2007), f. 64.
3. *Teachings: Joseph Smith*, f. 60.
4. Xhefri R. Holland, “Siguri për Shpirtin Njerëzor,” *Liahona*, nëntor 2009, f. 90.

NJË DËSHMI, NJË BESËLIDHJE DHE NJË DËSHMITAR

**Nga Plaku
Xhefri R. Holland,**
i Kuoromit të Dymbëdhjetë
Apostujve




Pohimet hyjnore që kam pasur lidhur me Shpëtimtarin dhe Kishën e Tij të rivendosi erdhën për herë të parë tek unë si i ri kur lexova Librin e Mormonit. Ishte kur po lexoja këtë anal të shenjtë, që ndjeva – përsëri dhe përsëri – pëshpëritjen e pamohueshme të Frymës së Shenjtë që i deklaronte shpirtit tim të vërtetën e tij.

Leximi i librit ishte fillimi i dritës sime. Ai ishte burimi i sigurisë sime të parë shpirtërore që Perëndia jeton, që Ai është Ati im Qiellor dhe që plani i lumturisë ishte përvijuar në përjetësi për mua. Ai më bëri mua që ta dua Biblën e Shenjtë dhe vepra të tjera standarde të Kishës. Ai më mësoi mua ta dua Zotin Jezu Krisht, ta shoh dhembshurinë e Tij mëshirëplotë dhe të mbaj parasysh hirin dhe madhështinë e sakrificës shlyese të Tij.

Ngaqë unë mësova vetë se Libri i Mormonit është një dëshmi e vërtetë – një dëshmi tjetër dhe një besëlidhje e re – që Jezusi është Krishti, unë mësova gjithashtu se Jozef Smithi ishte dhe është një profet i Perëndisë. Siç stër-stër-stërgjyshi im thoshte në ditët e hershme të Rivendosjes: “Asnjë burrë i lig nuk do të mund të shkruante një libër të tillë si ky; dhe asnjë burrë i mirë nuk do ta shkruante atë, po të mos ishte i vërtetë dhe ai të mos ishte urdhëruar nga Perëndia që ta bënte këtë”¹.

Bindjeve të mia të para u janë shtuar të gjitha çastet e tjera përshpejtuese dhe shfaqjet shenjtëruese, që sot u japin përmbajtjen më të thellë ditëve të mia, qëllimit të jetës sime dhe një themel të fortë dëshmisë sime.



*Unë dëshmoj
se Libri i Mor-
monit është një
besëlidhje e re,
një testament
i ri nga Bota e
Re për të gjithë
botën.*

Tani, unë nuk lundrova me vëllanë e Jaredit. Unë nuk e dëgjova Mbretin Benjamin të thoshte predikimin e tij engjëllor. Unë nuk isha midis turmës nefite që preku plagët e Zotit të ringjallur, as qava me Mormonin dhe me Moronin për shkatërrimin e një qytetërimi. Por dëshmia ime për këtë anal dhe paqja që ajo sjell te zemra njerëzore – që më është dhënë nëpërmjet pëshpërimës së Frymës së Shenjtë, ashtu siç është dhënë tek ju – është po aq angazhuese dhe e qartë sa edhe ajo e atyre. Dëshmoj për këtë libër me aq siguri sa, sikur bashkë me të Tre Dëshmitarët, të kisha parë engjëllin Moroni apo, me të Tetë Dëshmitarët, t'i kisha prekur fletët prej ari.

Unë më tej dëshmoj se asnjë prej nesh nuk mund të vijë në besim të plotë te kjo vepër e ditëve të mëvonshme dhe kështu të gjejë masën më të plotë të paqes dhe ngushëllimit në kohët tona, gjersa ai apo ajo të përqafojë hyjninë e Librit të Mormonit dhe Zotin Jezu Krisht, për të cilin ai dëshmon. Siç i tha Mormoni Moronit në një nga kohët e tyre më të vështira, kështu unë them në kohët tona të vështira: “Ji besnik në Krisht. . . Dhe qoftë e qëndroftë përherë me ty hiri i Perëndisë, Atit, froni i të cilit është lart në qiej dhe Zoti ynë Jezu Krisht, i cili ulet në krahun e djathtë të pushtetit të tij (Moroni 9:25–26).

Libri i Mormonit është shprehja hyjnore e besëlidhjes së fundit të madhe të Krishtit me njerëzimin. Ai është një besëlidhje e re, një testament i ri nga Bota e Re për të gjithë botën. Drita me të cilën unë eci është drita e Tij. Mëshira dhe shkëlqimi i Tij më udhëheqin mua – dhe ju – në dëshminë tonë për Të në botë. ■

SHËNIM

1. George Cannon, cituar në “The Twelve Apostles”, në botimin e Andrew Jenson, *The Historical Record*, 6:175.




Dhe Ai i Shëroi, Secilin, nga Gary Kapp

*“A ka mes jush ndonjë që është i sëmurë? I sillni këtu. . . .
Meqë e shoh se besimi juaj është i mjaftueshëm që unë
t’ju shëroj.*

Dhe ndodhi që pasi u foli kështu, e gjithë turma, të gjithë së

*bashku, shkuan para me të sëmurët dhe me fatkeqët, dhe me të
çalët, dhe me të verbërit, dhe me memecët, dhe me të gjithë ata që
ishin të prekur në ndonjë mënyrë; dhe ai i shëroi, secilin që sollën
në prani të tij” (3 Nefi 17: 7–9).*



“Tani, . . . të gjitha ju funde të tokës, u vini veshin këtyre fjalëve dhe besoni në Krisht; dhe nëse ju nuk besoni në këto fjalë, besoni në Krisht. Dhe nëse ju do të besoni në Krisht, ju do të besoni në këto fjalë, pasi ato janë fjalët e Krishtit; dhe . . . ato u mësojnë të gjithë njerëzve, që ata duhet të bëjnë mirë.

Dhe nëse ato nuk janë fjalët e Krishtit, gjykoni ju — pasi Krishti do t’ju tregojë, me fuqi dhe lavdi të madhe, se ato janë fjalët e tij, në ditën e fundit” (2 Nefi 33:10-11).